

MOLUMO O SA KHETHOENG

 Lumelang hoseng hona, metsoalle. Ke thabile haholo ho khutlela kerekeng hape, hoseng hona, ka mora veke...ea ho neeletsa liabolosi sefuba sa ka, metsotsong e meng le e meng e maloa, ua tseba. Nako le nako ha a neeletsa sona, ke se busetse ho eëna. 'Me re sa ntse re loana. Ke ikemiselitse hore a se boroke. Ua bona? Nako le nako ha a 'neeletsa sona, ke mo kothomeletsa sona hape. Ua bona? Ho 'neeletsa sona, ke mo neeletsa sona. Ka hona o—o motle ho se khutlisa, le ha ho le joalo, ua tseba. O hlile o tseba mokhoa oa ho phethisa. Empa qetellong re tla mo khathatsa, kapa re tla qeta mamello ea hae, joalo ka ha ke buile bosiu bo bong.

² Mothaka e mong o kile a re, ka mohla o mong, a ile a rapelloa, 'me o itse, "Be," ho re, "diabolosi o itse ha kea folisoa." Le ho re, "Ka sheba fatše," ho re, "matšao 'ohle a sa le teng mono, joalo ka qalong feela." 'Me a re, "Be, ka re, 'Satane, hoo—hoo—hoo ke 'nete, ha ke bone phapang ea letho. Empa ua tseba ke'ng?" Ho fihlela a nyamela, ke tla paka ka thata ea bokhoni ba ka, nq'a khanya ea Molimo. Joale ha u batla ho lika-lika haufi, u 'mametse, u ka 'na ua itulela."

³ Ke tumelo ea mannete eo. Ho paka ka khanya ea Molimo, hobane, "Tumelo ke tsepiso e tiileng ea lintho tse lebeletsoeng, pontšo e kholisang ea tse sa bonoeng." Ua bona? Ha u bone tumelo. U mpa u lumela, tumelo.

⁴ 'Me vekeng ena, ho ne ho phethesela lapeng. Esale bao, ehlile, letsatsing la pele, kea kholoa, ha batla ho kena ba mashome a mararō. 'Me ke batlile, ke hona, lipuisano tsa ka tsohle le lintho li phethiloe. Ebile veke e maphathe haholo.

⁵ 'Me ke ithutile lintho tse itseng vekeng ena. Ke ne ke theohile... 'Me ke na le motsoalle mona motseng, e leng mothaka ea khabane haholo. Ke ngaka ea meriana. Re kene sekolo 'moho, Ngaka Sam Adair, 'me ke mothaka ea rutehileng haholo. 'Me joale ho fetile lilemo tse 'ne ke sa 'mone. Ke qoqile le eëna lihora tse batlileng ho ba tharō kapa puo ea lihora tse 'ne le eëna, vekeng ena. Ra kena ofising ra e koala feela, ra kena ra qoqa.

⁶ 'Me ka mo phethela lintho tseo ke li sibolotseng, tsa moea, mabapi le matla a mabe, le kamoo a kenang kateng. 'Me a mpolella ka bongaka, kapa e—e hlahlobo ea eona ea lehlakore la bongaka. Ho a makatsa, le tla bona kamoo bobeli boo bo khemang 'moho ka phetheho. Uh-hum.

⁷ Ka hona, a ntse a mpolella ka mamina a itseng kenang mothong, mono motho ha a tšoanele le ke ho tšoaroa ke sefuba, joaloka, kapa ntho efe. Hore u tlameha feela ho ba... Ho kena

mamina a itseng, kokoanahloko e ntano kena kahar'a mamina ana, kapa mamina ana a etsa kokoanahloko.

⁸ Ka re, "Be, efèla ha mamina a etsa kokoanahloko, nka rata ho tseba moo bophelo ba kokoanahloko bo tsoang teng." Ua bona?

⁹ "Be, ehlile, seo," a rialo, "ha re se tsebe." Ho re, "Ha e khone ho boleloa feela."

¹⁰ U a hatsela, kapa ho hong, 'me kokoanahloko eo e ipopa ka libopeho tse fapaneng. Hape e bokhoni ho ikatisa, e lula e hlasisa likokoanahloko tse tsoang ho mamina ana, kea kholoa. Ngaka, motho ea haufi, kapa mooki, a ka e utloisiaho feta.

¹¹ Empa thahasello ea ka, le mehopolo ea ka, e le hoo, kokoana eo, ka seqo sa eona. Bophelo bo kahar'a ntho eo, kahar'a kapinyana eo e kang e—e kang k'hapsule, e nyenyane ha e bonoe ke leihlo la motho. Empa kahare ho nthoana e ka bonoang feela ke galasehali e matla, bophelo bo teng kahare ka mono. Bophelo boo bo qosoa ke'ng ho it'sopha ka mamina a makaalo, ho etsa k'hapsule ena, ua bona, kapa kokoanahloko, ke diabolosi. Ke matla a moea. Ao, ba ke ke ba khona le ka mohla... Ekasita ba theohetse katlase ho molek'hule, hore ba ka thola selenyana ena ea kokoanahloko, le joalo, 'me ke leranyana la mamina le ka bonoang feela ka galase e matlahali. 'Me hape, empa, ka nqane ho eona, ha ba khone ho bona, hoba ho se letho... ha ho... ha ho thepa ea tlhaho e ka sebelisoang. Joale, pele ke—ke...

¹² Ho na le batho ba emeng. Joale, Charlie, ha ke batle ho bona... Uena, le David, le Rodney, le lōna bohole mono, le mosa haholo ho 'na ha ke fihla lapeng ha lōna, le lintho. Ha ke khone ho le baballa ka setulo ka tlung ea Molimo, empa, ke le bolella seo ke se etsang, ha le ka tla koano hantle, sa ka ke sena. Nyolohang hantle, 'me le iketle. Mang har'a lōna ea batlang ho nyolohela koano hantle 'me a lule, nyolohela koano hantle feela. Ua bona? Le tla amoheloa ho feta.

¹³ 'Me ke se—ke se setle. Hantle-ntle ha se sa ka. Ke sa Mongh. Wilson, hlooho ea sekolo. Ke bile le sona ho tloha ka 1937, ke sa khale ka ho fetisa. Ka hona ke...

¹⁴ Eèna, mona nakoana e fetileng, ho itsoe, "Hela, na u sa bolokile litulo tsa ka?"

Ka re, "Ke ntse ke li lula bosiu ka bosiu ka bong pele ke rera."

'Me o itse, "Be, li matsohong a matle, u ka li tlohela."

¹⁵ Joale le amohetsoe. Setulo se seng ke sena mona. 'Me haeba le batla ho tla koano moo mathaka ana a manyenyane a lutseng. Joale le se ke—le se ke la soaba ke hona, ua inka u le mothaka e monyenyanne, ha u eèna. Empa, u rata ho ba eèna, hape. Empa, 'me setulo se seng esale sena mona, se lutseng ka ntle mona. 'Me —'me se seng se teng mona. 'Me ka hona le ka khona, haholo lōna maleiti mono, le emeng mono ka mokhoa oo. Kea leboha. 'Me re

ka thaba ha le ka nyolohela koano la lula fatše. Ho tla itokela. Potisa sephaka sa hao, o itšetlehe, ka puo ea rōna.

¹⁶ 'Me—'me, Charlie, ke itse u nyolohela koano. Ke—ke mo qhokola, ka linako tsohle. Ka re, "Nyoloha, tloo kerekeng." Ke ntse ke leka ho mo tšoara, ho tla, ho tla mpona. 'Me hape o... Ke itse, "Ha u fihla kerekeng, ke tla re, 'Hoseng hona, Ngk. Charlie Cox o tla hlahisa molaetsa,' 'me ke tlohe."

¹⁷ A re, "Ke tla akheha." [Moena Branham le phutheho ba tšeħa—Mongħ.] Ka hona le pele ke 'mitsa, o balehetse phaposing e ka morao. O...

¹⁸ Ka hona ke rata ho... pejana feela re qala thuto ena. Ke hopotse, veke e fetileng, Morena a ile a re hlohonolofatsa. Na le ile la rata e—e... [Phutheho e re, "Amen."—Mohl.] Khele! Keha ba phuthehile ho tsoa hohle feela. Esita le Molaetsa o fiħlile koana California. Ba ne ba letsa maobane bosiu, ho tsoa California, ka Oona. 'Me—'me joale ba batla ho hlophisa ntho e tšoanang California, khoeling e tlang ea Pherekhong. Ua bona?

¹⁹ Moea o Halalelang o ile oa bonahala o phaila, hang feela, hantle mono Shreveport. 'Me O tloha tulong e 'ngoe ho ea tulong e 'ngoe, joalo, 'me e le feela—feelā hora ea tšenolo.

²⁰ 'Me re thabile ke hona, le ho tšepa, ha re bona seholpha sa rōna—sa rōna se mona, mona tabernakeleng, se atlehisoa ke sena, ho bona ponahatso ea Molimo har'a rōna mona. Re e thabetse haholo, me re lumela re fiħletse hora e khōlō eo ea ho bitsa Kereke, le ho E hlophisa. Ka hona ba...

²¹ Ke ne ke fumana ntho eo ke...ha ke ntse ke qoqa le motsoalle oa ka ea lokileng, Ngk. Adair, a lutseng ka ofising ea hae. 'Me o itse, a bua ka lintho tse fapaneng tsa ekeserei, a bua ka lifuba tse mpe le likokoanahloko tse fapaneng. 'Me eare ha a ema a nka libuka tsa hae, 'me a mpontša, seo ba se fumaneng. O itse, "Ke tla u bolella, Billy," a rialo. "Joalo ka sefuba se sebe, bongata ba tsona," ho re, "ha re na letho bakeng sa sefuba se sebe," a rialo.

²² Ka re, "Be, khafetsa ke itse ha u jeoa ke 'metso, haeba u ka khakhatsa ka ntho." Ka re, "Joale hoba ke qete ho rera," ka re, "ke ea hae bosiu, ke batla ke chele lentsoe." Ka re, "ke—ke noa Lavoris e seng kae, 'me—'me ke khakhatsa ka eona." Ka re, "Re e bolokile lilemo le lilemo lapeng, ho itsukunya molomo."

²³ O itse, "Metsi a batang a ka loka hakaalo." A rialo, "Ehlile, u se nahane hoba ntho efe eo u ka khakhatsang ka eona e ka u thusa le ka mohla—le ka mohla. Hobane, e ka hlatsoa kokoanahloko efe feela e 'metsong oa hao, ho e ntša. Ha e khone ho kena mophuleng oa mali. Haeba e khona, e ka phatlola 'metso oa hao 'me oa lutla mali. Ua bona?" Le ho re, "E ke ke ea khona."

²⁴ Maele a khale a boela a khutla, “Moriana o etselitsoe ho rekisoa, e seng ho nooa,” lea ua tseba. [Moena Branham le phutheho ba tšehe—Mohl.]

²⁵ ‘Me holim’ a tsohle, le ka ho bona libuka tseo ke li tšoereng lapeng la ka, ho li bala. Ke—ke thahasella moriana, ehlile ke joalo, ntho efe e ka thusang batho ba Molimo, ho thusa motho. Haeba e le khotso, ho ithuta maoa a khotso, ke thahasella seo. Ke thahasella e—e ho phela sechabeng se ntlaufetseng ho feta. Ke thahasella likolo tse ntlaufetseng tsa bana ba rōna. Ke thahasella sohle se molemo, se tletseng le se lokileng.

²⁶ ‘Me moriana o sebelitse likhōlō. Kea lumela Molimo o o sebelisitse, lintho tse ngata. Kea lumela, hola re ka tsepahala ho feta ra inehela Molimo ho feta, ba ka be ba fumane thepa ea mefetše le ntho e ‘ngoe le e ‘ngoe. Hola feelsa re . . . Molimo o e tšoere, hola re ka Mo kōpa eona. Ua bona? Ka hona, joale, ke lumela lebaka la ho sibolloha ente ea Salk, ka lebaka la bana ba sotlehileng joalo. ‘Me, Satane, ntho e khopo eo kantle mono, e ne e holofatsa bana le lintho. ‘Me Molimo oa e lumella ho sibolloha, e le ente. ‘Me e entse ntho e khōlō ena, etsoe re leboha Molimo o Matlaohle haholo, ka eona. Liteboho tse khōlō haele moo Molimo o ile oa re hlohonolofatsa ka mehla!

²⁷ ‘Me, moena, moo . . . Ha a khuttlele hae, ha ke re, Khaitseli Nash? O—o . . . [Khaitseli Nash o re, “Che, monghali. O ile ho lata litulo tse ling.”—Mohl.] Oh, ho hotle. Ke hantle. Uh-huh. Ho lokile.

²⁸ Joale, hlahlobong, ke hona, hoba ke fihle hae, ke ile ka lula fatše mono ka phaposing ka balisia halelele, “Hona hohle ho bolela’ng?” Ke til’o le qotsetsa lethoana, leo ke ntseng ke le bala hona joale, le tle le bale le ‘na. ‘Me Morena, ha re ntse re ka phaposing, ke ile ka e laetsa ho Eèna, hobane ke fetile maiphihlelo a maholo le Eèna.

²⁹ Empa na le tsebile, hore, hoba ngaka a mpolelle seo, a mpontša libuka tse holimō ka ho fetisa le tsa morao tsa bongaka ba meriana, etsoe ke li tseba li sa tsoa sibolloha. Mona ho lutse ngaka, le hona, e ‘mametse. Joale taba ena, lintho tsa morao le tse khabane tsa sefuba se sebe, ha ba li fumanela moriana. Ba hanela ho nooa ha diaspirini, le lintho tse joalo; li mpa li kokobetsa lehlaba feelsa, le joalo, la sefuba kapa bohloko, empaa ha e thusse sefuba ka letho. Empa e u thusa ho phomola. ‘Me ntho e khabane ea sefuba se sebe, ke ho paqama le ho robala, u ikettle. Robala betheng feelsa, e batla e bokhabane bo ka etsoang.

³⁰ Joale, hape, ka qala ka balisia. Ka rialo. “Ngaka Sam, ha ho le joalo, sena ke sena . . . Sefuba se sebe, ntho e khabane ke ho phomola.”

A rialo, “Ke ntho e molemo ho ntho efe.”

³¹ “Be,” ka rialo, “kea u leboha, ngaka, ho hotle haholo.” ‘Me ra qoqa nakoana, ‘me eaba ke ea hae. ‘Me ka ‘molella . . . O rata

mebutla le lihlora, le lintho, ha a ke a tsoa. Re ne re tloaetse ho tsoma haholo, 'moho, re sa le bashanyana, le ho tsoma le ho tsoasa hlapi, kapa ho tsoasa hlapi, haholo.

³² Eare ha ke fihla hae, ka nahana. "Eng?" Ua tseba, ka elelloa, ka sheba liphooefolo. Ha u nka ntja, ha e ka kula, e tla ea noa metsi, e robale nq'a e 'ngoe, e paqame. Be, eaba ke tleloa ke mohopolo, hoseng ho hlahlamang. Ke ne ke robetse betheng, ke emetse balelapa. Ba tsoha ka mashome a mararō ka morao ho tšeleta. 'Me 'na ke tsoha ka mashome a mararō ka morao ho 'ne, kapa ea bohlano. Ke ne ke robetse mono. Ho nahana, hangata, Molimo o senola lintho.

³³ Ua tseba, ha ke rute taba ena. Empa na u tsebile . . . Monna, tšimolohong, mohla Molimo o nong o mo etsa, ha Oa mo etsetsa ho alafshoa. Kalafo ea hae e ne e le ka hore ho eèna. O ne a equi- . . . A le—a le—o ne a le sekolokoto ka sebele sa hae. Ua bona? Ka hona, pholiso ha e tsoe mohloling o kantle. E tlameha ho tsoa kahare. Joale re ka noa lithuso tse kantle, tse kang tse bolaeang likokoanahloko, kapa e ka bang eng ra e noa. Kapa, re ka sebelisa matsoho a rôna ho sehana, ra ntša e—e sekotoana, kapa ntho e itseng, joalo ka lelana la apendikse, kapa leino le lebe kapa ho hong, le ho le ntša. Empa pholiso ha e tlisoe ke ntho efe eo u ka e sebelisang. Pholiso e hlahisoa feela ke—ke matla a ka ho uena, ho haha e—e mesifa e tabohileng ho e busetsa moo e ntšitsoeng teng. 'Me, ka baka leo, pholiso e ka ho uena.

Joale mamela ka hloko, le nahane ka thata joale pele u hlahisa mohopolo oa hao tabeng ena.

³⁴ Motho, tšimolohong, mohla a neng a etsoa, motho ke molimo. Ehlide ke molimo. Hoba o ne a etsoe ka setšoantšo sa Molimo, e leng mora oa Molimo, 'me hape ke mojalefa oa sohle seo Molimo o leng sona. 'Me motho o filoe tulo ea ho busa, 'me borena e ne e le holim'a lefatše. "U neiloe matla holim'a lihlapi, holim'a tse rurang tsa sebaka, le holim'a sohle." A ka bua, 'me sohle se mo utloe, hobane e ne e le—e le molimo, ka ho eèna, e seng Molimo oa bokahohle, empa ke bolela e . . . Molimo oa maholimō le lefatše. Empa e ne e le—e le 'misi oa 'muso oa hae. E ne e le khosi, khosi—'misi. Eo e ne e le motho. 'Me esita le joale, boemong ba hae bo oeleng joale, o sa ntse a momme tšobotsi eo.

³⁵ Joale, nakoana e fetileng, ha ba ne ba leka ho nyalisa, le joalo, 'me ho thoe, "Motho o tsoile liphooefolo tse tlase, le—le ho inyolla ka phetohobutle." Be, ua bona, esale ba tšoenyana le mahlale hofihlela ba hanetsa mohopolo oa bona.

³⁶ U ke ke ua hoelisa ntho efe oa e holisa. E tla khutlela morao hantle. E ke ke ea khona. Poone ea mofutsoeloa, kapa ntho efe, ha e khone ho khutla e itsoala. Kapa joaloka ha ke buile tsatsi le leng, e—e—e—tonki le 'meri li ka tsoala, li hlahise mulete, empa mulete oo ha o khone ho hlahisa mulete o mong. O tlameha ho

khutla hantle, ho qalisa. Hobane, Molimo o itse, “Peō e ’ngoe le e ’ngoe ka mofuta oa eona.”

³⁷ Joale, mohla re neng re etsoa—mohla re neng re etsoa . . . ’Me ba sa tsoa fumana, morao tjena, hore ’mele oa hao o tletsetse leseli. Ekeserei e paka seo. Ekeserei ha e a tšoara leseli la eona. E sebelisa leseli la hao. U tsoaloa ka mahlaseli a mane. Ka mora nakoana, ha re re mashome a mabeli, mashome a mabeli a metso e mehlano, leseli le leng le a tima; le mashome a mararō a metso e mehlano, le leng, kapa mashome a mane, le leng le a tima; ’me qetellong, ha u tlola mashome a tšeletseng a metso e mehlano, u phela ka leseli la hao la ho qetela. ’Me nako le nako ha u katlatsa setšoantšo sa ekeserei, u ntse o tabola mahlaseli ao. Ke ka baka leo le sa salang ka letho, le sunya maoto a bana bana kahar’ a machine ao, hobane e ne e tabola mahlaseli ao ’mejaneng oa bona. ’Me leo ke leseli la k’hosmiki le ka ho uena, leo u entsoeng ka lona, o tletse lisele tsa leseli. Joale, leo ke leseli la k’hosmiki.

³⁸ Empa Molimo ke Leseli le fapaneng, empa koana Ke Leseli. Joale, kea kholoa setšoantšo se mane ke paki khōlō ea seo ke itokisetsang ho se bua, ho re Molimo ke Leseli. ’Me joaloka ha re ne re tsamaea Leseling la Molimo, joalo ka bara ba Molimo; Molimo ha se Leseli la k’hosmiki, empa ke Leseli la Molimo le sebetsang ka leseli la k’hosmiki ea mebele ea rōna, lisele tsa rōna. ’Me re fetoha . . . Rōna ruri, khetlo le leng, ka sebele, re ne re le bara ba Molimo ba makhonthe. Empa mohla tlolo e tlileng, eaba moo . . .

³⁹ Tholoana ea Moea kajeno ke lerato, thabo, tumelo, mamello, bonolo, mosa, tiisetso, tseo tsohle li kaholim’ a tlholeho. E fihlile lethebeng moo ’mele ’ohle, butle-butle joalo . . .

⁴⁰ Ho joaloka lehola la leoatle, ha u fihla botebong ba leoatle. Khafetsa, liqoeli, ba kena tlasa mahola ana a leoatle. ’Me le pele ba tseba, ba haretsoe hoo ba sa khoneng ho itšoasolla.

⁴¹ Be, le sebe se sebelitse morabe oa motho joalo. Le serame se sebelitse kereke joalo. Le makomonisi a sebelitse sechaba joalo. E bolotsana hakana. ’Me le kahar’ a ’mele oa motho, e re haretse, o sutuletsa Leseli lena la Molimo kantle; ka mekhatloana, le ka ho latola Tumelo, le joalo, o sutumelelitse mahlaseli a Matla a mahola a Molimo a tumelo kantle, ua bona, e leng ka ho rōna, e tlamehileng ho ba joalo. Li sutulelitse mahlaseli ao ’ohle kantle, ho fihlala sebakeng sena, ebile re fetohile loje. ’Me—’me joale e ka tlasana ho loje, ke kereke e joalo, hobane e sutumelitse feela, lefifi lohle, kantle, ’me ebile ho thoe feela, “Ha e sa etsahala.” Ho latoloa hoba e ka etsahala, ua bona, mehlolo ea Molimo.

⁴² ’Me koana, motho, kae-kae tlase ho eèna, nq’ a e ’ngoe ka ho eèna, hola feela a ka lumella nthoana . . . Joaloka ha ke e bapisitse, e kaa ka konopo. Motho ha a pholosoa, bokaalo boo ba hae ke Molimo. Ho kena Leseli le lenyenyanne hakaalo, ho mo tèlisa bobe. Joale, hola u ka leleka lonya lohle le mohono,

le khang le ho se lumele, tsa tsoa, Leseli le lenyenane leo le kale ka konopo le Matla a Molimo a tla 'na a hola, a hola, a hola, a hola, a pupetsa ho se lumele. 'Me ha u ho sebetse ka lithoholetso tsa—tsa ho hlakisa 'mele. U e phethisa ka Bophelo ba hlatsuo, ba boineelo boo Moea o Halalelang o bo phallisang ka ho uena. Ke fumane lethonyana la Bona tulong e itseng, moo, nakoana e fetileng.

⁴³ Ba hopolang mohla Elij' Perry a tsosoang bafung hoseng hoo ba bakae, bang ba lōna ka mona? Le e bone pampiring mona, makhetlo a mangata. Ke bona Khaitseli Wilson, bao, ba phahamisa letsoho la bona. Ke ne ke eme mono ha monna eo a eshoa. O lula hantle kantle mona joale, o tlie kerekeng hang ka nako, ho paka ka hona.

⁴⁴ A ile a shoa, lihora tse 'maloa. A bolaoa ke mali a lutlelang matšoafong, 'me a tletse mali hohle. 'Me ka tloha ka ikela. Ke le moevangeliste e mocha feela, matsatsing ao. 'Me Khaitseli Jackson e ne e le setho sa kereke mona. 'Me—'me e le mohats'a moreri oa Methodise, joale ke lebala lebitso la monna eo. Shafiner, Moena Shafiner le Khaitseli Shafiner. Ba ne ba amana le ba ha Wisehearts. 'Me bao 'me o ne a eme mono pel'a bethe. 'Me eaba ke qala ke tloha. 'Me a tletse mali kamoo ho ka etsoang, moo a shoetseng teng. 'Me mahlo a hae a qethohile, 'me qoqotho ea hae e tomolotsoe. Eaba ba mo khurumetsa ka lesela hloohong. 'Me mohats'a'e kantle mono, a ntse a lla, 'me a leka ho fumana liaterese, ho letsetsa baratuoa.

⁴⁵ 'Me ka qala ka tloha betheng, 'me ka utloa Motho a beha letsoho la Bona holim'a ka. Ka hopola e ne e le Khaitseli Shafiner. 'Me ha ke retoloha, ho se motho haufi le 'na. 'Me eaba ke qala . . . Ea ntlohela, ha ke retoloha.

⁴⁶ 'Me Moena Elij' o ne a robetse mono, a shoele. Re ne re le metsoalle e meholo, ra tšoasa lihlapi nokeng, ua tseba, kamoo re entseng lintho tse ngata 'moho. 'Me o lemetse kantle mona, seporong, a palame seokho. Be, sa phetšeleta matšoafko kahare. O ne a lutla mali. A lutla mali a tšoaroa ke TB, 'me a shoa.

⁴⁷ Ka qala ka leba lehlakoreng *lena*, ka utloa Letsoho leo hape. Ka khutlela morao, Le sa batle ho tloha ho 'na.

⁴⁸ 'Me le pele ke tseba seo ke se etsang, keha ke robetse holim'a monna eo, melomo ea ka e amile melomo ea hae. Ke le mali hakaalo ka eèna, ke robetse holim'a monna eo, ke hooeletsa Molimo. 'Me ka utloa ntho e nyolohang, lehlakoreng la tsebe ea ka. E ne e le letsoho la hae.

⁴⁹ Le mo utloile a ema mona a paka ka eona. Ua bona? Kamoo a . . . 'Me a khutlela bophelong. 'Me mono ekaba lilemo tse mashome a mabeli a metso e mehlano, kapa li ka ba mashome a mararō. O lula, kajeno, hantle mono koung. 'Me o ne a tlie nakoana e fetileng, a ntse a paka ka kerekeng.

⁵⁰ Joale, ke hona mohla Canada e letsang e batlile ho tseba, ka mohla o mong. Ke ne ke e pakile Canada pele mohla ke qalang likopano tsa ka. Ba letsetsa Mongh. Coots, ramoshara, 'me ha botsoa haeba motho a kile a tsosoa tulong ea hae, a shoele. Ke sa tšoere likhechana tsa litaba, le joale.

Ba itse, "Re utloetse ka mehlolo e mengata e entsoeng," Mongh. Coots o boletse. Ha thoe, "Mongh. Branham ke motoosalle oa ka e moholo, 'me ho hlahile lintho tsa mefuta eohle. Empa ha rea tšoara rekoto ea motho ea tsositsoeng bafung, haholo-holo tulong ena e patang bafu."

⁵¹ Ma-Canada a ne a ebile litsebe. 'Me letsatsi le latelang e... Khele, keha lipampiri li manehiloe. A re, "Makholo a batho a letsitse ho tsoa hohle." 'Me Moena Perry ka mono, ka bo-eena, a ntse a paka ka tsoho ea 'mele oa hae mono, 'me a hanela e—e seo a se ngotseng pampiring. 'Me eaba ho utloisisoa hoba e ne e se mono. E etsahetse lapeng la hae, e leng moo a neng a robetse, a shoele. Ba e-so mo ise moshareng, le joale.

⁵² Ka ntoo bala bosiu bo bong, moo Irenease, kea kholoa, kapa Santa Martin, a robalitseng 'mele oa hae holim'a motsoalle oa hae, ka mora ho fanyehoa. Joale eo ke histori. 'Me a robala holim'a hae hora, eaba monna eo o a phela.

⁵³ 'Me ka bona ka Bibeleng moo Elia a robalitseng 'mele oa hae holim'a setopo sa moshanyana, 'me a boela a phela.

⁵⁴ 'Me ke hopola moshanyana koana Finland, mohla a robetseng mono, a shoele, a robetse pel'a tsela.

⁵⁵ Hape, ebile, likhoeli tse ka bang peli tse fetileng, kea kholoa, Gene, ho Newsweek; leo ba le ntšitseng, ba se reileng, "bafolisi ba Khalalelo" ba lokolotsoe London. Ba ba tlohetse ho ea, rapella bakuli. 'Me ha hlahisoa liphesente tse mashome a robeli tsa pholiso ho feta meriana. Thapelo ea bakuli.

⁵⁶ *Reader's Digest* ea e thonaka. Le Amerika mona, bao, re e fumana e ngotsoe kantle mona, le ho *Reader's Digest*, moo ba ileng ba hlahluba pholiso ea Khalalelo. 'Me ba nka moena ea rapeletseng bakuli, 'me a tšoere monna ea kulang, 'me ba re a rapelle mokuli enoa. 'Me eaba ba beha sekotoana sa foili ea loto. Mang le mang o a tseba, foili ea loto e halimisa lehlaseli leo. Ka holim'a, lipakeng tsa monna, le monna ea neng a rapela, moena eo, letsoho la hae. Le ho le robatsa *tjena*, ha katlatsoa setšoantsšo sa ekeserei. 'Me letsohong la monna, ha hlaha lehlaseli le totobalang ho tsoa letsohong la hae, le chalametsa ho ea ho monna e mong.

⁵⁷ Molimo o tseba seo O nong o se bolela ha O itse, "Ba tla beha bakuli matsoho, ba tla fola."

⁵⁸ Peho ea matsoho, ea monna enoa, holim'a monna ea kulang, 'me ekeserei ea machini (Oho Molimo!) e bontšang Leseli le tsoang letsohong la monna. Batho ba ka thotofala hakae, ho

tlaleha ho se ntho e joalo ka pholiso ea Khalalelo? Khele, esita le lihlomo tsa machini, dimachini tse—tse hlahisitsoeng ke mahlale, ke e—ke e . . . (eng?) ke khalemelo likakanyong tsa bona ka sebele, nq'a likereke tsena tse reng, “Pholiso ea Khalalelo le Matla a Molimo ha li eo.”

⁵⁹ Le reng ka monna eo koana Chicago? Ho tsoella feela le ho tsoella, ho bolela, o ile a nkemisa pel'a metara mono, le ntho eo, kamoo lenaka leo le khonang ho rejisetara joaloka lie-detector, ho Eona. Ua bona?

⁶⁰ Le mosali eo ea robetseng, a e-shoa, ea ntano hlahlojoa. Ea tjeba lenaka leo la phikoloha, ke Matla a lekanang ho romela molaetsa oa radio ho pota lefatše, makhetlo a mashome a mane, ‘me eaba a roba mochini oo. Mohalaleli eo, ea shoang, a ntse a ipolela. Eaba o behoa holim'a monna ea khopo, ea shoang; ‘me ha e entsoe, a tjeba lenaka, la phikoloha le hanyetsa, la leba nq'a ena, ka matla a lekaneng ho roba mochini. E—e mohanyetsi eo, o itse, “Haeba Molimo a le teng, ‘me A le mosa a le pelōnolo, litlotlisong tsa Hae, a ka romella machine ao Matla a lekanang ho le phikolosa, ho na le ho Hong ka ho mosali eo, ho hlahisang Matla ao. ‘Me haeba holim'a monna ea khopo, a ka le lahlela morao lehlakoreng le leng,” ho re, “Molimo, nkauhuele, ‘na moetsalibe,” ‘me eaba o neha Kreste pelō ea hae. Ke hantle. Khele, mahlale a tseba.

⁶¹ ‘Me tsatsi le leng le tla fumana, hore Molimo o ka ho lōna. Ua bona? Molimo, ka Sebele, ka ho motho. Molimo ka ho rōna! Oh, ke leboha Molimo hakakang ka lintho tseo, li a babatseha!

⁶² Joale, pele re atamela Lentsoe la Hae, ‘me joale ha re nkeng nako ea rōna, hobane hoseng hona re tlil'o rapella bakuli. ‘Me ke—ke—ke e tsebisitse.

⁶³ ‘Me joale motho o n'a nts'a botsa haeba re tla ba koano Sontaha se tlang. Be, ka mokhoa . . . Ha ke eso tsebe le joale. Bao . . . Ke—ke batla ke sa tsebe pele Morena a e senola. Ha Morena a e lumella, mohlomong bosiu ba Sontaha se tlang. Ke amoha moena oa ka ea theko e thata mona lithero tsohle tsa hoseng. [Moena Neville o re, “Amen. Ho lokile, moena.”—Mohl.] Bosiu ba Sontaha se tlang, ha ho ka etsoa, ha nka ba haufi, ha Morena a ratile. Etsoe, ka tloaelo ke teng, haese ha ke bilelitsoe ho tsoa. Ke batla ho bua ka: *Re Bone Naleli Ea Hae Bochabela* ‘*Me Re Tlide Ho Khumama*. Ua bona, molaetsa feela, molaetsa oa Keresemose.

⁶⁴ ‘Me joale pele re Mo atamela, kapa Lentsoe la Hae, ha re mo atameleng ka thapelo. Haeba . . . Bohle ba khonang ho ema, ha re emeng nakoana feela.

⁶⁵ Ntata rōna ea Maholimōng, re batho ba thabileng ho fetisa, re thaba hoo meea ea rōna—ea rōna ea motho e sa khoneng ho e tšela. Re tlameha ho hooeletsa, ka linako tse ling, re bulele thabo e ahileng lipelōng tsa rōna e phallang, ka Jesu Kreste; ho tseba

hoba horeng eo re phelang ho eona joale, moo ntho ka 'ngoe e leng—e leng molubalube, koana Motheo o tiileng o sa le teng.

⁶⁶ Le ho bona ho hlahile banna ba masene, matsatsing a fetileng, 'me ba lekile ho hanyetsa Molimo a le teng, ka lihlomo tsa bona tsa machini, ba khutla ba pakela khanya ea Molimo. Ruri, Judase o n'a tlamehe ho bua, ka hare ho eëna, ha thoë o "ekile Mali a se nang molato." Molaoli oa lekholo oa Moroma o itse, "Ruri eo e ne e le Mora oa Molimo." Lira tsa Hae ka Seqo tsa li ne li tlamehe ho paka. 'Me re pheletse ho bona mongoaha oa mahlale o fihla pheletsong ea oona. Ha ba khone ho tsoela pejana. Ba tla khona feels, nakoaneng efe, ba phatlolane likoata. 'Me koana re bona eona mechini ea mahlale eo ba e sibolotseng, ho leka ho hanyetsa Uena, e phikoloha hantle 'me e paka ka khanya ea Hao. Kamoo re U lebohang ka hoo, Morena! Re lumelle, kajeno, ho hopola hobane Lentsoe la Molimo le ke ke la lholeha.

⁶⁷ Re fe tumelo, Morena. Joaloka tlhahiso e nyenyane eo, nakoana e fetileng, eo ke e entseng, mabapi le Matla a Molimo a ahileng ka ho rôna, 'me mesifa eohle ea rôna e tlameha e be Leseli la Molimo, athe lefifi le sebe li katille masobana a ka ho rôna, a meea ea rôna. E re Moea o Halalelang, hoseng hona, o hasakane ka hara botho ba rôna, ho katella tumelo bothong ba rôna bo kahare, hore mebele eohle ea rôna le maphelo e tlallane hakana ka Matla a Molimo, hofihlela batho ba bona Jesu Kreste a phela ka Kerekeng ea Hae. Aba sena, Ntate.

⁶⁸ Re e nehela ho Uena eohle joale, le ho U kopa ho tla hlohonolofatsa mantsoe a 'maloa ana ao re tlang ho a bua joale, ho leka ho tsoaela se seng se ngotsoe ke e mong oa baapostola ba Hao, Santa Pauluse e moholo. 'Me kea rapela, Ntate, hore Moea o Halalelang a tle a nke Sena le ho Se holisa feels lipelöng tsa batho, le ho abela tšebeletso e tla latela ea pholiso matla. Re kôpa ka Lebitso la Jesu. Amen.

Le ka lula fatše.

⁶⁹ [Khaitseli e mong o bua ka leleme le sele. Sekheo lebanteng. Moena o qala a bua ka leleme le leng. Sekheo lebanteng. Moena e mong o a koaholla—Mohl.] Kea leboha Morena. Amen. Ho isoe thoriso ho Molimo. [Sekheo lebanteng.]

⁷⁰ Molimo, re U leboha ka molemo oa Hao le lereko. Re U leboha ka liponahatso tsa Hao tsa lerato le Matla, ka sohle seo U re etselitseng sona. Ha re lokeloe ke mahlohonolo ao U re fang 'ona. 'Na ruri... Ho latela molumo oa molaetsa, ho tlamehile ho be ho tsoile molaetsa o le mong, 'me ekare ho ne ho hlabeloa baetsalibe mokhosi, ho—ho batla Uena, hoba hora ea tšenyeho e haufi. 'Me Ntate Molimo, rea rapela haeba motho eo a le teng mona hoseng hona, kapa batho bao, ba tlang ho utloisia re sa tsebe letho ka lintho tsena, hore ruri, ke Moea o Halalelang o buang ka melomo ea motho, ho koaholla, ho bitsa batho ba reriloeng pele

ho motheo oa lefatše, ho behoa bara le barali ba Molimo, 'me mohlolomong esale ba ikhatolotse sena nako e telele. Ba ke ba tle kajeno, Morena, ho tseba Uena, ho fumana kou eo ea setšabelo, hoba hora e atametse haufi. Aba sena, Ntate, re sa U emela ho ea pejana, ka Molaetsa. Ka Lebitso la Jesu Kreste. Amen.

⁷¹ Joale, e mong ea ka tšohang a sa utloisise kamoo melaetsa e tsoang joalo, e mebeli ea eona, e ka ba e mong o siile seo e mong a se thonakileng. Hoba, le elelloa hamorao kamoo e mong, o leng mokhutšoane ho feta o mong, tse 'maloa feela tseo e mong a ka beng a li siile. 'Me koahollo ha e fihlide, e tlide ka mocha o tšoanang, lea bona, le eo molaetsa o ntšitsoeng ka eona, ho hlabeledoa baetsalibe mokhosí.

⁷² E—e tsoatsoile, batho bana ha ba tsebe seo ke tlang ho se bua. Ha ho motho ea e tsebang, lefatšeng ha ho ea tsebang haese ho fihlela hona joale, empa ke eona ntho eo ke buang ka eona. Ua bona? Yaa. Joale phetlang le 'na ho Bakorinthe ba Pele, khaolo ea 14. Ho hotle feela ho—hong honya ho se lumele ha hao feela, e le hore Moea o Halalelang a kene kahare 'me A inkele tsela ea 'ona, ua tseba, le ho haola le metso ea lōna, le—le ho laola, le—le ho laola bophelo ba hao.

⁷³ Joale, lōna ba ngolang Lengolo fatše. Ke lemo hile, tsatsi le leng, thuto ea mokhalo oo, e thusitse haholo, ebile mona ke tšoere maqephe a mararō kapa a mane mabapi le seo ke tlang ho se bua, hoseng hona, ka Mangolo le lintho, ao le ka a ngolang fatše 'me la tšoaea libaka. 'Me kea tšoaile fatše ke tle ke se a lebale.

⁷⁴ Joale khaolong ea 14 ea Bakorinthe ba Pele, litemana 1 ho isa ho 8. Sekehetsang tsebe joale.

Phehellang lerato, leha ho le joalo le chesehele lineo tsa moea, haholo ea ho porofeta.

Efèla ha e le ea buang ka puo ha a bue le batho, o bua le Molimo feela: hobane ha ho ea mo utloang; 'me o bolela, moeeng oa hae, moeeng oa hae o bolela liphiri.

Empa ha e le ea porofetang o buela batho tsa khahiso, tsa khothatso, le hoa matšeliso.

Ea buang ka puo o ikahisa a 'notši; empa ea porofetang o haha kereké.

Ke rata ha le bua bohole ka lipuo, . . . haholo ke rata ha le ka porofeta: hobane ea porofetang o fetisa ea buang ka lipuo, ha e se ha eo a ka fetola, kereké e tle e fumane khahiso.

Joale, banab'eso, ha ke be nka tla ho lōna ke bua ka lipuo, le ne le ka fihlela molemo ofe, ha ke . . . bue le lōna ka taba eo ea tšenolo, leha e le ka ea bohlale, leha e le ka ea boporofeta, leha e le ka ea thuto?

Ho lutse joalo le lintho tse sa pheleng li hlahisa molumo, leha e le ka phala kapa harepa, ha li ka lla

*mololi o le mong, ho ka tsejoa joang ha ho letsitsoe phala
kapa ha ho letsitsoe harepa?*

*'Me ekare ha terompeta e e-na le molumo o sa
khethoeng, ke mang ea tla phallela ntoeng?*

⁷⁵ Joale kea batla, ha le fihla lapeng, le tsoepele le bale khaolo e tletseng eo mono, hobane E tsoere litemana tse ngata, litemana tsa khaolo ena li mashome a mane. 'Me ke batla le—le E bale ha le fihla lapeng. E hhalosa lineo.

⁷⁶ Joale haeba nka reha sehlooho hoseng hona, holim'a ntho ea ka . . . seo ke batlang ho se bua, ke: *Molumo O Sa Khethoeng*.

⁷⁷ Joale, ke Pauluse ea buang, ka—ka ho bua ka lipuo. Ha mofetoli a le sieo, ho be ho ka tseba mang se boletsoeng ke batho bao nakoana e fetileng? Ba ke ke ba tseba. Empa o bua le Molimo feela. Ruri moea oa hae o hlahisa—hlahisa Lentsoe, 'me o tlottlehile, o hlohonolofatsoa ke eona. O itse, "O ikhahisa a 'notši," hobane o na le matšeliso a hobane Molimo o bua ka eena. Empa ekare ha mofetoleli a fihla, a feheletsa taba eo, ua bona, mofetoli a e sala morao; ke moo e sa ahiseng èèna a 'notši, e hahisa kerekere eohle, e hlahisetra motho mang le mang e—e Lentsoe la Morena, ka ntho eo.

⁷⁸ Joale, ba itse, "Ekare ha moporofeta a le teng, ka hona, moporofeta ea buang e le hore kerekere eohle," e leng . . . Moporofeta, ke'ng? Mosenoli ea Khethehileng oa Lentsoe le Khethehileng, ea tšoereng tšenolo ea Lentsoe, ho e hlahisetra batho. Taba eo e hahisa e mong le e mong. Ua bona?

⁷⁹ Joale, motho ea buang ka lipuo, a ka bua lipuo. 'Me ke taba e thibetsoeng, hape, ho motho mang ho bua ka lipuo ka kerekeng, ha e se ha mofetoleli a le teng mono. Re lumelloa ka hona ho bua ka lipuo mona, kaha hona joale re babaletsoe ka bafetoleli ba babeli kapa ba bane ka kerekeng hona joale, hantle hona joale, hantle mona kerekeng ena, bafetoleli ba lipuo tse sa tsejoeng. 'Me ka hona, ha mofetoleli a le sieo, re ka be re sa ba lumelle ho bua ka kerekeng. Leha ho le joalo, lapeng leha ba rapela, e re kahobane ba ikhahisa ba 'notši, hobane Moea o holim'a bona, hofihlela ba leka . . . Batho ba hopola ba bua seo le ka se utloisisang, feela ha ba tsebe seo ba se buang. Bao, ho tšoana le ho ema 'me u qala u bua taba, ha ba khone ho e tholisa. E phalla e tsoela pele feela—pele feela. 'Me ba hopola ba bua seo le se utloisisang. Ke e—e maemo a sa itaoleng.

⁸⁰ Ho tšoana leha u le holim'a kalana, ho a tšoana le kajeno, le tla bona ha litemoho tsa moea li fihla. Ho na le batho ba bangata ka mona, ha ke e-so ba bone bophelong ba ka. Le shebe Moea o Halalelang ha O theoha, o tla qala o haola har'a letšoelie le ho bolella batho bao hore ke bo-mang, kapa moo ba tsoang teng, se etsahetseng, le maloetse a ba tšoereng, seo sohle. Ua bona? Ke'ng? "Ke Lentsoe la Molimo, le bohale ho fetabole sabole e leolitsoeng ka nqa tse peli, e hlabang ho isa mokong oa lesapo, esita e le

mohlanoli oa mehopolo le merero ea pelo le kelello.” Ua bona? Ua bona? Ke Lentsoe la Molimo.

⁸¹ Joale, Pauluse o boletse, “Ekare ha lōna bohole le bua ka lipuo, mofetoleli a le sieo, ha ea sa rutehang a kena, a re, ‘Bao ba hlanya, ba hlakane.’” Lentsoe *bohlanya* le bolela ho “hlakana.” “Me joale ho thoe, ‘Ba hlakane.’ Empa e mong ha a porofeta ‘me a senola makunutu a lipelō, e mong le e mong o tla itihela fatše, a re, ‘Molimo o har’ a bona.’”

⁸² Joale, “Ha mofetoleli a le sieo.” Phetolelo, ea leleme le sa tsejoeng, ke boporfeta. Ua bona, ke boporfeta, ka seqo, hobane Moea o Halalelang o a bua ‘me O a koaholla. O bolella batho ba itseng, ho etsa lintho tse itseng, le—le ntho e ‘ngoe le e ‘ngoe. ’Me e mong le e mong o a tseba ha E u khahlola, u tseba hore E bua le mang.

⁸³ ‘Me ka hona ho—ho hotle ho e bona e se feels . . . Ha se batho, ke Molimo ka har’ a bana ba batho o—o etsang mosebetsi oa Oona. Ehlide, re leboha Morena haholo ka eona.

⁸⁴ ‘Me ke qala ke e lemotha e kena libakeng tse ling, likereke. Charles Fuller. Ba bakae ba utloetseng ka The Old-Fashioned Revival Hour? Monna e moholo, o boletse, nakoana e fetileng mona. O itse, “Re bua ka lipuo, le phetolelo e teng, hantle mono.” Hantle mono Long Beach. ’Me ke ’nete. Nkile ka rera le eèna hantle mono, hangata. Ka hona ba fetolela, ‘me ba khutsisa e mong le e mong.

⁸⁵ Ua bona, lebaka la eona, ha re tšabe lineo tseo. ’Me ka linako tse ling ke ha neo e tsoang tseleng, ‘me u tlameha ho e phepetsa. Ha se—ha se . . . Ua bona, ke—ke Satane ea lekang ho ba kolumetsa ka koana. Haeba a sa khone ho u thibela ’nete, o tla nka eona ’nete eo a u kolumetse le eona ka koana. Ua bona? Ke hantle. O tla e fetola bohlanya. Ua bona?

⁸⁶ Joale, re leka ho e baballa e tsepame, mona. E—e qala e nyoloha ka har’ a kereke ea rōna, hape, khetlo la pele lilemong. Ka hona re e baballa e bataletse, re ba tsebisa taba eo. Ka nako, joale, hangata, joaloka le hona joale, ho ka ba le motho ea utloang a batla ho bua ka liteme, ua bona, hona joale, empa ba tlameha ho ikhutsetsa. Ua bona? Kea . . . Hona joale ke tšoere Lentsoe. Ua bona? Ua bona? Ua bona? ’Me hoba sena sohle se fete, le memo ea aletare le eng hape, hoba sena sohle se fete mona, molaetsa o ka tsoa, ua bona. Sebui se ka bua ka puo, kapa pele ho nako ena.

⁸⁷ Joale ha e lula e tsoella, ‘me lineo li kena, re tla ba khethela nako ea ho phutheha ‘moho. ’Me ba tla phutheha, lihora le pele kereke e ka qala, ‘me ba lule ‘moho, ba porofete, ba bue ka lipuo. ’Me ba ngole melaetsa eo, ba e behe hantle mona holim’ a kalana.

⁸⁸ Ka nako ha moalosi a theoha, o tla tsoa hantle, a re, “HO RIALO MORENA. E tla re, letsatsi ka mora hosasa, Moena Jones, ea lulang tlase mona pel’ a seporo, a falle, hobane lekouchu le

tlā fapoha tselana le phetšeles ntlū ea hae. HO RIALO MORENA. Mosali o tlā kena mona hoseng hona, lebitso la hae ke *Sekete-kete*. O tsoa tulong e itseng-le-e-itseng. 'Me o ne a utsoe ntho e sa le ngoanana ba hae. Moena Branham kapa Moena Neville, e ka bang mang, ba tlā 'meha matsoho, hoba a ipolele phoso ea hae 'me o tlā lokisa litaba, a tle a fole. Lebitso la hae ke *Sekete-kete*.' Ua bona? 'Me moalosi, le pele e qala, tšebeletso, o tlā bala lintho tsena. Ke hantle. Ua bona?

⁸⁹ Joale e seboprehong sa bongoana, har'a rōna joale. Ua bona? E seboprehong sa bongoana. Hape, ua bona, ha ho letho le ka fanyang. Ua bona? Ua bona? Diabolosi o a kena 'me a ka qale ka nama feela, ka hona, ka ho etsa joalo, o tlā hahola kereke eohle likotoana ka tsela eo, ua bona, ho kolumela hlahafalang koana, le ho itšoara joalo nako efe feela, ua bona. Empa Kereke e hlèkiloē ka bolaoli. Ua bona?

⁹⁰ 'Me joale—'me joale haeba e—haeba motho a ötliloe ka neo, 'me a phepetsoa ke Lengolo, ebe—ebe ba halefisoa ke eona, taba eo e bontša e ne e se neo ea Molimo. Hobane, neo efe ea Molimo, e tlā hlompha Lentsoe. Huh? Uh-huh.

⁹¹ Ke ka baka leo pholiso ea Khalalelo e emeng ka mokhoa oa eona. Ua bona? Ke Moea o Halalelang o hlomphang Lentsoe, Moea o Halalelang, kolobetso ka Lebitso la Jesu Kreste. Moea o Halalelang ka ho uena o tlā hlompha Lentsoe lena, hobane O Le ngotse, ka Sebele, ua bona, 'me O ka ho uena. Ke lona Leseli leo la Molimo ka ho uena, le eeng le hlomphe Lentsoe ho sa tsotelehe moo Le ngotsoeng teng Mona. Moea oa baporofeta (ke baporofeti, lineo) e ikokobeletsa moporofeta, ua bona, e leng mohlanoli ea Khethhehileng oa Lentsoe. Joale, ana ha rea thabela ho bona lintho tsee letsatsing la rōna? [Phutheho e re, "Amen." —Mohl.]

Joale, ruri lena ke letsatsi la ho hloka botsitso.

⁹² Le boletse mona, "Ekare ha terompeta e hlahisa molumo o sa khethoeng, ke mang ea ka itokisetsang ntoa?" Ke Pauluse ea buang mona, ehlile, a bua le Bakorinthe bana. 'Me boholo ba bona e ne e le masole, mehleng eo, lebothong la bona. "Joale, joale ekare ha terompeta e hlahisa molumo o sa khethoeng, ke mang ea ka itokisetsang ntoa?" U tlameha ho thola botsitso ba ntho efe le efe. Re tlameha ho tseba haeba e lokile kapa che.

⁹³ 'Me joale re phela letsatsing la ho hloka botsitso bo boholo. Bohle re tseba seo; letsatsi le hlokang botsitso, le nako e hlokang botsitso. Ha ke lumelé ho kile ha fihla nako le ka mohla... Esale nako e qalile morao koana serapeng sa Edene, mohla sebe se kenang 'me se khaola Bosafeleng ho bo fetola nako, ha ke lumelé ho kile ha fihla lekhathé la mehla e tletseng ho hloka botsitso hakana joaleka kajeno. Hobane, ha ho a sala le tšepe e le 'ngoe lefatšeng la tlhaho kajeno.

⁹⁴ Joale, u re, “Be, ke bone mehla, ke balile nalane, e le mohla lintoa li aparetseng lefatše.” Eo ke ’neta.

⁹⁵ Empa ha ho mohla lefatše lohle le emeng lintšing tsa ho phatloloa likotoana, ka motsotsoana feela. Ua bona? Le tšenyeho e kaalo, e kile ea qosa liveke le lihora, le joalo-joalo, joale e qosa motsots o le mong, e ka ba ha e kaalo. Ke ho khoephetsa konopo feea, ’me ho felile ka lona. Ho a tšabeha. ’Me ha ba na . . . Cuba e ka khona, e ’notši. Ha e a tlameha, nthoana e nyenyane . . . Haiti e ka khona. Sechabana sefe se batlang, se ka hotetsa lefatše lohle ka mollo, sa le thefula mopotolohong oa lona, nako efe ha ba batla. Ua bona? E hloka lehlanya le leng feela, athe ba lefatšeng ho pota ke mashome a dibilione, ba ka etsang hoo.

⁹⁶ Le shebe ha ho tšoha ho hlaha taba ea ho ipolaea holimō mono, ’me e le har’ a bona, ’me diabolosi a mo tlamme hona, hantle feela moo meaho e meholo ena ea lifofane e leketlileng teng, ke ho tobetsa konopo e le ’ngoe eo, ke tseo li thakhoha. Hang ha li nyoloha, li hlaha lesireng la liipone tsa ba bang; le bona ba khoephetsa tsa bona, ’me ke rōna bao. Ua bona? Ke phetho. Hoba, ba tšoere feela . . . Mothaka e mong le e mong o hlomme lesira la hae la seipone, o shebile, kantle leoatleng, disafomarine, kantle koana lihlekehlekeng, hohle. Li hlomiloe kahohle, holimo koana Tšiea Leboea, tlase Tšiea Boroa, hohle, ho hlonngoe lesirahali lena la liipone. E reng motho e mong a tobetse konopo, ke phetho seo ba se batlang. ’Me le mona ho tobetsoa konopo ea bona, le ba bang bohole ba tobetsa, le ho tobetsa le ho tobetsa. ’Me ho tla etsahala’ng? Empa, oh, nyee . . . Nahanang, e ka etsahala le pele re tsoa tšebeletsong hoseng hona.

⁹⁷ Empa, le hopole, pele e etsahala, Molimo o tšepisitse ho tlela Kereke ea Hae, ho tšepisa ho tla, ha re tsebe mohla A tlang ho tla. Ke ntho e tlotloang hakae! “Ho bohole ba ratang ho hlaha ha Hae, O tla hlaha.” Ana ha le rate . . . Na ha le rate ho ’Mona hoseng hona? [Phutheho e re, “Amen.”—Mohl.] ’Me ha re bina thokonyana eo, “Ke batla ho ’Mona, ho Mo talima sefahleho. Ho bina mohau oa poloko ea Hae ka mehla.” Mohla bophelo bohole bo felileng, ’me mathata le mahlomola li pheutsoe khetlo la ho qetela, re tla ’Mona. ’Me re tla ema mono, ka bocha, ka ho se shoe, ho phela ka pel’ a Sefahleho sa Hae ka mehla. Teng sebe ha se sa tla ba teng, maloetse, lipelō tse opang, mahlomola, mohla nako eohle e monngoang ke Bosafeleng. Khele, ke ntho e tlotloang hakae!

⁹⁸ ’Me taba eo e u etsisa’ng? U batla ho sebetsa joale, ho kenya e mong le e mong malulong ao, le tle le khone, bakeng sa Hloibilo eo. Ke batla . . .

⁹⁹ Ke ikhalalelitse, ’me ka—ka tšepisa Molimo ho leka ho sebetsa ka ho menahaneng. Ke—ke entse sohle kamoo ke tsebang ho sebetsa. ’Me ekare nka—ekare nka khutlela bocheng hape,

lilemong tse leshome le metso e robeli, tse mashome a mabeli, le ho tseba seo ke se tsebang, mohlomong nka tseba ho ema halaleletsana, ka eta khafetsa e fetang, ntho e kang eo, bakeng sa 'Muso oa Molimo.

¹⁰⁰ Lōna bacha hoseng hona, le leng bacha, bocha bo sa le bongata ka ho lōna, ha lea tlangoa ke malapa le ke lintho, Molimo a le thusē ho bona pono, ho bona—ho bona hora eo re phelang ho eona.

¹⁰¹ Ho hloka botsitso. Ha re shalimeng lintho tse 'maloa tse hlokang botsitso joale, nakong ena e hlokang botsitso. Ho hloka botsitso ho atile ka . . . Re buile ka ntoa, ho hloka botsitso ho ipetsa puong ea morenana oa ntoa. "Ha re utloisise." Ha ba tsebe. U ka tloha, 'me ba tšoara likopano tse khōlō, le joalo, ba mpa ba sa khone ho momahana. Ho hlokoa botsistso. Ha ba tsebe. Ha ba tsebe se tlang ho hlaha. Boramaqiti bohole, le ba joalo, ba thohothelloang ho ithuta ntoa, le likhonahalo le kamoo lintho tsena li tla bitoha kateng, ha ba tšoara karabo hoseng hona. Ha ho motho ea khonang. Ha ba khone ho u bolella feela.

¹⁰² Be, mahlale, ka mora lintho tse khōlō tseo ba beng ba ka li nahana, maqithali 'ohle ao ba a hakantseng, maqheka 'ohle a mahlale le liphethoho tsohle tseo ba neng ba ka li etsa, tsa mechini ea bona ea saense, le—le maboko a bona a qhotsang mehopolō, le likelello tse ithutang ka likello; 'me hoba bohole ba kopane horeng ena, ba buile ho le hong, "Ke metsotso e merarō pele e otla khitla ea bosiu." Ke eona karabo ea bona.

¹⁰³ Kapa, "Na ebe na re ka e phonyoha? Na re ka cheka fatše ra itšohlometsa, ra hohobela bohole bo lekaneng tlasa mobu, ho kalla libomo tseo ho re fihlela, 'me ra pholoha joaloka sechaba?" Ruri le ke ke la khona. E ka phatlola e—e botebo ba maele fatše. Ho ka thoeng ha u ipatile botebong ba limaele tse leshome? Ha u ka khona, u fihlile lejoeng le qhibilihileng. Empa ho ka thoeng haeba u . . . Ha u ka finyella bohole boo, sekahla seo se ka roba lesapo ka leng 'meleng oa hao. Ha ho tsela, tlase.

¹⁰⁴ Tsela ke ho ea holimō. Oh, kea thaba ha ke fumane Karabo! Ha lea thaba na? [Phutheho e re, "Amen."—Mohl.] Molumo o tsitsitseng.

¹⁰⁵ Terompeta eo, ea ho cheka fatše le ho tšabela mahaheng. Joale ha ke utloa ho thoe ba fallisetsa goramente kaofela le lintho kantle mona, tikolohong ea Fort Knox, le mona tikolohong ea Mammoth Cave, 'me tlase mono ba hlophisa malulo. E tle re mohla . . . Ha ntoa e ka tšoha e fehla khang kapa ho hong, ba tla sheshena goramente ba mo hlakilele mahaheng ana. Ana Bibele ha e bue e hlakile ho thoe ba tla itsoapa ka mahaha le ka lithepa tsa lefatše? [Phutheho e re, "Amen."—Mohl.] Ka nèpo. Ua bona? Ha ba na karabo. Ka hona, sesole sa rōna sa lebotho le matla ha sea tšoara karabo.

¹⁰⁶ Joale, re ne re tloaetse, mahlale a rōna a ne a rialo, “Re ka haha machine a maholo. Re tšoere sethunya se fetang sa Jeremane. Batho ba rōna ba e—e—e sebete ba matla, re sehlahlo sa mo-Yankee oa khale, ’me ho tiletsoe e—e meropa, le—le ditlatse, ’me ho butšoeloe, ho fokaela lifolaga, le hora e nyenyane, le ntho eohle ka tsela eo. Moshaana, re ka tšethemela, ’me rōna re sehlahlo sa khale, ho e phethisa.” Ha lea tlameha ho ea koo. Mona ke mohla re tla e fumana hae. Ua bona?

¹⁰⁷ Thaka le leng feela le tlameha ho tobetsa konopo, ke phetho se tlamehang ho etsoa. Monna a le mong. Ha se tlameho ho koetlisoa masole a sekete. Monna a le mong feela ea se nang kelello, a arubelitsoe ke bademona feela, a ka tobetsa konopo eo feela, ’me ho lekane. Ua bona?

¹⁰⁸ Ka hona, ha ba tšoara karabo, eaba qetellong ba re’ng? “Be, ke metsotsa e merarō pele ho khitla ea bosiu.”

¹⁰⁹ Ke tšoere—ke tšoere filimi ea eona. Hona joale e alinngoe motsoalle oa ka oa ngaka, *Metsotsa E Merarō Pele Ho Khitla Ea Bosiu*. Joale, filimi eo e entsoe lilemong tse ka bang hlano tse fetileng, mohla ba-Juda ba qalang ba khutlela Palestina. ’Me filimi e ba supa ba pepile liqhoala tsa khale mekokotlong ea bona, ba tsamaea. ’Me ba ntse ba likoloha, ba ba hloma lipotso. ’Me ka hona eare ha ba ba botsa, ho thoe, “Ana le khutlela lehaeng, ho—ho shoela lehaeng?”

¹¹⁰ Ha thoe, “Re khutla ho bona Messia.” Uh-huh. ’Me moporofeta o tsepisise eng?

¹¹¹ Bongata ba lōna le balile makazine oa *Look*, *Life*, le eo. Ba katlatitse litšoantšo tsa lifofane tseo tse ba nyollang, ho tsoa libakeng tse fapaneng, tlase, Irane le libakeng tseo ba kileng ba lula ho tsona. ’Me, mohlang oo, ba sa batle ho palama sefofane seo. Ba eso bone... Ba sa ntse ba lema ka mehoma ea khale ea lehong, joalo ka ha ba entse lilemong tse ka bang makholo a mashome a mabeli a metso e mehlano tse fetileng, mohla Empire ea Roma e ba qhalanyang. ’Me bao—bao ba hana ho palama lifofane tseo. Empa motsofe...

¹¹² Moprista oa bona oa khale a tsoela koo, motsofe e mong oa borabbi, mesuoe, a tsoela koo ’me a re, “Na Molimo ha oa re bolella re tla khutlela lehaeng la rōna, ‘Ka mapheo a ntsu?’” Ba beha mehoma fatše, ba hloella sefofane ’me ba fofela morao hae, ka mapheo. Esaia o e bone, empa a sa tsebe. E ne tšoana le nonyana e fofang. O bone Iseraele a khutla, e tsokoletsoa morao le pele. ’Me lōna ba kileng ba palama lifofane, lea se tseba. Ke leqhubu, le eang morao le pele, joalo ka nonyana e fofang, ho khutlela hae.

¹¹³ Ba theoha mono, ba re, “Be, Messia o kae?” Ba ne ba batlike ho ’Mona. ’Me kea le bolella, mohla le bonang ba-Juda ba khutla ka tsela eo, ke eona nako ea Molimo eo. Re pheletsong.

¹¹⁴ Joale haufinyane ba fetohile sechaba, ho fetoha sohle seo ba leng sona, 'me ba na le chelete ea bona, le sesole sa bona, le ntho e 'ngoe le e 'ngoe, ntho e 'ngoe le e 'nge ea bona. Ba boetse ke sechaba. Ua bona? Oh, ke mohopolo o motle hakakang! Ke tšoere Lengolo le itseng mabapi le eona, tlasana ha u ea pejana mona, yaa, ka eona.

¹¹⁵ Joale ho hloka botsitso . . . hoa nthoa. Ha re tsebe nako efe. Mamelang radio. Le ba utloa ba bua radiong, "Kenyang thepa ea lōna mokatong o katlase. Le nke metsi a lekaneng, ka baka la lintho tse oang holimō. Le inkele le a radio ka mono, 'me le iketle." Ke bona dimagazine, li thaothela meaho e menyenyane ho tšabela teng, ho lula ka mokatong oa hao o katlase kapa ka serapeng sa hao, kapa ho hong. Ha libomo li qala li theoha, u e phema, seao-holimō se tla u fumana, le hona, ka hona ha u a tšoanelia le ho totua. Ba ka lihela bomo tlase New Orleans, 'me seao-holimō se tla u fumana mona. Ka hona ha se lebaka, u tla shoa leha ho le joalo. "Ka hona lula kahare, 'me u phele haleletsana ho feta," kapa ntho e kang eo. Oh, banna! Ebile ha ke e lumele. Ke lumela e le bosoana ho e leka. Ke hantle.

¹¹⁶ Empa Kereke ha ea tlameha ho belaela. Le tla be le se mona mohlang oo, le hona. Ua bona? Ke ntho e le 'ngoe e tiileng. Ua bona? Ha u joalo, hobane botsitso ba Lentsoe la Molimo bo tšepisa joalo.

¹¹⁷ Joale ha re nkeng ntho e 'ngoe e sa tsitsang, lintho li ngata hakana. Mesebetsi ha e a tsitsa. Ha u tsebe mohla nako eo. Kajeno u a sebetsa, 'me hosane ha u tsebe. Ke ntho e sa tsitsang. U ka ba le mosebetsi o motle, ha u nahana. 'Me tsatsi le hlahlamang, mong'a hao o a fihla, a thole motho e mong, 'me a u rahele kantle, a kenyé motho e mong. Ka hona, ke ho hloka botsitso ha mosebetsi.

¹¹⁸ Ha re nkeng, hape, bophelo ba lelapa bo hloka botsitso. Kea u bolella, ha ke tsebe se hlahetseng setsi sa boitšoaro ba basali ba rōna. Hlalo e ja setsi. Ke . . . Ho hlile ho a nyarosa. 'Me le bona makhotla a hlalo a pitlahane. Banana le bashanyana ba chata ba phela 'moho, ba fumana bana ba babeli kapa ba bararō, kapa ntho e kang eo. 'Me ba tla arohana, ba tsoe ho ea chata e mong, le ho chata e mong. 'Me malapa a bona?

¹¹⁹ Ke ne ke etetse bofutsaneng, lelapeng la bofutsana ruri, bosiu bo bong. Monna eo o itse, "Kea u bolella, ke—ke mpa ke sa tsebe feela." Ha thoe, "Ha ke tsebe ke tla phomella joang."

¹²⁰ Ka qamaka. O ne a sebetsa. Mohats'ae e monyenyane a le mono, a tsepahetse kannete, ka bana ba bane kapa ba bahlano ba lifahleho li litšila fulurung. Ka re, "Mosh'a'na, u ralimilione."

¹²¹ 'Me a re, "Huh! Be, Moena Branham, nke ke ka hanyetsa lentsoe la hao." A re, "Moena, ha ke na le daeme."

¹²² Ka re, “Empa u tšoere seo chelete e ka sitoang ho se reka.” Ka re, “Mohatsa’o mona ha a na mese e ‘meli e ngolisitsoeng ka lebitso la hae.” ’Me—‘me haeba ho le joalo, o e filoe ke motho e mong, hoba mosebetsi oa monna e ne e le oa letsatsi, hang ka nako. ’Me ka re, “Sheba mona, empa o a tšepahala ka botšepehi ba bokhoni ba hae.”

Ka re, “Boralimilione ba bangata, bosiung bona, ba ka nehela peni efe le efe ea hae, ho fihlela mofumahali ea joalo lapeng. Hantle.” Ka re, “Mosali oa hae o tsoile le seholpha sa banna nq’a e ‘ngoe, o tameneng nq’a e ‘ngoe, a rohakana, a bina, a tsuba, a hloaela bosiu, le lintho tse joalo. ’Me koana o a morata, empa sheba seo a se fumaneng. Bophelo ba hae bohole bo thatetsoe ke mosali eo, ’me sheba seo a se etsang.”

¹²³ Le ka ho fapanyetsana, mosali ho monna. Ua bona? Nyee . . . Ha ho phapang. Ho fihlile moo tsohle, ntho e ‘ngoe le e ‘ngoe, ke mohlaboa sebe feela—feel. Mosajana o setse hae, o leka ho alofa bana ba hae, athe monna oa hae o kae-kae, a tahiloe a itšoere rejoalo, o hloaela le basali ba bang. A ka nehelana ka’ng, hola a ruile limilione tsa didolara, ho bona monna eo a fetoloa monna oa makhonthe? E ka etsoa ka mokhoa o le mong feela, Jesu Kreste ke karabo! Ha ho letho le ka thusang le mohla. Ke nakong ea qetelo. Ke Kreste, ’me Eèna a ‘notši.

¹²⁴ Joale, hape, ka re, “Ke bontatenyana ba bakae ba likolohang kajeno, ba tšoereng dimilione tsa didolara, ba ka nehelang tsohle, hola ngoana eo oa hae ea thefulehang a ka koena joaloka oa hao mona bosiung bona? Ua bona?” A qala a ncheba.

¹²⁵ Ka re, “Sheba. U itse u na le lipalone tse ‘maloa le linaoa, le senkhoa sa bohobe; u hutse chelete ea hao thapama ena, ua reka bohojana le linaoa, bakeng sa bana ba hao bosiung bona.” Ka re, “E mong le e mong o jele hamonate, ’me ba khone ho ja. Le uena, hape.” Ke ba bakae mul- . . .

¹²⁶ “John D. Rockefeller o itse’ng? A ka nehela milione o iphotlileng, hola a ka ja sophero e le ‘ngoe ea k’habaje.” Ka re, “U itse o ne o lutse pel’o fesetere hoseng hona, moea o maruru o phutlela kahare. Eèna, o lutse tlung ea marena, ua bona, nq’a e ‘ngoe. Empa, koana, le haeba u tlameha ho lula mono u e-ja moapeho oa k’habaje, hara moea o maruru o phutlelang kahare, ua e bitiella ka sekotoana sa pampiri.” Ka re, “John D. Rockefeller a ka nehela milione ea didolara, ho ja khetlo le le leng joaloka uena, nako efe feela.”

¹²⁷ “Ke banna ba bakae ba lifofu, ba tšoereng molangoana letsohong, ba hlholotsang seterata, ba ka nehelang peni efe le efe ea bona, ho fumana mahlo a hao?” Ua bona? U ke ke ua lekanya boleng ba lintho tse enneng, le lintho tseo re li bitsang borui.

¹²⁸ Joale le ntšoarele, lõna litho tsa kereke. Ke ka baka leo re lekang ho bolela, hoseng hona, u ke ke ua lekanya boleng ba kereke ea hao e khõlõ, lihloro tsa lõna tse telele, le lintho, ka

lerato la Molimo le ahileng pelōng ea rōna, le tšetsoeng ke Moea o Halalelang oo A u fileng 'ona. Ha ho papiso ea letho. Lintho tsena li tla ka mohlololo o fetang tlhaho. U ka re nka joaloka mesollane, hoba u ba utloa ba bua ka lipuo 'me ba fetola, 'me batho ba lla, le ho hooeletsa, le ho hlaba litlatse. Nka mpa ka fumana seo sebakeng sa tsohle. Nka mpa ka aloasa moahong o makhasa joalo ka 'ona, moo matla a Molimo a hokahanang le batho, moo Kereke e phuthehang 'moho ka lintho tse joalo; sebakeng sa k'hathedrale e khōlōhali lefatšeng, ho rerela ho eona, e tletse mphi ea mehatsela e fofo, e ipolelisang, eo hothoeng ke Bakreste, moo u tlamehang ho cheha lentsoe ka leng la hao, 'me ha u khone ho rera ka pululelo. U tlameha ho e baballa *tjena-le tjena*, le ho beha moahloli e mong le e mong le ngaka e 'ngoe le e 'ngoe leihlo, le ntho e 'ngoe le e 'ngoe ka mono, esere oa bua taba e ba hlabehisang maikutlo, kaha e le liabi tse khōlō kerekeng. Ke tla khetha sehlotšoana sa bakhesoa ba 'maloa ba Morena. Amen. U ke ke ua lekanya boleng ba eona. Ha ho mokhoa oa ho etsa joalo.

¹²⁹ Ka baka leo, kajeno, monna oa morui ke monna ea leng ka ho Kreste. Joale, ha re re mahlo a hao a nchocho, u koenne hamonate 'meleng, u le chelete e ngata le ntho eohle ese, empa, koana, kantle—kantle ho Kreste, u timetse. U malimabe, u soto, mofutsana, sefov, feela, 'me ha u tsebe. Ua bona? Mongoaha oa Kereke ea Laodisea o ne o le joalo. U ka ba setho sa kereke e khōlōhali sechabeng. U ka ba setho sa bolumeli bo boholohali, empa ua 'na oa lahleha tahleho. Ua bona? Ka baka leo, monna oa morui ke monna ea leng ka ho Kreste. Ke hantle.

¹³⁰ Joale, ho hloka botsitso ha bophelo ba lelapa, ho hloka botsitso ha mosebetsi, ho hloka botsitso ha ntoa, ho hloka botsitso ha likereke.

¹³¹ Erekaha re otile taba eo, ha re bueng metsots e 'maloa feela ka eona, ho hloa botsitso ha bophelo ba kereke. Bao, u—u mpa feela . . . U—u ke ke ua e lekanya ka sekala feela, ho thata, hobane ha ho tsela ea ho beha boiphihlelo ba seo Moea o Halalelang o leng sona sekaleng, papisong le botho ba kereke. Ua bona? Ha ho tsela ho hang. Ha ho—ha ho kamoo u ka rekang Moea o Halalelang ona. O abjoa e le neo ea feela ho tsoa ho Molimo. O tlela e mong le e mong ea batlang . . .

U re, "Na ebe O tla fetela ho Pentekosta e 'notši?"

¹³² Pentekosta ha se mokhatlo oa bolumeli. Ba lekile ho etsa joalo, empa u ke ke ua fetola Molimo mokhatlo oa bolumeli. Pentekosta ke boitsebelo bo ka sibolloang ke molumeli ofe le ofe. Ua bona? Bo etselitsoe ma-Baptiste, mo-Katolike, mo-Juda; e motšo, e mosoeu, e mosootho, e moshehla, e mokhubelu; bo etselitsoe 'mala ofe, tumeloana, kapa ntho efe; u leng mofutsana, morui, u se na letho, u atetsoe haholo; u le mahareng, kapa u ka bang mang. Uena, E etselitsoe uena.

¹³³ 'Me ke lerato la Molimo le mohau o atololetsoeng uena, ho E nka. Ha e u qose le letho. E u qosa ho le Hong feela, ke ho inehela bophelo ba hao ho Eèna, le ho E amohela. Ho bonolo hakakang! Feel a fumana tsohle... Lebala feela seo u kileng ua se tseba, 'me u inehela Eèna. 'Me E tla joalo, ke ho amohela feela, ho E amohela ka tsela eo.

¹³⁴ Mekhatlo ea malumeli, e ke ke ea e-ba Eona. Mokhatlo oa bolumeli o lets a molumo o leketlang. Joale e re'ng feela—feel a—feel a ke le bontše hore ke—ke molumo o leketlang. Ha u etela mokhatlo oa bolumeli *bona*, ba re, "Re E tšoere. Ba bang bohle ha ba E tšoara." Ho lokile. U ka ea mokhatlong oa bolumeli boo. Ha u chakela bo latelang, "Re E tšoere. *Bona* ha ba E tšoara." Ua bona, mokhatlo o mong le e mong oa bolumeli. Likereke tsa malumeli li fapane li le makholo a robōng. Makholo a robōng le mashome a tšeletseng a metso e robong, ha ke nahana, ke nèpa, ho ea ka lipalopalo. Likereke tse makholo a robong le mashome a tšeletseng e metso e robōng tsa mekhatlo ea malumeli a fapaneng, 'me e 'ngoe le e 'ngoe e a ipolelisa "e 'ngoe e phoso," athe bona ba "E tšoere." Oo ehlile ke molumo o leketlang o tiile. Uh-huh. Makholo a robōng le...

¹³⁵ Empa ebe taba ee e utloahala joang, "Jesu Kreste maobane, kajeno, le ka mehla"? [Phutheho e re, "Amen."—Mohl.] Ha ho letho le sa tsitsang ka taba Eo, na le teng? ["Che. Amen."] Le e beha sekaleng joalo. Ke hona moo 'Nete e ka fumanoang. Ua bona?

¹³⁶ Ho thoe, "Rōna ma-Methodise re na le Oona. Rōna ma-Baptiste re na le Oona. Rōna ma-Makatolike re na le Oona. Rōna ma-Presbeteriene re na le Oona."

¹³⁷ Be, Jesu ke Eèna Ea E tšoereng, hobane O itse, "Ke Leseli, 'Nete, Tsel a." Ka baka leo, ke Kreste ka ho uena.

¹³⁸ Mekhatlo e meholo ena ea malumeli ehlile e fapane, 'me e hlahisa e—e molumo oa sa tšepahaleng haholo. 'Me ntho efe e sa tsitsang joaloka eo, ha e tšepahale, hape. Ntho efe e sa tsitsang ebile ha e tšepahale. U ke ke ua itšetleha ka ho ingolisa le kereke feela, 'me ua re ke Eona. Hobane, e 'ngoe le e 'ngoe e hlahisa molumo o fapaneng, 'me le habile kae? E a u ferekanya. Haeba tulo e kile ea ba teng... Ke hlahisitse polelo ena khafetsa. Ke e pheta hape hoseng hona. Tulo e nyarosa ho fetisa e hlokang baromuo a, eo ke e tsebang, ke Linaha Tse Kopaneng Tsa Amerika. Mohedene ke'ng? *Mohedene* ke "mosalumele."

¹³⁹ Be, joale, re fumana, koana Afrika, le—le tlase Thailand, le litulong tse fapaneng tsa nahana, re fumana e—e batala ba bahedene ba rapela sesétsö. 'Me re 'mitsa mohedene hobane a rapela sesétsö; ha a tsebe letsoho le letona ho le letše hal, ha a tsebe li-ABC tsa hae. Eèna, sohle seo a se tsebang, ke, molimo oo ngaka ea setso e 'moleletseng ka eèna, "'Me ke hona moo Molimo o leng teng, ke kahar'a seo.'" 'Me sohle seo a se tsebang ke sena, ho

fumana ntho e jeoang, le—le ho ja, ka tloaelo efe ea. Joale ke seo re se bitsang mohedene. Empa, joale, ha ho thata ho sebetsana le monna ha u ka mo tlisetsa 'Nete.

¹⁴⁰ Empa monna ea thata-thata ho sebetsana le eèna ke mohedene enoa ea rutehileng, ua bona, mohedene enoa mona Linaheng Tse Kopaneng Tsa Amerika, ea tšoereng ligarata tse 'ne tsa k'holeshe, ea emang ka mora sefala, ke mosalumele.

¹⁴¹ Ho thoe, "Be, re ne re tšoere tšebeletso hoseng ho hong, 'me Morena a folisa e—e leleiti le leng tlase mono."

¹⁴² "Huh! Huh!" Eo ke mohedene. Ke mohedene ea rutehileng feela. *Mohedene* ke "mosalumele."

¹⁴³ Maoba, ha ke lutse tulong, sehlopha sa batho, ba bang ba teng mona joale, leleiti le ile la khanna la nyoloha, ka pele. Ho lutse batho ba bahlano kapa ba tšeletseng kahare. Eaba ho nyoloha leleiti le leng, kapele, a le kahar'a karafane. Ha hlaha monna monyako, 'me a re, "Moena Branham, ha ke batle ho feta holim'a letšoao leo mono. Empa," ha thoe, "re mpa re feta feela, 'me ke batla ho re . . ."

Ka re, "Kena kahare." Ua bona? 'Me ka re . . .

¹⁴⁴ "Che," ha thoe, "mohatsa ka o batla ho paka, ho u bolella se etsahetseng." Be, athe ke motsoalle e moholo oa Khaitsei Mercier; Moena Leo mona, e mong oa baena beso mona kerekeng, e mong oa banna ba teipi, 'mè oa hae.

¹⁴⁵ 'Me lilemong tse ka bang robeli kapa tse leshome tse fetileng, ha ke etetse nq'a e 'ngoe koana Bochabela mona, eaba ho fihla mosali kalaneng ho rapelloa. Moea o Halalelang oa re, "U Mof. *Sekete-le-sekete*, 'me u tsoa tulong e itseng. U jeoa ke *hore-le-hore*."

"E. E ne e le 'nete eohle."

¹⁴⁶ Mono ha thoe, "Joale, u na le motsoalle ea lulang California, ke motsoalle ea theko e thata ho uena. 'Me mosali enoa o a shoa, ke mofetše oa phieo."

O itse, "Ehlide e lokile, Moena Branham."

¹⁴⁷ Ke Moea o Halalelang o senolang makunutu a pelō, ua bona. Amerika e tlameha ho oa ka mangole e re, "Molimo!" Ua bona? E tlameha joalo.

¹⁴⁸ Empa, oh, ke bahedene ba rutehileng. Ke oo mofuta o thata ho sebetsana le oona. Ua bona, o bohlale hona, o "tseba ho feta Molimo," ke ka baka leo a nyalisang poone ea hae, a nyalisang liphoofolo tsa hae, le ntho e 'ngoe. Na le bona seo a ikentseng ho sona? E khutla hantle, e hlahaha feela, be, khoabi e tsoang ho eèna ka sebele, ke hantle, ka ho etsa joalo. Ka lenyalo leo la kelello ea bona, ea moea, o fapoha habonolo feela, ka eona.

¹⁴⁹ Joale re lemoha mosali enoa a itse, "E. Ke hantle. Ke hlile ke na le motsoalle California, ea bolaolang ke mofetše oa phieo." Ka

re, "U ngole u 'molelle, 'HO RIALO MORENA. A ke ke a shoa, empa o tla phela."

'Me e le leleiti le kantle. 'Me a re, "E ka ba lilemo tse leshome, tse leshome le metso e 'meli tse fetileng." 'Me a re, "Ke phetse, ke koenke ke monate 'meleng. Ha ho sekoli phieong eo," o ne a folile. Ha thoe, "Lilemo tse hlano hamorao, ka tšoaroa ke lethopa, 'me lethopa la hola hofihlala le pherehlana, la ba la kekela," kea kholoa o itse, "la e-ba boahlamo ba di-inchi tse leshome le metso e supileng kapa tse mashome a mabeli a metso e supileng." 'Me a le moholo hona, a sa khone le ho ema, ke lethopa lena. Enere ha a leka ho ema, a tšoaroa ke selili.

¹⁵⁰ 'Me ba mo tlisa kerekeng ena, ba mo lulisa fatše mono hantle. 'Me ba mo tlisisitse bosiu ka mora hoba re tšoare tšebeletso ea pholiso hoseng hoo. 'Me baena mona, ba 'molella re sa tl'o rapella bakuli bosiung boo. Hobane re tla... Ke ne ke rapeletse bakuli hoseng hoo. 'Me ba sa batle ho nkimetsa ka moroalo ka nako e le 'ngoe. 'Me ka mora tšebeletso, feela tšebeletso e se e tsoile, eaba ke eme, ke buisana le batho ba itseng. 'Me banna ba itseng ba tšoara mosali enoa ba mo jara ka tlung, ba mo beha methating mono ha ba etsoa. 'Me o ne a lutse mono; banna ba mo jere.

¹⁵¹ 'Me Moena Taylor, e mong oa baena ba khabane mona, oa kereke, o ne a le teng hantle mono, mohla e hlahileng, 'me kea kholoa, a thusa mosali eo. Na u teng, Moena Taylor? U kae? [Moena Taylor o re, "Amen."—Mohl.] Morao, yaa, morao ka mona. O ne a eme, mono, a mo thusa a mo fihlisa morao mona.

¹⁵² 'Me lethopa, le topile ka tsela *ena*. 'Me ka hona—'me ka hona ha thoe... Ha ke tsoa ka monyako o ka morao, ka nyarela feela 'me ka mo sheba, ho re, "Mosali, Morena Jesu ea u folisitseng mofetše oa phieo, lilemo tse ngata tse fetileng, u tla boela a folisa lethopa leo. HO RIALO MORENA." A sa angoa kapa letho; ho tsoa feela le ho kena koloing, le ho tsamaea. 'Me ka ikela. Ua bona?

A re, "Na u ka tsoa ua tla mo sheba?"

Ka re, "E. Ehlide. 'Molelle, ho kena."

Ho re, "Che. Ha re na nako. Re tlameha ho tsamaea feela."

¹⁵³ Ho tsoa mono. 'Me mosali e monyenyan, a tlola a tsoa koloing, a bataletse joalo ka 'na. A—a nyakalla haholo, kantle mono tseleng, a mathela holimō-le-tlase tseleng. A bua ka lipuo, 'me a hooeletsa, ka lentsoe la hae lohle, ka pel'a ntlu ea Presbiteriene ea boruti, a iyakaletse feela.

¹⁵⁴ Joale, ekaba baahisane ba ne ba hlolisitse, ba nahana, "Be, mohlomong o tsoa setšeng sa ba sa itekanelang, o tlide ho rapelloa ke Moena Branham." Mosali eo o ne a sa tsoe setšeng sa ba sa itekanelang. Moea oa hae o ne o sa tsoa khutla Khanyeng, ua bona, a ithabetse e—e nakong e babatsehang.

¹⁵⁵ A re, "Sheba mona, Moena Branham." A phetla jase ea hae; a bataletse ka bokhoni ba hae. A re, "Joale, likhoeling tsa pele tse peli kapa tse tharō, hoba u mpolelle," ho re, "Ke ne ke le mobe haholo." Le ho re, "Ngaka e boletse e sa—e sa tl'o leka ho etsa letho hape, haeba ke sa mo lumelle ho leka ho ntša lethopa leo mono." Ho re, "Boima ba lona bo tla etsa . . ."

¹⁵⁶ O itse bokae, "Ho ella ho dipondo tse mashome a mararō," moena, Moena Taylor? [Moena Taylor o re, "E."—Mohl.] Ho ella dipondo tse mashome a mararo, ba lekanyelitse boima ba lethopa leo mono.

¹⁵⁷ Le ho re, "Hang feela, Ea qala, 'Shoo, shoo, shoo, shoo!'" Oh, O boloka Lentsoe la Hae. Ke hantle.

¹⁵⁸ Joale ha u rata ho ngolla mosali, re tšoere aterese ea hae le ntho ka 'ngoe. O e siile ho Leo, ho mo lumelisetsa 'mè oa hae, le lintho.

¹⁵⁹ 'Me koana moena oa hae o nyetse e—e motsoalle oa ka holimō mona Utica. Ngoanana eo o ne a le teng kahare ka mono. Lebitso la hae e ne e le Clyde Raine. O mathile hohle, hangata, le boholo ba . . . Chisel, re 'mitsa joalo. Ke bapetse le eēna boshanyaneng. O lula holimō mona Utica Pike, hona joale ke ntho e kang ofisiri ea naha mono.

¹⁶⁰ 'Me khaitseli ea hae a lutse ka koloing. 'Me bona, kea kholoa, ba kena kereke ea Campbellite. Kea ipotsa taba eo e mo susumelitse joang? A re, "Billy, e a babatseha." Oh, ke ne ke tseba ngoanana eo, ka bona. Nkile ka tsoa le eēna, makhetlo a 'maloa, re sa le chacha e ncha, mohlang oo re lula holimō mona tseleng. 'Me—'me e le ngoanana ea imametseng haholo, a lokile feela kamoo ho khonehang. E ka ba thaka ea ka hona joale. 'Me ka hona, eēna, empa ho lula mono feela, le ho mamela bopaki boo. 'Me ea folisitoeng enoa e le ausi oa monna oa hae.

¹⁶¹ Oh, kea u bolella, moena, ha ho letho le hlokang botsitso la taba eo. Ke 'Nete. Leo ke Lentsoe la Molimo. Hoo ho a E lokisa. Ka hona e . . .

¹⁶² Ntho efe e hlokang botsitso ha e tšepehe. 'Me matsatsing a mehla, mohla ba hlokang botsitso ka hore na Jesu esale eēna maobane, kajeno, le ka mehla, tlohela ntho eo e le joalo.

¹⁶³ U ka ba le botsitso. U ka e tseba e le joalo. Hore la Hae . . . Leha A sa u etsetse mohlolo ofe empa mohlolo o moholo, ho tšoarela sebe sa hao! Ke mohlolo o moholo oo Molimo a kileng a u etsa leka mohla, e ne e le ho tšoarela ngoana motho sebe sa hae.

¹⁶⁴ Ho tšoara motho a fetoloa linthong, sheba, ke ho fetola botho ba hae bo kahare linthong. Ea kileng a noa a mokola, a etsa bobo le lintho tse kang tseo, 'me, hang feela, a phikolosoe, ho isoa leratong. 'Me o khutlela ho mosali oa hae, ho re, "Moratuoa, ke masoabi ha ke u sebelitse joalo." A phahamise bana ba hae ba banyenyane, a mo tšoare ka sephaka, "Daddy o sebelisitse

chelete ea hae ho reka wiski, 'me daddy o entse *sena*. Le—le 'mè esale a tsoile bosiu bohole, 'me o le siile lōna bana. Ha ke sa tla pheta hape." "Molimo, ntšoarele." 'Me ho joang, bopaki boo, ke e 'ngoe ea lintho tse khôlöhali tse ka hlahang. Bo-Alcoholics Anonymous bohole, le lintho tse joalo, li ke ke tsa hlanamisa joaloka ntho eo. Li ke ke tsa sebeletsa motho letho.

¹⁶⁵ Shebang Rosella Griffith oa khale mona, ke eo o lutse mono, mohla bo-Anonymous ba Chicago, likokelo tse khôlô tse 'ne tsa sehlooho, moifo oa hae oa lingaka o mo tetse. Ka nako le motsotso, kalaneng, lekhoba leo le mahlo a kang a mankhane la fetoloa hang. Ho ema mono, a apere baki e khaotsoeng tjena, a tenne baki ea mink, 'm'ae a mo reketsé eona. E ne e le ngoanana ea masene. 'Me a hlahletse libotlolo tsa wiski ka baking eo, 'me a tšohile hore a ka oa seterateng, a bolaoa ke serame le pele motho a mo fumana. Mono, a eme mono, holim'a tsohle, bo-Anonymous le bohole ba se ba mo tetse. Hona joale o ntse a ngola buka ka eona.

¹⁶⁶ Ke eo a fihla kalaneng. Moea o Halalelang o itse ho eèna, "Lebitso la hae ke Rosella Griffith." Ha ho letho le belaetsang ka eona. "U lekhoba la tahi. U tsoa setšeng sa bo-Anonymous le ntho efe. Empa, HO RIALO MORENA, ho felile joale."

¹⁶⁷ "'Me leleiti leo le lutseng holimō mona seotloanamoeeng, ke setantsi sa Fred Astaire, molekane." A tlolela holimō. "Ke hantle. Le eèna ke lekhoba la tahi, le mokutla oa lithethefatsi. Molao o ntse o 'matla hona joale."

'Me ntatae a ema, a re, "Kea e hanelā."

A re, "Bea butle, daddy. Monna eo o lokile."

¹⁶⁸ Ha ho letho le belaetseng mono. "HO RIALO MORENA, u folile. Inhele." Joale o tsoile o kene naheng, le monna oa hae, o bolela Evangeli. Oh, khili!

¹⁶⁹ Ke eng? Jesu Kreste eèna maobane, kajeno, le ka mehla. Matsatsing ao mokhatlo oa bolumeli o hlahisang ho hloka botsitso ha eona, hore'ng re tlameha ho mamela kereke ea mokhatlo oa bolumeli, athe Kreste o ituletsé a tšoana? Ha ho letho le hlokang botsitso ka taba Eo. E tsitsitse ka mehla. Joale, e Bi... Re tseba Bibele e bolela mona, haeba...

¹⁷⁰ Ntho efe e shoeleng e hlahisa molumo. Ntho e shoeleng, likereke tse shoeleng, kapa eng hape, e ka hlahisa melumo; empa ha molumo o sa ikhetha, haese ha re ka fumana botsitso bo itseng. Joale, rea tseba.

¹⁷¹ Mona, ke ngotse Mangolo fatše mona mabapi le masole. Yaa. Masole a ka khona, matsatsing a koetliso ea hae, ba ikoetlisetsa meloli eo. Le kamoo ba letsang ho checha ka santhao, kapa seo ba tläng ho se etsa, le ntho e 'ngoe le e 'ngoe. Ba koetlisoa ka molumo. 'Me haeba—haeba ba sa tsebe molumo oo, ba ka tseba

joang ho itokisa? Ke hantle. Empa ba koelisitsoe molumo oo. 'Me ba tseba, molumo oo ha o hlaha, e bolela hore-ho-itseng.

¹⁷² Ho tlie joang, mohla Titase a neng a futuhela marako a Jerusalema, a e thibella ka mabotho, masole ao 'ohle a koetlisitsoeng; barutua bao, kamoo boranalane ba ngolang kateng.

¹⁷³ Jesu, mohla a lutseng thabeng letsatsing leo, o itse, "E tle re ha le bona Jerusalema a thibelloa ke mabotho; ea leng masimong, a se khutlele ha hae, ho lata seaparo sa hae. Ea leng ka tlung a se ke a hloella marulelong kapa a theoha." Ha thoe, "Empa a balehele thabeng ea bona, hoba e tla ba nako ea tlokotsi."

¹⁷⁴ Joale le shebe seo mekhatlo eohle e meholo ea bolumeli ba likereke e se boetseng, mohla ba boneng Titase a hoanta a nyoloha. "Joale re tla nyolohela tlung ea Morena, ho hlahisa thapelo." Ba ne ba siiloe ke nako. E ne e le molumo o sa khethoeng, oa moprista. E ne e le molumo o sa khethoeng oa kereke.

¹⁷⁵ Empa ho bao ba koetlisitsoeng ho utloa Puo ea Jesu, ba balehetse thabeng ka lebelo la bokhoni ba bona, ke bona feela ba e phemileng. Molumo o sa khethoeng... "Le balehe motseng," joale, Jesu, hola A sa ba bolella a ba koetlisa joalo, molumo oo oa koetliso, ba ne ba tla tseba joang ho baleha?

¹⁷⁶ Joale, Josefase, ranalane e moholo, o boletse, "Ho hong feela ho e phonyohileng e ne e le e—e barutua ba Kreste, bona e ne e le malimo." E mong oa boranalane o ba bitsitse malimo. Ha thoe, "Ba nkile monna ea bitsoang Jesu oa Nazaretha, eo Pilato a mo thakhisitseng, ba utsoitse setopo sa hae lebitleng, ba tloha ba se khekhetra ba se ja."

¹⁷⁷ Seo ba se entseng e ne e le ho ja selallo, "mele oa Morena," ua tseba, joaloka ha re etsa mona. Ua bona?

¹⁷⁸ 'Me ho itsoe, "Ke bona ba e phemmeng, hobane ba tsoile motseng." Ba ne ba tseba Molumo.

¹⁷⁹ Oh, moena, Moea o Halalelang o kene lipelōng tsa rōna hoseng hona, ho re fa molumo oo oa pelō e futhang ea Moea o Halalelang le Matla a Hae. Ke hona feela ho tlāng ho tseba ho phonyoha: molumo oo oa Terompeta ea Molimo, 'me pelō ea rōna e hlophisetsoe hora ena, ho tseba se lokelang ho etsoa.

¹⁸⁰ "Rōna ba phelang ba saletseng re ke ke ra raka ba ithobaletseng, hoba Terompeta e tla lla." Masole ao 'ohle a bolailoeng koana, a robetseng, bophareng ba mengoaha; empa mohla Terompeta e llang, leha ba shoele borokong, e ke ke ea ba sitisa, hoba Terompeta e tla lla e ba tsose. Ba itokisitse.

¹⁸¹ Bao ba sa itlhophisang, ha ba tsebe Molumo. Mohla seo—mohla Molumo oo, oa ho Khutla ha Morena, o phatlohang, O tla sisinya Leholidō le lihele, mohla E phatlohang. Empa ba leng

liheleng, ba lahlehileng, ha ba tsebe Molumo oo. Ha ba tsebe seo ba ka se etsang.

¹⁸² Empa bao, leha ba robetse ho Kreste, ba tseba Molumo o ka tsitsitseng oo.

Oh, Terompeta ea Morena e tla lla, 'me nako e fèla,
'Me letsatsi le tla chaba, ka Khanya;
Ha bakhethuoa ba hae ba kopanang mahaeng
a bona holimō,
Mabitso ha a baloa, ke batla ho ba Teng.

¹⁸³ Ngola Lebitso la hao Bukeng ea Bophelo ea Konyana, kajeno, ka Mali a Morena Jesu, 'me e ke ke ea e-ba molumo o sa khethoeng.

¹⁸⁴ Joale re utloa molumo oa tllokotsi e tlang ho tla, libomo tsa atomo li leketlile hohle, khohlano pakeng tsa lichaba, tsieleho ea nako. Hore'ng re ka touta ka mosebetsi? Hore'ng re ka touta ka lelapa? Hore'ng re ka touta ka ntho efe feela?

¹⁸⁵ Jesu ha eso re bolelle ho touta, empa ho itsoe, "Mohla le qalang le bona lintho tsena li hlaha, le phahamise hlooho tsa lōna, le nyakalle, hobane topollo ea lōna e ntse e atamela." Ke bona botsitso ba molumo oa Evangel.

¹⁸⁶ Ha re bona Moea o Halalelang o kena kahar'a kereke, ho qala o senola mehopolo ea pelō, ho etsa lipontšo tse khōlō tsena, ho khutla ha Moea nakong ea mantsiboea mohla Maseli a phatsimang, re Mo bona a fihla a etsa sona seo A se entseng mono Sodoma, pele e cha lore. Ho bona Lengeloi leo le furaletse ka mokokotlo oa Lōna, ho re, "Sara o tšehele ke'ng?" ka mora Hae. Jesu o itse, "Joalo ka matsatsing a Sodoma, ho tla ba joalo ho tleng ha Mora motho." Ke eng? Ke molumo oa ho Khutla ha Morena Jesu.

¹⁸⁷ "Bonang, Ke ea le romela moporofeta Elia pele letsatsi le leholo le le tšabehang le senya lefatše. O tla busetsa lipelō tsa bana Tumelong ea mantlha, morao Evangeling, morao ho Matla a Molimo, morao ho Moea o Halalelang oa makhonthe, morao ho Kreste hape, pele Letsatsi le leholo leo le fihla."

¹⁸⁸ Re utloa molumo oa Terompeta. Oh, banna! Ke eng? "Tsohang, lōna bahalaleli ba Morena, le otsela ke'ng athe bofelo bo a atamela, ha re itokisetseng pitso eo ea ho qetela." Haeba e hlahisa molumo o sa khethoeng, ke mang ea tla itokisetsa ntoa, haeba e sa khethoe? Empa ha E lokotsehe.

¹⁸⁹ Batho ba re, "Taba eo ba e buang ke efe, ea Moea o Halalelang o balang eona mehopolo ea batho, le lintho tseo A li etsa'ng?" Ke ho khetheha ha molumo oa Evangel. Kreste o e boletse e tla ba joalo.

¹⁹⁰ "Be, hobaneng likereke tsena tsohle tse khōlō li ema joalo?" Kreste o e tlalehile e tla ema joalo. Ha se taba e leketlang. Ke

bona botsitso ba eona. Re sa tsoa feta kopanong ea matsatsi a robeli ka eona, re tseba Bibele e tlaleha taba ena e tla hlaha joalo. Ho tla hlaha mekhatlo e meholo ea bolumeli, bohole ba tla ipopa k'honfederasi ea likereke. Re e tšoere, re etsa setšoantšo sa sebata, bolaoli ba Katolike. Re ne re tla etsa setšoantšo sa sebata. Ke seo re se fumaneng, k'honfederasi, mokhatlo o mong le o mong oa bolumeli o kahar'a eona. Ha se molumoo o leketlang oo. E hlahisa molumo oa 'nete tsitsitseng. Ke molumo tsitsitseng.

¹⁹¹ "Re tšetlehile tumelo ea rōna e khōlō ho UN ea rōna, Machaba A Kopaneng." Be, e batla e tebile hakaalo ka Liki ea Machaba, ke ntho e tšoanang feela. Re kile ra thea Liki ea Machaba, ka morao ho Ntoa Ea Pele Ea Lefatše. Ba ne ba tlil'o laola toka ea lefatše lohle. Ha e a ka ea sebetsa. Puo ea makhonthe ea UN joale e ehlile e hloka botsitso. Ha ba tsebe seo ba ka se etsang. Ba ne ba phuthehile ka mono mohla Khrushchev a rolang seeta a se otanya holim'a deseke. 'Me ebe hoo thusa ka'ng? Le tse ling tsohle tse fapaneng. Ke hona ho hloka botsitso ha UN. UN e itoketse, hakaalo, empa nako li fetile. Ntho e joalo e siiloe ke nako.

¹⁹² Molumo o ka khethoang o mong feela. Oona ke Evangel. Le itokisetse ntoa. Ntoa efe? Ho Khutla ha Morena. Itokisetse ntoa joale khahlano le bobo, mohla bobo bo tšoasang batho ka mahlakoreng 'ohle. Tsohle li phoso, le bophelo ba lelapa bo tsamaea ka phoso, le UN e a heleha, le lichaba lia pshatleha, le libomo tsa atomo li likile, 'me malapa a kamoha, 'me bommè bo notong e tlase, le mekhoa e sebolu e kene bathong, 'me—'me ha ba tšepane, mekhatlo eohle ea malumeli e pheha khang e a kolochana, u batla ho etsa'ng? Ho kholisèha. U itokisetse ntoa.

¹⁹³ Mohla thelebishene e ntseng e bola, le radio, le koranta. Mechoporo eohle ea papatso, ntho eohle ke lisakrete molebe, likoae, le wiski, le ho noa, le basali ba tenneng hampe. Metlae e litšila le borametlae mananeong a thelebishene, 'me Amerika e hoholoa ke eona. Joalo ka nthohali... E tlisitsoe joaloka tlung ea Khosi Nebukadnezare ea—ea bosaona bosiusung boo, ke mohla sekhohola sa bohlanya se chachametsang mono. Ba ne ba makhlile e—e mokete oa littlele oa veine le chao, le thelebishene, holane ea e—ba teng letsatsing leo, lisoasoi tsa bona tsa qatsoha mono. 'Me eaba mongolo oa Letsoho o hlaha leboteng.

¹⁹⁴ 'Me, kajeno, athe re ikhopotse re bolokehile hakana. Re bolokile boramahlale ba hloahloa lefašeng. Re tšoere ba hloahloa lefatšeng. Ha re re pha, re saletse morao koana, lephallong la dimisale. Uh-huh. 'Me ho etsahetse'ng ka Lichaba Tse Kopaneng? Ha se mongolo o leboteng feela, empa e—e dibalistiki tsa dimisale li ngola sepakapakeng, ho thoe re saletse morao koana, morao ka lilemo. Molato ke'ng? Mongolo o leboteng.

¹⁹⁵ Letsatsing leo, o ngotsoe ka puo e sa tsejoeng, mongolo leboteng. Ho se monna haese a le mong, 'musong 'ohle, ea ka

o koahollang. Empa o ne a ôtliloe ka neo ea koahollo. Eaba o koaholla, a re, “U lekantsoe sekaleng, u fumanoe u le chatsi. Molimo o rometse sechaba sa batho mona har'a lôna, bona le ba bitsa ‘bahalaleli-bathethehi.’ Le ne le theohetse tlase mono la ba hlabisa lihlong, la ba bolaea, la ba bipetsa la ba ntša. Le nkile melimo ea lôna le lisêto le lintho, ’me le rapetse pel'a eona, la phela ka menyaka. ’Me joale le tsoile la ea lata ’ona mafiso a tsoang tempeleng ea Molimo oa bona, la fihla koano mona la iqabola ka ’ona, la soma, ‘mohalaleli-mothethehi, moreri ea lefatla,’ le lintho tsohle ka tsela eo. ’Me Molimo o khathetse ke eona. ’Me hora ea tšenyeho ea lôna e haufi.” Sona sechaba se beng se tla ba hape, ke ha eme likhorong ka nako eona eo. Nakoana ka morao ho mono, ba fenethoa. Basali ba bona ba rengoa. Balebeli ba bona, sesole sa bona, ntho e ’ngoe le e ’ngoe, ea nkuoa. “U lekantsoe sekaleng, ua fumanoa u le chatsi.”

¹⁹⁶ ’Me re hlantsitsoe ke radio le thelebishene, le metlae, le tšila, le sebolu, le bomenemene, le ho hlepha, le ntho eohle, hofihlela e khathalitse Molimo. Athe Evangeli, Evangeli ea mannate ea Kereke ea Moea o Halalelang, e phallela morao le pele e haola le sechaba, ho supa kholisêho ea Jesu Kreste le ho Khutla ha Hae, ebile joale ho fihlile nako eo Molimo o ngolang boahlamong ba sepakapaka sa rôna, “Le behiloe sekaleng, le fumanoe le le chatsi.” Amen. Re maemong a sisimosang. Mamelang Molumo o ka khethoang, e seng UN e sa khethoeng. E, monghali!

¹⁹⁷ Esita letsatsi le leng, mohla re tšoereng likhetho. Ba buile mona, nakoana e fetileng, e le mohla ba balang livoutu tsa lefatše la lipolotiki, ’me ba boletse mohlang oo, ba re, “Re fumane... Hona joale ke tšoere machini, o tlalehang bohle ba tlameha ho tšepeha, hobane ha o khoatha thutsoana e voutela monna oa hao. Ha u e theola, tšepeyanan eo, e voutela monna oa hao.” Huh! Ba o fumane o ke ke oa tšeptjoa.

¹⁹⁸ Mongh. Edgar Hoover o e pepesitse, tsatsi le leng ho pepesitsoe Mokha oa Demokerate. Mohla ba hlommeng machini, hoo, enereha ba voutela Mongh. Nixon, ba ne ba tlameha ho voutela Kennedy ka nako e le ’ngoe. ’Me hobaneng ba sa etse letho ka eona, ka hona, haeba ba e fumane e le joalo? Hobaneng? Be, ha ho botsitso ho eona. U tseba se tla etsahala, Mong. Hoover. Ua bona? Ke hantle. Ua bona, tsohle li hloka botsitso. Ha le khone ho bolela mokhethuoa, hore ke Kennedy kapa... Kennedy o bitsitsoe “mokhethoa,” empa ha ke tsebe haeba a khethiloe kapa che. Joale, ha ke ralipolotiki. Ha ke tsebe letho ka eona. Empa ke tseba se lokileng le se phoso. Kelello ea ka e qahame hakaalo. Holim'a e behiloe ka pel'a rôna hantle, monna eo o e kholisitse, ka Federale ea Sepolesa, ha thoe ba ne ba chehile machine a e lohang joalo. E ne e molato oa mokha o mong, ketso eo. E ne e le molato le—le—le boitšaro ba mokha oa Kennedy. Hobane’ng? E tlamehile joalo.

¹⁹⁹ Ha ho letho le ka emang lefatšeng lena, kathoko ho 'Muso oa Molimo. Hobane 'muso o mong le o mong o "lekantsoe sekaleng, o fihletsoe o le chatsi," sechaba sa rōna. Ke eng?

²⁰⁰ Lilengoana tse 'maloa tse fetileng mona, keha ke hlomme sefate seholo sa khale holimo mona, ke tloaetse ho ea lula tlas'a sona. 'Me ka nahana, "Sefate seo. Mohla ke leng leqheku, haeba ke phela, ke tla tla lula tlas'a sefate seo." Hona joale ke thutsoana feela. Moo ke neng ke lula teng, ke bone ntate a etsoa mono, ka liphakana tsa hae, tse khutšoane. Eèna, oh, e le mo-Kentucky tlase mono, a phikolosa likoqo le lintho; mothaka e monyenkyane, oa dipondo tse batlileng ho ba lekholo le mashome a mane a metso e mehlano kapa mashome a mahlano, feela a koenne. Oh, banna! Mongh. Coots, holimō mona, o mpoleletse a 'mona a hloesa sekoko sa molora se boima ba dipondo tse makholo a robong le mashome a mahlano, a le mong, e le e—e monna ea matla feela. Ke ne ke 'mona a mena limou tsa hae, ho hlapa kantle mane, pel'a sekotoana sa seipone se khokhothetsoeng sefateng sa apole.

²⁰¹ 'Me bang ba lōna batho ba Indiana le tseba tsela eo re neng re tlameha ho phela ka eona motše mono, ka pane ea khale ea ho hlapa e hlonngoeng kantle mono pel'a pichara, pompo. 'Me 'mè a sebelisa mokotla oa khale mono, mokotla oa phofo, a o fetotse thaoele, e batla e khabistsoe; e hutsoe likhole ho khabisa mophetho oa eona. Nthohali ea khale... A nkohhle a nkutletsa ka thaoele eo, eka letlalo le tla rutleha, ka mokotla oa khale o mahoashe, oa phofo. A nkohhla a mpikitla ka thaoele eo ea khale.

²⁰² Joale, ke bone ntate a eme mono, a kena, ua tseba, a fineletsa tseo limou tsa khale, a hlapa. Oh, banna, ho boha mesifa eo! Ka re, "Ua tseba, o tla phela lilemo tse makholo a mahlano, o matla haholo." Empa u a tseba ke'ng? O hlokahetse a le mashome a mahlano a metso e 'meli. Hobane'ng? "Mona ha re na motse o tieang."

²⁰³ Ke ne ke eme koana Roma, moo—moo bo-Sesare ba baholo ba kileng ba ema, ba tsamaea literateng, ka limmisaa tse khōlō, le—le ka phatsimo le tlotla, le sohle seo ba bileng le sona. 'Me na ebe le tseba moo le fumanang 'muso oa bona? O maoto a mashome a mabeli tlas'a lefatše mobu. Li tebisitsoe ke lilemo tse likete tse peli.

²⁰⁴ Eaba ke ema K'hairo, Egepeta, ho kile ha ema e—e Faro e moholo teng, tsatsi le leng, a tlatlapa batho ba Molimo, a ba qobokisa a ba fetola makhoa. Maoto a mashome a mabeli kapa a mashome a mararō tlase mono, ke lithako tsa tulo ea bona.

²⁰⁵ Ka ntano ema koana Landane, Engelane, teng ho kile ha ema e—e bolaoli bo boholoholo le lintho, le seo sohle. Le ho fumana hobane, e hohlemetse tlas'a mobu. Ke eng? "Mona ha re na motse o tieang, empa re batla O tlang ho tla."

²⁰⁶ Hobane'ng ho le joalo ka mebuso ena? Ke ho le bolella feela, e bua ka O tlang oa Bohloleho. Hobane'ng sefate se le setle? Se shebeletse. Se emetse ponahatso e tletseng ea bara ba Molimo, mohla sefate seo se tla phela ka mehla. O teng 'Muso o tlang ho tla. 'Me e—e Bibele e boletse, "Mona ha re na motse o tieang, re mpa re batla O tlang ho tla." 'Me Molimo o teng o re fileng 'Muso o ke keng oa sisinyeha.

²⁰⁷ Sohle lefatšeng se a koqoha se a sisinyeha, se a theleha. Sohle se a shoa. Re phela lefatšeng le shoang. Sohle se a shoa. Lifate li a shoa. Joang bo a shoa. Lipalesa li a shoa. Metse e a shoa. Lefatše le a shoa. U a shoa. Tsohle li a shoa. Ke a shoa. Sohle se a shoa. Ho na le—le mahlaseli a ikhethang a liesete le lintho moeeng, tseo, ke dik'hemik'hale tse moeeng.

²⁰⁸ U ka nka borogo bo boholo bona feela tlase mona, mohla ke bo bonang bo fihla, lilemo tse mashome a mabeli a metso e 'meli pele bo hlongoa mono, ka bona banna ba lahleheloa ke maphelo holim'a bona, mohla ba rallang marogo mono, ka bua ka bona. 'Mè a nkisa ngakeng, a hopola ke harohile letsoalo ke phofa. 'Me ka 'molella. Ka re, "Ke bone borogo bo parolang, ka ba ka bala banna bao." Lilemo tse mashome a mabeli a metso e 'meli hamorao, borogo ba parola, le palo ea banna bao ea lahleheloa ke maphelo a bona. Kea kholoa ba leshome le metso e tšeletseng. Ka tšoanelo.

²⁰⁹ Joale, ka nahana, mohla ba ballang lingomeli tse khōlō holimō mono, borogo boo bo tla tsoella ka mehla. Oh, ba bo ferefile hararō kapa hane, 'me hona joale bo jeoa ke mafome. Ke eng? Mahlaseli a moeeng, a bo chesa.

²¹⁰ Re fumana ngoanana e mocha, oa lilemo tse leshome le metso e tšeletseng, a lutse ka kerekeng, a qhanyatsa boroku bo hlafunoang, a saoha 'me a itšoere joalo, a tsoela kantle a hula liaparo tsa hae ho fihlela a chachehisa 'mele, a menekana a theoha. E re letsatsi le likele makhetlo a 'maloa, o se a tsofetse a le maphutha, nama ea hae e leketla. 'Me 'mejana oo a o sothileng, moea oo o phelang ka mono, o ka mo laola, oa lahlela maitšoaro a hae ho lintja, o tla tlameha ho arabela, ka Letsatsi la Kahlolo, ka ho etsa bofebe. "Ea shebang mosali ho mo lakatsa o se a mo febile." Ha a lemohe hobane ha se letho haesle lerôle feela, 'me o khutlela leröleng, hobane, "U lerôle, 'me u tla khutlela leröleng." Ke eng? Hola feela a ka elelloa, 'me a khaotsa. Oo ke molumo o hlokang botsitso.

²¹¹ "Be, joale, *sekete-kete* thelebiseneng, le *sekete-kete* sekolong," o leka ho etsisa khalala e itseng e nyenyane sekolong. Le se ke la e fetola paterone ea lōna le ka mohla. Le shebe Molimo.

²¹² Oh, melumo e sa khethoeng! Khetho! Kamoo hona joale ho fihlileng nako, ea ho hloka botsitso!

²¹³ Hola re fumane nako, ha re e phetleng feela. Ke bona likhaitseli, bohole ba ngola Mangolo fatše, ho lokile. Joale ho Timothea oa 2, ha re baleng metsotsso e 'maloa feela. Timothea oa Bobeli, khaolo ea 2, le ho qala ka ea 3 khao-... Timothea oa Bobeli, khaolo ea 3, ha re le baleng feela. Utloang mona. "Tsebang sena ke hona hape..." Joale, 'ona ke Moea.

Tsebang sena hobane, mehleng ea qetello ho tla hlaha linako tse bohloko.

²¹⁴ Joale, oo ke Moea o Halalelang oo le o utloang ka kerekeng hoseng hona, o bua motšeo koana, lilemo tse likete tse peli tse fetileng, ka A.D. 66, ka letsatsi lena.

Hobane batho e tla ba baithati...bakaki, le baikakasi, le banyefoli, le ba sa utloeng batsoali ba bona, ba hlokang teboho, le borapeli,

²¹⁵ Shebang letsatsi leo, kajeno. Le bua ka ho hloka borapeli, ba u bitsa "mohalaleli-mothethehi." Shebang bana, botšoaro ba bona. "Botlokotsebe ba chacha e ncha," ba bua ka eona. Joale ke tlil'o fapania le uena, motsoali. Ha se botlokotsebe ba chacha e ncha; ke botlokotsebe ba motsoali. Ua bona? Ke eona taba.

²¹⁶ Bang ba lōna le bitsa bommè bana ba khale koana Kentucky, kamoo Kentucky e "sa balang" kateng. Metsofe eo ea bommè holimō mane, e roetseng likatiba tsa letsatsi joalo, 'me o tlalehoa a sa bala a sa tsebe di-ABC tsa hae. Mohlomong ha a kheme le maemo hakaalo, empa, kea u bolella, empa e re e mong oa barali bahae ba kene bosiu bo bong joaloka ba lōna; liaparo tsa hae li nyehlile, pilo ea molomo e hasane sefahlehong sa hae, moriri oa hae o hlekema. A ke ke a re, "Na u hlile ua ithabisa, lerato la ka?" O tla qotsa lesoai la mofuta, 'me o tla—o tla tseba mohla a neng a getela ho tsoa. Ebe le e bitsa, "ho se bale." Yaa. Ke eona.

...ba hlokang teboho, le borapeli,

E tla ba ba se nang lerato la lihlaho, leha e le ho tšepeha, ba etselletsang ba bang, ba sa tsebeng ho itšoara, ba sehlōhō, le ba hloeang ba molemo, ba hloeang batho ba lekang ho phela hantle. (Ua bona?)

Baeki, le bahalefi, le baikhohomosi, ba ratang menate ea nama e sang Molimo;

²¹⁷ Banna, ba ja limilione tsa didolara ho ea papaling ea bolo, kapa ntho e kang eo, kapa moo naleli ea litšoantšo e tlang ho etsa ntho, e 'ngoe e joalo, e tšoanang le liserekisi tsa Roma ea khale lilemong tse ngata tse fetileng. Empa ha e le ho tšela seterata ba kenela tšebeletso ea Moea o Halalelang, ba ee ba lule ba tšehe ba lutse mathuleng a bona, khahlano le eona.

²¹⁸ Be, u re, "Be, Moena Branham, bao ke bakomonisi." Ho lokile, ha re boneng seo temana ea 5 e se bolelang.

Ba tla ba le sebopoho sa borapeli, empa e le ba latotseng matla a jona:...

²¹⁹ Ba latolang Matla a'ng? Matla a Molimo. “Ba nang le sebopoho sa Molimo, empa e le ba latolang Matla a Molimo.” Ho tsamaea kereke le ho ingolisa le mokhatlo oa bolumeli, empa ba latola bona boteng ba Moea o Halalelang o ka har'a Kereke, ho e etsisa le ho phethisa tseo ba li entseng qalong. Oh, banna! Na le bona seemo sa thohako ea mokhatlo oa bolumeli? Uh! Kea tsepala ke ke la nkhaledfela. Empa ke tsepile le e tsoara ka leseli leo ke lekang ho e bolela ka lona. Ua bona? Joale lemojang.

Ba nang le sebopoho sa borapeli, empa e le ba latolang matla a jona: le ba joalo . . .

Ebe o re'ng ho Kereke? “Ho furalla.” E furalle. Tsoa ho eona. Ke eona.

²²⁰ Hoba, mamela, ha re baleng temana e 'ngoe, kapa tse peli. Mamela feela, hoba ha re boneng kamoo mofuta oa batho bana o ikhethileng kateng. Ho sheba haeba e hloka botsitso.

Har'a bao ho na le ba khukhunelang matlung, 'me ba hapa basali ba imetsoeng ke sebe, ba ngalisoang ke litakatso tse ngata,

Ba ithutang kamehla, empa e le ba sitoang ho fihla tsebong ea 'nete le ka mohla o le mong.

²²¹ 'Nete ke'ng? Jesu Kreste ke 'Nete. O itse, “Ke 'Nete.”

Pilato o itse, “'Nete ke'ng?”

“Ke 'na Tsela, 'Nete, Bophelo.”

²²² Basali, ba tsoarang mefuta eohle ea—ea—ea lisosaiti tsa maleiti, le ho roka likobo, le ho khema 'moho, le ho etsa mesoaso, le ho tsoara lilallo tsa meapeho ho lefa moalosi, le lintho tse joalo, “Me e le ba sa tsebeng ho fihla tsebong ea ho tseba Jesu Kreste ea phelang kajeno ka Matla a tsoha ea Hae, ho Moea o Halalelang.” Ua bona, “Le ka mohla!”

²²³ “Basajana ba imetsoeng.” Joale, o ne a sa bue le lōna likhaiseli. Ho re, “Basalijana ba imetsoeng,” ke hantle, “ba kenoeng ke litakatso tse ngata.” U tseba hantle ho feta moo. Ke u thabetsa ke hona, khaitseli ea ka.

²²⁴ “Ha ba khone le ka mohla.” Molumo oo o leketla hakae, ke hona, oo oa mokhatlo o hoammeng oa bolumeli. Molumo oa kereke kajeno o leketla hakae. Ke mang ea ka tsebang hore ho etsoe'ng? Le ntumelle ho le supisa kereke kajeno. Lero la ntoa le lopaletsa hohle, litlokotsi li hohle, 'me batho ba mathela kerekeng ea bona 'me ha ba fumane karabo. Ke tla rera ka eona, bosiu ba Keresemose, *Ha Ho Karabo Ea Naleli Ea Bochabela*. Joale lemojang. Oh, banna! Ke eo E leketlile, 'me ha ba na karabo. Ha ba tsebe seo ba ka se buang. Hobane'ng? Ntho e le 'ngoe eo ba ka lebisang morao ho eona, “Taba ena re ithutile eona k'holesheng.”

²²⁵ Kereke ha e tsepele seo e se finyeletseng k'holesheng. Empa ke Moea o Halalelang o phelang kahar'a Kereke, o E tataisang le ho E etella, ho E bontša seriti sa lintho tse tlang ho tla, joaloka ha E entse matsatsing a Titase; ho ba hlokamelisa lintho tse tlang ho tla, ho balehela bohale bo tlang. Oh, banna! “Ea nang le litsebe a utloe, a Utloe seo Moea o se bolellang likereke.”

²²⁶ Joale ana ntho e sa le teng, ka hona? Nka botsa. Ha ke batle ho le tšoarella halelele hoseng hona. Empa na ho sa na le ho tsitsitseng? Haeba ke le boleletse lintho tse ngata hakana tse hlokanq botsitso, na e teng ntho e tsitsitseng? Ana ntho efe e sa na le botsitso bofe? Khele, ehlile, ke leboha haholo ha e le teng. Na ebe e teng ntho e tsitsitseng?

²²⁷ Ke tla le bolella se tsitsitseng, sona, ke Evangelia ea Jesu Kreste. Joale, ha le batla ho le ngola fatše. Re ke ke ra le phetla, empa le ka etsa joalo ha le batla. Mattheu 24:35, Jesu o bua ka matsatsi ana le ka se neng se tla hlaha. Mattheu 24:35, O itse, “Maholimo le lefatše li tla feta, empa Lentsoe la Ka le ke ke la hloleha le ka mohla.” Eo eona e tsitsitse. Ha e joalo? [Phutheho e re, “Amen.” —Mohl.] Ke ntho e le ’ngoe e tsitsitseng, ke Lentsoe la Hae. Joale, ho na le ntho e le ’ngoe. Re ipona re ke ke ra haha holim'a kereke ea rōna. Re ke ke ra haha holim'a sechaba sa rōna. Re... Ehlile e hloka botsitso. Empa e teng ntho e e tsitsitseng, eona, Lentsoe la Molimo le tsitsitse. Ruri u tla tlameha ho e etsa.

²²⁸ E mong oa bona o itse, “Ntho e le ’ngoe e tsitsitseng e ne e le—e ne e le makhetho.” Oh, che. Makhetho ha a tsitsa hakaalo. Morena a ka fihla. Ba ka sitoa ho a lefisa mohlang oo. Tsohle li felile mohlang oo.

²²⁹ Ba itse, “Lefu le tiile.” Che, monghali. Lefu ha le a tsitsa. Che, lekhale. Hloibilo e ka fihla, ’me lefu ha le sa tla ba teng. Lefu ha lea tsitsa hakaalo. Che, che, e seng letsatsing lena. Le kile la e-ba joalo, lilemong tse ngata tse fetileng, empa e seng joale. Lefu ha lea tsitsa hakaalo.

²³⁰ ’Me leha ho le joalo, ke tseba monna khetlo le leng, ea tsamaileng le Molimo, e le ha a beha mohlala. ’Me tsatsi le leng a khathala ho tsamaea, eaba o bebofala haholo ’me a qala a tsamaea a nyoloha, a nyolohela Lapeng le Molimo. O teng motho ea mo tsebang? [Phutheho e re, “Henoke.” —Mohl.] Henoke. ’Me e ne e le eng? Papiso ea Kereke letsatsing lena.

²³¹ ’Me Nohe, e le papiso, re ne re e tšoere veke e fetileng thutong ea rōna. Nohe, papiso ea Israele e tšelisoang, e tla ema koana Thabeng ea Petolelo, koana ho la—la Europa, tlase Palestina, e ntse e shebile. ’Me e tla re ha ba... Enereha Nohe a bona Henoke a nyametse, a nahana, “Ho etsahetse'ng ka Henoke? Ho etsahetse'ng ka Henoke? Ebe o kae?” Etsoe, e ne e le setloholo. Nohe e ne e le setloholo sa Henoke. ’Me o itse, “Ebe e hokae? Ho etsahetse'ng ka eēna? Ha re sa mo fumana hape.” Nohe a qala a haha areka. O tsebile nako e atametse, hona hoo.

²³² 'Me joale etlare ha Kereke e nkeloa holimō, 'me batho ba re, "Be, ke—ke—ke letseltse sepolesa. Ke—ke rometse mehala. O ne a lutse hantle tafoleng, 'me o nyametse." Yaa. "Ha ke—ke tsebe feela se mo hlahetseng." Be, ha se hoo feela. Be, sepolesa se re, "Re fumane—re fumane mehala e makholo a mahlano e tšoanang le eo, hoseng hona." Ho etsahetse'ng? Ho felile mohlang oo, ho lōna ba-Lichaba. Ke hantle. Ho shebella.

²³³ Lentsoe la Molimo le tsitsitse. "Maholimō le lefatše li tla feta," Mattheu 24:35, "empa lipallo tsa Molimo li ke ke tsa hloleha." Jesu o boletse, "Maholimō 'ohle le lefatše li tla feta."

U re, "Maholimō?" Yaa. Ma-...

²³⁴ Tšenolo 21, Johanne o itse, "Eaba ke bona Leholimō le lecha le lefatše le lecha, hobane leholimō la pele le lefatše la pele li ne li fetile; le leoatle le ne le sa hhole le le teng. 'Me ka bona 'na Johanne ka bona Motse o Halalelang, Jerusalema e Mocha, a theoha Leholimōng, joaloka Monyaluoa (ke seo E se buileng) ha a itlhophiseltse monna oa hae." Oh, ke hona moo ke batlang ho ba teng. Molimo, nthuse ho ba Moo ka letsatsi lela. Ke hantle. Litsepiso tsa Molimo li tsitsitse. Re eellooa seo.

²³⁵ Joale ha re nkeng Lengolo le lenyenyan—le lenyenyan feela, kapa ho nka leeto, re khutlela morao ho fumana ntho e lumetseng litshiung tse fetileng, kamoo ba tsoileng, ka ho tsepa hore na ebe Lentsoe la Molimo ke molumo o tsitsitseng na. Joale ha re khutleleng morao qalong ea Bibele, ho nka baphetoa ba babeli kapa ba bararō. 'Me re ntano e itokisetsa mola oa thapelo, metsotso e latelang e leshome le metso e mehlano, kapa ho hong.

²³⁶ Joale ha re khutleleng qalong, re qotse Moena Nohe, tšimolohong. Nohe, ho Genese. Re fihlela melumo e 'meli kapa e merarō, ho hlahisitsoe melumo e mengata litshiung tsa Nohe. O mong har'a eona, e le Nohe ea utloileng Puo ea Molimo, e itseng, "Pula e tla na." Joale, Molimo...

²³⁷ Mamelang. Ka tloaelo Molimo o u bolella ntho e bothoto bo sekolokoto, nq'a lintho tsa lefatše, ebile feela e... O e sebetsa joalo ho ferekanya lefatše. Ua bona? Ba rarahana feela kelellong tsa bona. Ba re, "Joale, mphi ea bahalaleli-bathethehi, oh, jo 'na! Le se ke la mpolella, la re Molimo, Molimo o halalelang, o ka phela le sekhakhatha se joalo?"

²³⁸ Balake o itsalo le eëna, le Balaame o buile, mohla a shalimileng fatše a bona Israele. Ho itsoe, "Be, ba entse bokhopo bohole bo ka fihleloang, temeng, ba bo entse." Feel a o sitioe ho bona Lefika le teiloeng le Noha ea Borase, le ho bona mehlolo eo le meeka, ea pholiso le lintho, liahelong. Ka molaomotheo, ba ne ba itsaanel. Empa Molimo o etsa ntho e tlolang moeli haholo. Molimo o tlola moeli. Joale e utloahala e makatsa, empa O joalo. Joale, re mpa re fumana feela, ka baphetoa ba 'maloa.

²³⁹ Le shebe Nohe. Joale, Bibele e tlaleha, letsatsing la Nohe, pula e-so rothe leholimōng. Molimo oa nosetsa lefatše ka holimō, ka lefatše. Pula e-so ne le ka mohla. 'Me mona ha hlaha "lehlanya" kantle koana, le teang sekepe sa khale sa se tonana, se batlile ho ba bolelele ba liboloko tse peli tsa motse. Sekepe se tlang ho sesisa, athe ha ho letho ho sesisa holim'a lona! Metsi a le sieo. Ho se le letho feela. Ntho e le 'ngoe feela lefatšeng, e khōlōhali, e le molatsoana. "Joale ebe ntho e joalo o e tea ka lebaka lefe, a e bittiela kahare le kantle, le lintho tse kang tseo? Khele," ba re "metsi a tsoa kae, Nohe?"

"Uh, ho tsoa holimō *mane*."

²⁴⁰ "Be, 'na ke ramahlale oa saense. 'Me nka—nka—nka kholissa, ka sepakapaka sena, hore—hore ha ho—ha ho metsi holimō mane. Holane a le teng, a ne a tla rotha hona joale. Ha ho letho holimō mane. Nka u kholisetsa eona ho se letho holimō mona ka mahlale."

²⁴¹ "Be, empa," Nohe o itse, "u a tseba, Molimo o khona ruri ho ritela a mang holimō mono." Ke eona. "Molimo o a boletse a tla ba teng holimō mane, 'me a tla fihla holimō mane."

"Be, u ntse u etsa'ng, Nohe?"

"Ke—ke ntse ke itokisetsa hona. Ua bona? Kea itokisa."

²⁴² Be, joale, mahlale a ne a hlahisa molumo. Saense e itse, "Mphi eo ea bathetheli-bahalaleli bao ba holim'a leralla leo ba hlile ba hlanya. Khele, bao ba—bao ba hlakane hlooho. Be, bao ba—bao ba—ba ntse ba honya sekepe se seholo sa khale kantle mane. Be, ebe ba tla hle ba etse'ng ka eona? Be, le ha u ka nka melatsoana eohle lefatšeng, ua tšela metsi 'ohle, a ke ke a lekana le ho kolobisa semena sa lona feela. 'Me mona ba re, 'Se tlil'o sesa. 'Me metsi ao a theoha ho tsoa holimō *mane*.'"

²⁴³ Empa, Nohe, ho sa tsotelle kamoo mahlale a e tlalehileng e le bothoto bo bokae, o ntse a mametse Molumo o tsitsitseng. Molimo o itse, "Ke tlil'o senya lefatše ka metsi." Ha ho letho le leketlang mono. E utloahetse e leketla mohlang oo, empa e ne e le Lentsoe la Molimo, ho sa tsotelle e utloahala e le bosaoana hakae.

²⁴⁴ Molimo o itse, "Ke 'na Morena ea le folisang." Ha ho letho le hlokang botsitso mono. Le lumela seo.

²⁴⁵ Molimo o itse, "Ke tla nea, ea batlang, Moea o Halalelang." E a fihla. Ha ho letho le hlokang botsitso ka taba eo.

Ho re, "Ke letaho. Ke seotsoa. Ke . . ."

²⁴⁶ Ha ke tsotelle seo u leng sona. "Ea batlang, a ke a tle." Ha ho letho le hlokang botsitso.

²⁴⁷ Ke Mo rata ha a itsalo, ho feta holane ho itsoe, "Ha William Branham a ka tla, ka 1960, Ke tla mo nea liliba tsa Metsi a

Bophelo.” Joale, e ka ba e le lokile haholo, ekare ke ’na. Empa bo-William Branham ba ka ba babeli. Nke ke ka tseba eo e leng ’na.

²⁴⁸ Empa ha A itse “mang le mang,” ke tseba e ne e le ’na, leha ho le joalo, ke ’na—ke ’na ea batlileng ho tla. Ua bona?

Ka hona, lea bona, Lentsoe la Molimo le tsitsitse.

²⁴⁹ Joale ho lefatše le kantle, lefatše la mahlale, ehlide e utloahala e hloka botsitso. Ua bona? Hobane, ho itsoe, “Ke mang ea ka nahanang le ka mohla . . . Joale shebang. Khoeli ke eo e chabile bosiu. Linaleli ke tseo. Liatemosefere ke tseo.” ’Me ba ne ba le bohlale haholo letsatsing leo, lea tseba, ho feta bao hona joale.

²⁵⁰ Ba ne ba tea lisfinkse letsatsing leo. Ana re ka se haha kajeno? Leotoana le le leng, le hloka makouchu a leshome le metso e tšeletseng, ho le khohletsa mono, ’me se fafohile bophahamo ba boloko ba motse, moeeng. Ana re ka se haha?

²⁵¹ Ba hahile lipiramide letsatsing leo. Athé, lipitlahali tseo mono, li boima ba ditono tse makholo a likete. Be, ha re na letho lefatšeng ho se haha. Ha re na matla a letho. Mafura kapa ntho efe a ke ke a se phahamisetsa holimō mane. U ke ke ua fumana machine a boholo bo lekaneng. Ebe ho nkileng . . . ’Me e phethahetse hakana ho fihlela . . . Ha ho seretse ho eona. Empa ba le bettela fatše mona, ba nto le phahamisetsa holimō mane, ka tsela ea horeng, ’me u ke ke ua sunya thipa ea lehare oa e subela lephakong ka mokhoa *oo*, e momahane ka thata ’moho. Bohlale bo fetang ba rōna joale. ’Me bona ba bohlale boo . . .

²⁵² Ba ne ba ritela ’mala motše o koo. Ba khonne ho phuthela setopo tšiung eo. Re ke ke ra phuthela o mong kajeno. Re ka sitoa ho noka setopo sa motho kajeno, ha re tsebe seo ba se nokileng ka sona, hore li shebehe e le tsa tlhaho. Ba ne ba tšoere—ba tšoere ’mala, ba o tšasa leseleng tšiung tseo, hona joale ha re na eona. Re ka sitoa ho etsa letho le tšoanang le eona. Lintho tsa bona li ne li le ngata feela mohlang *oo*, tseo re neng re ka li hloka.

²⁵³ Mona nakoana e fetileng, ba chekile e—e tsamaiso ea mehla ena ea metsi, hantle mona Mexico, e neng e katelloe mehleng ea pele ho moroallo. Tsamaiso ea sejoale ea metsi, ba re feta hole ka bohlale kajeno! Ua bona?

²⁵⁴ “Joalo ka mehleng ea Nohe,” batho ba masene ba sibollang tse joalo, “ho tla ba joalo ho Khutleng ha Mora motho,” moloko o mong o masene.

²⁵⁵ Batho bao ba ne ba le masene hakae, mohlomong e le mahlale a qahameng, a bokhoni ho lekanya boahlamo ba naleli nq’ a e ’ngoe. Ba le masene hakana ho fihlela, ho latela thutafatše, ba hlomme pitlahali eo, piramide e khōlō eo ka tšoanelo, ’me e hlophisitsoe bohareng ba lefatše hakaale, ebile, ho sa tsotelehe moo letsatsi le emeng, le ka mohla ha ho—le ka mohla ha ho seriti se theang liotloaneng tsa eona. Hoseng, mantsiboea, har’ a mpa

ea letšehare, hohle feela, ha ho moriti o theang mathoko a eona. Ua bona? Ke tsoa mono.

²⁵⁶ Joale le ele lintho tsena tsohle tseo ba li entseng hloko, le matla a bona. 'Me le ka nahana, athe pula ha eso ne, 'me ho se letho lefaufaung ho rothisa pula. Monna eo a khona joang—joang le ka mohla ho fetisa molaetsa oa mokhalo oo? Ha a ka a khona. E ne e le eona.

²⁵⁷ Empa joaloka Nohe ea emeng monyako oa areka, ho hlokamelisa batho ka tšenyeho e tlang ho tla, le moreri ea tsoetsoeng labobeli oa Evangel, kajeno, oeme Monyako, Kreste Jesu, a apesitsoe ke Moea o Halalelang, a hlabela batho mokhosi oa tšenyeho e tlang ho tla. Ehlide. Joaloka matsatsing a Nohe, ke rōna bana re fihlile mona letsatsing lena.

²⁵⁸ Joale, mahlale a ka be a itse, "Pula e ka hl'a theoha *mono*?" Empa, ua bona, Molimo o tsebile ho hlahisa pula mono. Ekaba o sisintse lefatše, kapa motho ea tšoereng matla a athomiki, eo ba e tsoibitseng eaba e phatlola karolo e itseng ea lefatše. 'Me ea tšekalatsa lefatše ka seetse, ea le faposa tselana ea lona, 'me joale le sekametse morao. 'Me ha ba entse joalo, mofuthu oa lefatše le mohatsela oa lefatše, ho tsoa letsatsing le hole le letsatsi, oa hlahisa leru le pupetsang hohle. Ke Jehovah-jire. A ka Iponela hofe ho boletsoeng ke Lentsoe la Oona.

²⁵⁹ Joale A ka Iponela Kereke. Ha A tlameha ho fumana 'na. Ha A tlameha ho fumana uena. Che. Ha A hloke letho le joalo. Ha A tlameha ho e fumana. A ka iponela, motho e mong a ka tlatsa malulo a hao. "Le ele hloko esere e mong a u hlotha moqhaka." Ha A tlameha ho ba—ha ba le rōna, empa re tlameha ho ba le Eèna. Ho phela le ka mohla, u tlameha ho fumana Eèna, hobane Ke eèna a 'Notši, ka puo ea Petrose. Mohla . . .

²⁶⁰ O itse, "Na le lōna le batla ho ikela?"

Mohla A neng a qala a ba bolella 'Nete. E ne e le Monna e moholo ha A folisa bakuli ba bona. Oh, mohla A etsang mehlolo le meeka e Mo salang morao, E ne e le Monna e moholo. Empa mohla A qalang a ba bolella 'Nete, ha etsahala'ng? Eaba, "O fetoha lehlanya." Ba Mo qhalanelia.

A retolohela ho barutuo ba Hae. Hopolang, O ne a hlile a ikemetsé, hoba E ne e le Molimo. A retoloha, a re, "Na le batla ho tsamaea, le lōna?"

²⁶¹ Petrose a re, "Morena, re ka ea kae? Re ka ea kae? Hobo ke Uena u 'Notši u nang le Mantsoe a Bophelo Bosafeleng, 'me re khotsoe ke hona." Ua bona? Ha ho letho le hlokang botsitsi ka taba Eo. "Re khotsoe hoba ke Uena Ea E tšoereng. Ha re mahöhöli a moea oa thuto e 'ngoe le e 'ngoe. Rea tseba U tšoere Mantsoe a Bophelo Bosafeleng, hoba ho se motho ea ka etsang tseo U li etsang Molimo o se ho eèna, ke hantle, ho ba le eèna." Nikodema o buile hona hoo.

²⁶² Joale ha re re, ke hona, Nohe. Na ebe e ne e le molumo o leketlang, oo Nohe a neng a u mametse? Che, monghali. O ne o lokile. Re bone tšenyeho ea moroallo, e timelitseng lefatše lohle, eaba Molimo o romela metsi hantle kamoo A boletseng. Hobaneng? Ke Lentsoe la Molimo le boletseng. Mahlale a saense a ile a qoelisoa a timela.

²⁶³ Shebang, eona ntho e pholositseng Nohe, e bolaile basomi ba hae. Na le tsebile taba eo? Ona metsi ao. Hola metsi a ba sieo, Nohe o be a sa tl'o bolokeha. Areka ke eona e sesitseng. Ka hona se sesitseng areka, se qoelisitse mosomi.

²⁶⁴ 'Me ona Moea o Halalelang kajeno, oo batho ba o somang, O tla pholosa Kereke 'me o ahlole mosomi. Eona ntho eo, ua bona, eona ntho eo. Se pholosang, se bolaea nyee... Se pholosang molumeli, se ahlola mosalumele. Ke hantle. Ka hona, ua bona, e-ba le tumelo Lentsoeng la Molimo. Ke ntho e le 'ngoe eo u ka emang holim'a eona, ua E tseba e tsitsitse. Seo Molimo o se buang se tsitsitse. Lumela ho Sona feela.

²⁶⁵ Joale ha re qotseng thaka le leng, litšiung tsa Moshe. Joale, Moshe o ne a lekile ka lenaneo la thupelo, a lekile ka mananeo a sesole, ho loela Iseraele, kaha a tsebile a tsoaletsoe hona. 'Me ho fihlile hora ea hae ho e phethisa. Empa o e lekile ka tsela ea hae, thuto ea hae, a hlaphisa moifohali oa hae, kapa selo se itseng, a rala maoa a sesole. Ka likakanyo tsa hae ka sebele, a hloleha. Joale le sekehetsese tsebe.

²⁶⁶ Empa tsatsi le leng, Molimo oa mo tšoara, sehlahleng se tukang. 'Me le shebe kamoo—kamoo Molimo o fetotseng monna eo motho ea se nang mabaka kateng. Joale, Molimo o mo huletse holimō pel'a sehlahlha se tukang 'me Oa buisana le eèna. Joale, Molimo o eso buisane le eèna pele, a mpa a ithutile eona ka buka. Eaba, Molimo o buisana le eèna.

²⁶⁷ Nohe o tsebile joalo seo a se buileng. Molimo o buile le eèna. Ke kamoo a tsebileng kateng. O E utloile ho Molimo. Ua bona? 'Me joale tsatsi le leng mohla ho seng...

²⁶⁸ Moshe, ea koetlisitsoeng, ea bentšitsoeng, oh, banna, e le lekoloane la sekolo hle! Khele! 'Me ebile e le monna oa sesole! 'Me a nahana, "Ka thupello ea ka eohle... Ke tšoere Ph.D., le D.D.D., le L.D. e menahaneng, le li-DD tse ka hopoloang. Empa, joale, ruri ke tseba mokhoa oa ho e sebetsa, hobane 'na ke—'na ke kelello ea Egepeta."

²⁶⁹ Ha ke tsotelle na u kelello ea eng, ha e a lōka, ha e fihla ho Molimo. Ke bothoto. Maboko a hao ke bothoto, ho Molimo. Ua bona? "Hobane, litsela tsa Ka li phahametse litsela tsa lōna, le mehopolo ea Ka e phahametse mehopolo ea lōna, ho boletse Molimo." Ua bona? Ka hona, maboko a hao a hloahloa...

²⁷⁰ Joalo ka Pauluse ha a buile, "Ha kea tla ho lōna, ke bolela mantsoe ao e leng mantsoe a upang, e leng mokhoa oa bohlale. Hobane, hola ka etsa joalo, litšepo tsa lōna li ka theoa..." Joale,

Pauluse o ne a le bokhoni ho etsa joalo, hoba e ne e le monna ea masene. O itse, "Nka khona. Empa, lebaka la eona, le ka itsepisa ka thuta-hlalohanyo ea motho. Empa ke tlide ho lōna, ka matla le ka tsoho, ka Moea o Halaleang, hore tumelo ea lōna e beoe ho Molimo." Ke moo he. Hoba, oo ke molumo o leketlang, o mong o joalo. Empa *Sena* se tiile, ehlile. Be, eaba Nohe o fumane... Le ntšoarele.

²⁷¹ Moshe o ne a lekile, ka molumo o leketlang, likakanyo tsa hae. Thuto ea hae, e ne e leketla. Empa tsatsi le leng a utloa Molumo o tsitsitseng. Oh! Joale ke ikutloa ke halalela. E. O utliloe molumo o tsitsitseng, hoba a bona Leseli le lopalelse sehlahleng. "Rola lieta tsa hao, moo u emeng, hobane ke nqalo e halalelang." O itse, "Ke utloile melumaelo ea sechaba sa Ka, 'me Ke hopola Lentsoe la Ka." Amen. Ha ho letho le leketlang mono. "Ke hopola seo Ke se boleletseng Isaaka, le Jakobo, le Abrahama, le bao bohle. Ke hopola lipallo tsa Ka. Ha nke Ke li lebala. Ke bona lillo tsa sechaba seno, 'me nako e haufi. Ke tla roma uena, Moshe."

Moshe o itse, "Ebe nka khutla joang le ka mohla?"

²⁷² Mamelang. "Ruri Ke tla ba le uena." Ha ho letho le leketlang ka taba Eo.

²⁷³ "Joaloka ha Ke bile le Moshe, le joalo Ke tla ba le uena." Ua bona? "Me Ke tla ba le uena." Ha ho letho le leketlang ka eona. "Ke tla ba le uena."

O boleletse Joshua, lilemo hamorao, "Joaloka ha Ke bile le Moshe, le joalo Ke tla ba le uena."

"Nka khona joang ho hapa metsehali eo e haelelitsoeng ka marako?"

²⁷⁴ "'Na...Ha e a tlama uena ho e hakanya. Ke tsamaile le Moshe. Ke tla ba le uena. 'Me hohle moo leoto la hao le hatang teng, ke lefa. 'N'o tsoelepele feela. Ua bona? Ha ho letho le tlang ho ema pel'a hao, ka matsatsi 'ohle a ho phela ha hao." Ha ho letho le leketlang ka eona. "Ke tla ba le uena."

"Ruri Ke tla ba le uena," ho itsalo Molimo ho Moshe.

²⁷⁵ Joale ke batla u ele hloko mohla motho a utloang Puo ea Molimo, a utloa Lentsoe la Molimo ka seqo. Joale, u ka Le utloa. U re, "Be, Molimo o tlameha ho tla kopana le 'na." E, monghali. Nka lula mona 'me ka porofeta ho fihlela—ho fihlela ke e-oa ke shoela sefaleng, lilemo tse leshome, tse mashome a mabeli, tse mashome a mararō, tse mashome a mahlano ho tloha joale, u ke ke ua Le utloa pele Molimo o u senolela Lentsoe. U ka lula setulong sa hao hantle. Ha u a tlameha ho ema sehlahleng se tukang. Mohlomong o haufi ho feta le mohopolo oa hao. Lula mono feela 'me u lumelle Molimo ho buisana le uena, ka Lentsoe.

²⁷⁶ "Ke lokela ho khaotsa bophelo boo ke bo phelang. Eka khona ke loke." Ke Molimo oo, Molimo Lentsoeng la Oona, a Itsebisa

ueno. "Ke tlameha ho lokisa bophelo ba ka le Molimo." Ke Molimo oo. Ke Molimo oo, ruri. "Ke tlameha ho shoa tsatsi le leng." Ruri u tla shoa. "Ke tla arabela Kahlolong." Ruri u tla arabela Kahlolong.

²⁷⁷ Ka hona ebe Kahlolo ea hao e hokae, koana Teroneng moo u sa tl'o hauheloa, kapa mona Teroneng moo u ka hauheloa? Joale, khetho ke ea hao. Seo ke sefaté, joalo ka serapeng sa Edene, se seng sa Bophelo le se seng sa lefu. Ha u Se qhela, Mono, u a shoa. Ha u Še amohela joale, u a phela. Joale ke ueno moahloli, ua bona, ke ueno ea tlamehileng joalo. Hona joale u moahloli, empa Ke Moahloli mohlang oo. U moahloli hona joale, hore u a Se batla kapa che. Ke Moahloli mohlang oo, hore u Se amohetse kapa che. Ka hona u tlameha ho qeta le maikutlo a hao, seo u batlang ho se etsa, empa ho ho ueno. Monna e mong le e mong, joalo ka Adama le Eva, botle le bobe bo behiloe pel'a motho mang le mang, 'me u tlameha ho qeta le maikutlo a hao.

"Ruri Ke tla ba le ueno."

²⁷⁸ "Nka khutla joang ka bolella mong'a ka hoba ke pholositsoe 'me ke tlatsitsoe ka Moea o Halalelang?"

"Ruri Ke tla ba le ueno."

²⁷⁹ "Nka hla ka bolella monna oa ka hore ke tla tèla lonya la ka? Ebe nka e khona joang?"

"Ruri Ke tla ba le ueno."

²⁸⁰ "Ebe nka hla ka bolella mohats'a ka, hore ke—ke phetse bohlasa, ke entse liphoso? Nka khona joang le ka mohla? Nka boela ka ema joang pel'a balelapa la ka? Ba ka boela ba nkholoa joang le ka mohla, ha—ha ba ntsebile ke rohakane 'me ka itšoara joalo, 'me ke entse tseo ke li entseng, ke ntoo khutla ke ba bolella ho re "Na ke Mokreste"?"

"Ruri Ke tla ba le ueno," ho itsoalo ke Molimo.

²⁸¹ E tla u etsisa lintho tseo u ke keng ua li nahana. Sheba Moshe, kamoo e mo kolumelitseng koana. O entse'ng? Monna eo; oa lilemo tse robeli . . .

²⁸² U re, "Be, Moena, 'na ke—'na ke monna oa lilemo tse bohareng, motsofe oa monna. Kapa . . ." Ha ke tsotelle ho hola ha hao. Ha e amane le eona ka letho. Mohla Molimo o ka u khutsisang ho lekaneng ho buisana le ueno, u ka utloa Lentsoe la Hae, ke mohla A buisanang le ueno, ho sa tsotelehe lilemo tsa hao. "Ebe nka e khona joang le ka mohla, Moena Branham?"

²⁸³ Shebang Moshe, ea lilemo li mashome a robeli. Egepete e ne e hapile lefatše lohle. Ba ne ba fupile tsohle, makunutu a bona 'ohle a sesole le ntho eohle letsohong la bona. 'Me eaba Moshe o hloma mohats'ae holim'a muletenyana oa khale, a beha Gershome nokeng ea hae. 'Me ke enoa a tloha, hoseng ho hlahlamang, a tšoere molangoana o khutlahaneng letsohong, matšoala a masoeu a lepeletse *tjena*, koana hlooho ea hae e

lefatla e phatsima, ka tsela eo. 'Me mulete ona oa khale o lepella mono, a hula mulete ona oa khale joalo. A ntse a hooeletsa, "Khanya ho Molimo! Ho rorisoe Morena!"

Motho a re, "Moshe, u habile kae?"

²⁸⁴ "Ke theohela Egepeta, ho hapa ntho eo."

"Bosaoana bo kaale!"

²⁸⁵ Empa motho ha a bua le Molimo, 'me Puo ea Molimo e ahile ka ho eèna, le Lentsoe la Molimo ka ho eèna! "Ekare ha le lula ho 'Na," John 15. "Ekare ha le lula ho 'Na, le Mantsoe a Ka a le ho lõna; le ka kõpa seo le se batlang, le tla se etsetsoa." Ua bona? Ha ho letho le leketlang ho Eona. E tla etsoa. Ke hantle. Ha ho letho le leketlang.

²⁸⁶ Moshe, "Ho tla joang ha Uena . . ." E ka ba Moshe o itse ho Molimo, "Taba eo nka e khona joang, ho hlopholla hlaselo ea monna a le mong? Ebe 'na, monna oa leqheku mona, le mashome a robeli a lilemo, ebe nka theohela moo joang khahlano le leboto le leholo la banna sesole se seholo sa banna ba milione, 'me ka e hapa?"

²⁸⁷ "Ruri Ke tla ba le uena." Ke phetho seo a neng a loketse ho se tseba. Ke enoa a tloha. Ke enoa a tloha. A theoha. 'Me a hapa, le hona. Hobaneng? A kholoa hoba Molumo a o utloileng o ne o lokile.

²⁸⁸ 'Me Molumo oo le o utloang hoseng hona o lokile, hobane Ke Lentsoe la Molimo.

²⁸⁹ Bana ba Baheberu seboping sa mollo, ba tsebile ka'ng hoba ba tla lokolloa? Ba itse, "Molimo oa rôna o khona ho re loela." A eso e etse pele. "O tseba ho re loela seboping sena sa mollo. Empa, leha ho le joalo, re khotsoe hoba O a khona." Ha ho letho le leketlang ka hoo. "Re tseba thato ea Oona feela, empa, leha ho le joalo, ha re ka ke ra khumamela setšoantšo sa hao."

²⁹⁰ "Ha re ka ke ra ea moketjaneng oo. Ha re ka ke ra tsuba lisakrete tseo. Ha re ka ke ra noa tahi eo. Ha re ka ke ra bua mashano ao. Ha re ka ke ra feba. Ha re ka ke ra hlola re qhekella mafumahali a rôna hape, banna ba rôna hape. Re khotsoe, Molimo a ka re loela."

²⁹¹ "Be, ha u ka etsa, ba tla u rahela kantle ho papali ea bunco. Ba tla u rahela kantle ho mokete oa likarete, thuso ea maleiti."

"Ha ke tsotelle seo ba nketsang sona. Molimo o khona ho ntoela."

²⁹² "U tseba seo ba tlang ho se etsa? Ba tla u bitsa mokutla oa sekhale. Ha u boela u holisa moriri oa hao, ha u ka etsa hoo. Le ho apara liaparo tse telele tseo le ho itšoara joaloka leleiti. U tseba seo ba tlang ho se etsa? Ba tla u bitsa sekhale-khale."

²⁹³ “Ha ke tsotlelle seo ba tlang ho se etsa. Empa Molimo o tseba ho ntoela, ’me ke sona seo ke se setseng morao kajeno. Molimo o tseba ho ntoela. Ke phetho.”

²⁹⁴ “Be, ha u sa tene lishotso lehlabula lena le tlang, ebe Susie o tla re’ng?”

²⁹⁵ “Ha ke tsotelle seo Susie a se buang. Ke batla ho tseba seo Molimo o se buang. Hobane, Susie o tšoere molumo o leketlang. Empa oa Molimo o lokile. Oo ke Molumo o tsitsitseng.” Ka hona, O bile a ba lokolla.

²⁹⁶ Abrahama o ne a kholoe hakae, hoba a eme lilemo tse mashome a mabeli a metso e mehlano, bakeng sa lesea leo Molimo o ’moleletseng a tla le fumana? Na le ka nahana, Abrahama, monna oa leqheku, ea seriti se settle har’ā batho? ’Me tsatsi le leng, Molimo oa bua le eèna, ha thoe, “Abrahama, Ke tla u etsa ‘ntata lichaba,’ lebitso a hao le tla fetoha joale, ’me u tla bitsoa Abraham, ho tsoa ho Abram ho ea ho Abrahama. ’Me Ke tla rea eo, ho tloha ho Sarai (S-a-r-r-a) ho ea ho S-a-r-r-a-h ‘mofumahali,’ ’me ke tla fetola lebitso la hae. ’Me joale bobeli ba lōna . . . Ha re boneng, Abrahama, lilemo tsa hao li mashome a supileng a metso e mehlano, ’me eèna o mashome a tšeletseng a metso e mehlano. U phetse le eèna mohla a batlang a le leshome le metso e tšeletseng, leshome le metso e supileng, ho ba ke morali oa ntata’o. ’Me u phetse le eèna nako ena eohle. U mo nyetse esale ngoanananyana, ’me le hajoale ha le eso fumane bana. Empa Ke—Ke tla e etsa. Uh-huh. Ke tla u nea lesea. ’Me ana u lumela ho ’Na, Abrahama?”

“Yaa, Morena, kea U lumela.”

“Be, joale, ba—ba tla re u a ‘hlanya.’”

“Oh, ho itoketse, Morena. Ke bottle.”

“U ba bolelle hore u tla fumana lesea.”

²⁹⁷ Be, a tloha a phamola Sara, ho re, “Moratuo, u a tseba ke’ng? Re tlil’o fumana lesea.”

“Eng? Lesea?”

“Yaa.”

“U tseba joang?”

“Molimo o itsalo.”

²⁹⁸ “Amen. Ke hantle, ke hona, moratuo, re tla le fumana. Be, joale, u tseba seo ke tlang ho se etsa? Mphe cheletana. Kea tla theoha, ke reke libutšunyana. Ke tla reka le maleiri a ’maloa le lipelete tse ’maloa. ’Me re tla itokisetsa lesea lena, ua bona, hobane lea tla hona joale. E, monghali.” Eaba o theohela tlase levenkeleng.

²⁹⁹ ’Me ke ba utloa ba theohela ngakeng, ho thoe, “Ngaka, u a tseba ke’ng? Ke batla le hlophise koana kokelong. Re tlil’o fumana lesea.”

³⁰⁰ “Uh, uh, uh, uh, uh! Hum! Uh, uena, u itse lebitso la hao u mang?”

“Abrahama.”

³⁰¹ “Uh-huh. Yaa. E, monghali. Ntšoarele. Ke maphathe kajeno, ua bona.”

³⁰² Ho khutla, ho thoe, “Hela, le mpe le romele ba boholong, ho hlahloba kelello ea leqheku leo. Khele, u lilemo li mashome a supileng a metso e mehlano, le mosalimoholo eo ea lutseng a behile tjale mahetleng, e ka re nkhono, ’me o re o tlil’o fumana lesea. Khele, na eo ha se—ha se mora oa Tera tlase mono, ea theohang holimō koana Shinare, holimō koana toreng? Na ha se—na ha se . . . Na eo ha se mora oa hae?”

“Yaa.”

³⁰³ “Be, mothoana eo oa khale o batuoe ke letsatsi le le ngata. O batuoe ke setorouku. O batla a hlakane. Ua bona? Yaa.” Empa oo ke molumo o sa khethoeng.

Empa Abrahama o ne a tšoere Molumo o tsitsitseng, “Molimo itsalo.”

³⁰⁴ “Be,” ba bolaoling ba itse, “ke leqheku le tšepehang la monna. Ke tseba khafetsa, a abetsé bahlolahali le lintho. ’Me o aba lintho. Ba—ba . . . ’Me o mosa haholo. Ha ke batle ho ba koalla, kapa le letho. Le se ke la ba tlama kantle mane sefateng, ka mahlaahlela le ka lintho tse kang tseo, ba tla hlahafala. Ke tla le bolella taba, re tla ba beha leihlo feela, ua tseba.” ’Me eaba ba ba beha leihlo. “Uh-huh? Uh-huh?” Ke molumo o mokakang o leketlang!

³⁰⁵ Empa Abrahama a o tseba e le Molumo o tsitsitseng. A re, ha feta khoeli ea pele, “U ikutloa joang, moratuo, na phapang e teng?” Joale le hopole, lōna maleiti; matsatsi a mashome a mabeli a metso e robeli, a se a e tlotse khale koana, ka lilemo tse mashome a mane. ’Me e le enoa, a le mashome a tšeletseng a metso e mehlano. “U ikutloa joang, moratuo?”

“Be, lerato, ha ho phapang.”

³⁰⁶ “Molimo a tlotlisoe, re tla le fumana, leha ho le joalo.” Ha ho letho le leketlang. “Ruri. Ke tiile. E, monghali. Ke khotsoe re tla le fumana.”

“U tseba joang, Abrahama, hoba u tla le fumana?”

“Molimo o itsalo. Le tla fihla, leha ho le joalo.”

³⁰⁷ Be, khoeli ea bobeli, khoeli ea borarō, selemo sa pele, “Na u utloa phapang ea letho, moratuo?”

“Che.”

“Ha ho eso etsahale letho le joale?”

“Che. Che.”

“Be, Molimo a tlotlisoe! Re tla le fumana, leha ho le joalo.”

³⁰⁸ “Abrahama, ke utloile ho thoe u re u tla fumana lesea. Hee-hee! Hee-hee!” Oo ke molumo o leketlang. Ua bona?

³⁰⁹ Empa Abrahama a se a utloile Molumo o mong o pupelitseng hoo hohle. “Molimo a tlotsiloe. Ha ke tsotelle na O ema halelele hakae. Ke tla le fumana, le hona.”

“U tseba joang, Abrahama?”

“Molimo o itsalo.”

“Joale, Eèna, na Molimo o theohile oa buisana le uena?”

“E.”

“U tseba joang? Na nka Mo utloa?”

³¹⁰ “O qoqile le ’na, e seng uena. Be, u ka ikela.” Ho re, “U ka ikela, mokutla tooe oa mosalamale. Ha u lumele, le hona. ’Na kea Mo lumela, ua bona, ’n’o tsoelepele.” Ke eona. “Ke tla fumana lesea, leha ho le joalo.” Ha feta lilemo tse mashome a mabeli a metso e mehlano.

³¹¹ Empa pele nako eo e fihla, ba ’na ba iqabola ba eja litševo. Molimo o itse, “Ua tseba ke’ng? Ke tlil’o u tlosa ho bona. Bofella liaparo tsa hao le lintho, itokise. Tsoa, u ikarole ho mphi eo ea bomosalumele. Ke tla u fa kerekana koana mona, batho ba bang ba tlang ho u lumela. Siroha malumeli ao a khale a hoammeng a batang. Tsoa mona. Tsamaea le ’Na, feela.” Molimo ha o a mo hlohonolofatsa pele a phethile hoo ka bottlalo, ho ikarola ho se lumeleng hohle.

³¹² ’Me A ke ke a u hlohonolofatsa ho fihlela u entse. Suthisa litumelo-khoela tseo tsohle ho uena, ’me, “E ka ba E joalo, ’me e ka ba ha E joalo.”

Ha u tlela ho rapelloa, hoseng hona, u tle ka tumelo ea mannete, “Molimo o itsalo, ’me ho lutse ho le joalo.” Ke eona. “Molimo o itsalo.” Ke phetho se leng teng. “Molimo o itsalo.” O e buile, ’me hoo—hoo ho a e batalatsa. Se hhole u pheha khang, ho e nahana. Ho lokile.

³¹³ Joale, ka mora lilemo tse mashome a mabeli a metso e mehlano, ’me Abrahama joale ke leqheku la monna. A le lekholo la lilemo. ’Me Sara a le mashome a robong a lilemo. Joale le e nahane, nkhono e monyenyan, a behile tjalenyan mahetleng a hae, a roetse katibana ea lerole. ’Me ntatemoholo, ua tseba, a le tjena. “’Me u ikutloa joang, mofumahali?”

“Ha ho phapang ea letho.”

“Le tla hlaha, leha ho le joalo. Molimo a tlotsiloe!”

³¹⁴ Tsatsi le leng o tsoatsoile a sheba, eaba ho nyoloha Monna ba le bararō. Ba lula fatše. Ba babeli ba bona ba theohela Sodoma, ho rera.

³¹⁵ A re, “Abrahama, mohatsa’o o kae, Sara?” Oh, banna! Shuu! Joale hopola, Jesu o boletse e tla boela e hlaha, ua tseba, lona Lengeloi leo.

O lemohile hoba e ne e le Mangeloi. Ua bona? O ne a utloile Molumo oo. Eitse ha a utloia Monna eo a bua, se seng se le teng, seo a se lemohileng, e ne e le eona Puo eo. Ua bona? A tseba hoba e ne e le eëna Eo.

³¹⁶ A re, “Sara?” A kena kahare, ho re, “Moratuo, tsoela koo ka potlako ea ruri, u hlakole leifo ka potlako, u thethe, u lube nthoana, tšoara weje o e sunye sefeng ea khale.” Na le sa li hopola? “Sefa bohashana ba phoofc.”

³¹⁷ Le ba kae, lōna ma-Kentucky, le sa e hopola? Be, banna, le tlamehile. Ke bone mom a tšoara ntho eo ea khale a e batola, “bang, bang, bang,” a e silila, a e silila, le “bang, bang, bang,” a hlokohla phoofeo a e ntša, ho re phehela linkhoa. ’Me—’me a nto belisa masapo ao a khale a nama, ka har’ a pane e halikang, ua tseba, kapa pane ea bohobe, a bo tšela ka mafura. Le lierekisi tse mahloana-matšo le lihaba tsa rapa, ke lijo tse hlabosang haholo. Ka hona—ka hona cider ha e thatafala, e etsa asene, ua tseba; a ntoo tlosa foromo eohle holim’ a bona, a tšelete asene holim’ a eona. E monate. Ka hona—ka hona . . .

³¹⁸ Ke bona Sara a ntse a pheha linkhoa, kantle holim’ a lefika lena, joalo. Abrahama a tsoa, a utloia a batla ho sheba moo a ka tšoarang nthoana, namane e nonneng; a e hlabo, a tla le eona, a e lokisa.

³¹⁹ Ho tsoela mono, ho re, “Monna eo o ikhethile. Ke utloile Kolu eo pele. Kea tseba liaparo tsa Hae li thunthelitsoe ke lerole hohle holim’ a Hae, le lintho. O lutse mono, a ntse pholla sefahleho sa Hae, a ’na a thalatsa joalo. Empa kea u bolella, ke tseba Kolu eo, hobane ha se molumo o leketlileng. Hobane, nkile ka o utloia, lilemong tse mashome a mabeli a metso e mehlano tse fetileng. ’Me, moratuo, esale re tšepiloe nako ena eohle, ho lumela. ’Me taba e teng ka Monna eo. Ha ke tsebe lebaka, empa ntho e teng ka Eëna, kea lumela.” Ho lokile.

³²⁰ Eaba o a tsoa, a khola sehlahlha sa ntsintsi a tšosa lintsintsi tsohle, ua tseba, a lula mono a thotse Ba sa ja. Eaba ke hona, ka mora nakoana, ba babeli ba Bona ba qala ba shalima tlase nq’ a Sodoma. ’Me Ba theohela mono, ’moleli oa mehla ena a theohela mono ho bolela Evangelii mohlang oo.

³²¹ Eaba Abrahama o lutse mono le Monna enoa, ’me A file tente sekotlo sa Hae. A re, “Abrahama, mosali oa hao Sara, o kae?”

Ho re, “O ka tenteng, ka mora’ Hao.”

³²² Ho re, “Ka nako ea bophelo, Ke tla u etela ho latela pallo eo Ke u etseltseng eona.” A tsebileng hona hoo hore Molumo oo o tsitsitse.

³²³ Ha etsahala’ng? Hang hoba Lengeloi le tlohe, Sara a fetoha mosali e mocha, e motle, a tšopholoha hantle a khutlela morao, ho supa seo A tläng ho se etsetsa Peō e ’ngoe le ’ngoe ea Abrahama. Nkhono eo oa leqheku a fetoha mosetsana e mocha.

'Me Abrahama, selota sa nyamela mokokotlong oa hae, ha nyamela le litelu tse tšoeu, a fetoha mohlanka e mocha hape.

³²⁴ 'Me ba tsamaile leetonyana, limeile tse makholo a mararō, ho theohela Gerare. Eare ha ba fihla tlase mono, Abimeleke, khosi ea Baflista tlase mono, athe e ntse e batla mosali. Eaba o qamaka hohle, basali ba batle bao ba Baflista. Etsoe, ba le batle. 'Me eaba o qamaka mono, a bona basali bao bohle ba Baflista, ho re, "Ha ke khone ho hloaea e mong, ka mokhoa oa horeng. Ke mpa feelsa . . ." Tsatsi le leng a bona Sara e monyenyanane a theoha joale, ea lilemo li lekholo, nkhononyana. A re, "Esale ke mo emetse. Ke eo moo a leng teng. Ke eëna." Ka hona, a mo nka 'me a tla mo nyala.

³²⁵ Molimo oa ipontša eëna, ka toro, oa re, "Athe oa mo nka na?" Oa re, "Eo ke mogahsra moporofeta oa ka." Oa re, "U se u le monna ea shoeleng."

A re, "Morena, U tseba matsoho a ka a hloekileng."

³²⁶ Ha ho letho le leketlang moo. Oa re, "Mo busetse. Ha Ke sa tla utloa thapelo efe u e hlahisang ho 'Na. Ha nka ke Ka mamela letho la eona. Hoba, eo ke moperofeta, mo khutlise 'me u 'musetse. Hobane, Ke . . ." E le ha a itlhokela cheletana, lebakala ketsahalo ena eohle. Ka hona, ba ne ba hloka cheletana. "Khutlela teng u 'museletse, mosali oa hae. Ha u sa etse joalo, u joalo ka monna ea seng a ichoeletse." Ha ho letho le leketlang tabeng eo, hoba Molimo o se o nyopisitse popelo ea leruo la hae lohle. Ke hantle haholo.

³²⁷ A tloha a tsoela teng, a re, "Abrahama, u nkentse'ng?"

³²⁸ Ho re, "Khele, koana ka 'nete ke khaitseli ea ka, kamoo ke 'moletseng ho uena. Empa," a re, "joale e se e le mosali oa ka."

³²⁹ Eaba, ba tsoela pele. Joale e ne e le eng? Mohla lesea le neng le tsoaloa, ka morao ho lilemo tsena tsohle, mohla ba khutlileng. Molimo oa re, tsatsi le leng, oa re, "Mo hloese thaba, u mo khaole qoqotho." Oh, banna!

³³⁰ Genese 22, o isitse lesea lena holimō mono. A nka Isaaka e monyenyanane, oh, e ne e se lesea, a batlile ho ba leshome le metso e mene la lilemo, a pheulela mangetsenyana a hae morao joalo. A ntša thipa, letsoho leo la khale la ntate oa leqheku le tetema; ntle le pelaelo, ho le thata ho koenya, a qhoeloa, ua tseba. "Mora ea mong ho 'na. Nkile ka ema lilemo tsena tsohle. Banna! Ha ke eso fumane moshanyana le ka mohla. Mo shebe. Mo shebe. Mona, ke mora ea mong ho 'na, mothoana oa batho. Empa, Molimo, U ntaetse eona. Ke tseba ho tsepa Lentsoe la Hao. Ha ke tsebe kamoo U tlang ho e phethisa. Empa, Morena, U 'neile eëna, joaloka ea seng a ichoeletse."

³³¹ Joale ha u batla ho e ngola fatše, Baheberu 11:17 ho isa ho 19. Ha re le phetleng, 'me re tla le tšoara feelsa. Baheberu 11,

supa- . . . ho fihla ho 19. Re mothating oa ho koala, motsotsong feela. 11:17, ho lokile.

Ka tumelo Abrahama, mohla a lekoang, o hlahisitse Isaaka: eo ho nong . . . neiloe pallo o hlahisitse . . . ea neng a neiloe pallo o hlahisitse mora ea mong ho eèna.

Eo ho nong ho lekanntsoe ka eèna, Litloholo tsa hae tse tläng ho bitsoa li tla hlaha ka Isaaka:

“A lekanya” . . . Temana ea 19.

A lekanya hoba Molimo o ka tseba ho mo tsosa, esita le bafung; ’me efèla o boetse a mo rua . . . o kang oa tsoho.

³³² Abrahama o itse, “Morena, ha U fèla u nka . . . Morao koana mohla ke nyopileng, mohlang oo ke sa rua letho. Ke le moetsalibe, ’me Ua mphetola se seng. Ua nketsetsa pallo. ’Me ke mona, U mphile moshanyana enoa. Esale ke mo shebella lilemo tse mashome a mabeli a metso e mehlano ho fihla. ’Me joale, lilemo tse leshome le metso e mene hamorao, khele, ke enoa, ke mohlankana, ke boikhantsö ba pelö ea ’ma’ë. Ke mo thobisitse tlung. Ho baballa . . . Mè a ke ke a utloisia. Empa ’na kea U utloisia, Morena, kea tseba hoba Puo ea Hao e lokile. Joale U ntaetse ho mo hlahaha, ho mo bolaea. ’Me U mpoleletse, ha thoe, ka ’na, ’na, ke tla behoa ntat’ a lichaba tse ngata. Ka moshanyana enoa, ha thoe U tla nka moshanyana enoa, ’me ka eèna . . . Mohla U nong u nketsetsa pallo, ho khekhetha nama eo, tsatsing leo, ho phollelitse Leseli le lesooana lipakeng tsa eona, U nketselitse pallo, ha thoe, ka ngoana enoa mona, ho itsoe U tla hlahaha Mora oa Hao ka Seqo. Amen. U tla hlahaha Mora oa Hao ka Seqo. Ka leloko la mora oa ka, U tla hlahaha Mora oa Hao, ’me O tla pholosa sechaba sohle. Ha ke tsebe kamoo U tläng ho e phethissa, Morena. Taba eo ha e batle ’na. Empa ke tseba botsitso ba taba eo. Ke tseba botsitso ba pallo ea Hao, ’me ke khotsoe hoba ke mo ruile ka mokhoa oa ea tsositsoeng bafung. ’Me ke khotsoe ruri hoba U tseba ho mo tsosa bafung hape. Efèla ha ke ’molaea, U ka mo tsosa hape. Ke tla nka Lentsoe la Hao, Morena.”

³³³ Ho ntša thiipa. Ho re, “Sala hantle, Isaaka.” Ho mo aka. A mo phetla.

³³⁴ Eaba Molimo o re, “Bea butle motsotso, Abrahama. Bea butle motsotso. Kea tseba u lumela ho ’Na. Kea tseba u a Nthata. Khutlisa letsoho la hao.”

³³⁵ Nakong e batlileng ho ba eo, a utloa selo ka mora hae. A talima, pheleu e neng e tšoasehile lihlahleng. Pheleu eo e hlähile kae? E hlähile kae? O ne a hahlautse makholo a limeile hole le tsoelopele, motšeо koana nahathote moo ho leng litau, liphiri, liphokojoе, le lilo tsohle tse joalo, tse bolaeang nku. ’Me a bile a le qhooeng ea thaba koana, teng ho se metsi kapa letho ho phelisa nku. ’Me e ne e le sieo, motsotso pele ho moo. Ka ho hetla feela, e se e le eo, motsotso o latelang, mono. Jehova-jire! Molimo o itse . . .

³³⁶ Abrahama a lelala, a re, “U Jehova-jire.” Ebe *Jehova-jire* e bolela’ng? “U ka hlahisa sohle seo U se buang. Haeba U e boletse joalo, ke phetho. U khona ho e phethisa.”

³³⁷ Eèna . . . O ile a etsa’ng? A tlameha ho utloa Molumo oo Nohe a u utloileng. Mohlang oo, “Ebe O tla nyollela metsi joang holimō koana lipakapakeng?”

³³⁸ “Ha ke tsebe. Empa, Ke Jehova-jire. A ka hlahisa metsi holimō mane.”

³³⁹ “Ebe O tla tlosa motho joang lefatšeng lena ho mo nyollela Khanyeng?” Nke ke ka u bolella. “Re boima. ’Na ke boima ba lipondo tse lekholo le mashome a mahlano. Ke boima ba lipondo tse makholo a mabeli.” Ha ke tsotelle boima ba hao. Ke Jehova-jire. “Ho thotoa ho tla etsoa ka mokhoa mong?” Ha ke khone ho le bolella, empa O tla hlophisa koloi nako ha e fihlile.

Ke e bua molemong oa metsoalle ea ka ea ’mala e lutseng mona, hoseng hona. Tlase Boroa monna oa ’mala o ne a jere Bibebe. O itse . . . Mong’ a hae a iqabola ka eèna, a mo tlaleha a tsoere borapeli bo pelonolo. A re, “Ha ho letho le kang borapeli bo pelonolo.”

A re, “Mong’ a me, u hloka ntho e le ’ngoe.” Ho re, “Ha ho ntho e kang borapeli bo pelonolo, ho latela tsebo ea hao.” Ua bona? Empa o tsebile taba e fapaneng.

Ho re, “U etsa’ng ka Bibebe eo? Ha u khone ho bala.”

³⁴⁰ Ho re, “Kea E lumela.” Ho re, “Ke E lumela, ho qala kiver ho ea kiver, ke bile ke lumela le kiver, hape. Hobane,” o itse, “hoba E ngotsoe ‘Bibebe e Halalelang’ holim’ a Eona.”

Ho re, “Ke kholoa u lumela lipale tseo tsohle Mono?”

³⁴¹ Ho re, “E, monghali.” Ho re, “Ke lumela sohle seo Molimo o se boletseng. ’Me sohle seo Molimo o mpolellang sona, kea se lumela.”

³⁴² A re, “Joale, mamela, Sambo, u ke ke ua etsa joalo.” Ho re, “Joale haeba Molimo a u laela ho qhoma u feta har’ a lerako mane, na u tla e etsa?”

A re, “E, monghali. Ke tla qhoma hantle ke pholletsa lerako leo la lejoe.”

³⁴³ A re, “Ebe u tla pholletsa lerako leo la lejoe joang, athe ha le na lesoba?”

³⁴⁴ Ho re, “Efèla ha Molimo o ntaela ho ‘qhoma,’ O tla be a phuntse lesoba ha ke fihla mono.” Ka hona e batla e lokile. Ke hantle.

³⁴⁵ Molimo o tla boloka Lentsoe la Oona. Ha ho letho le leketlang ka taba eo. Mohla Terompeta ea Molimo e llang litsebeng tsa hao, Terompeta ea Evangel, e titile. Amen. Lula le Eona hantle. Oh, E titile!

³⁴⁶ Khele batho bana bohle joale . . . 'Me re tlola nako; tlaleho e le 'ngoe hape, kapa Mangolo a mabeli mona, ke a ngotse fatše, kea kholoa. Hore'ng batho bana bohle ba entse sena? Hobane ba ne ba utloile Puo ea Molimo. Joale, ka potlako ea ruri joale, e le ho phethela, metsotsong e meraro kapa metsotso e mene.

³⁴⁷ Jesu, mehleng ea Hae lefatšeng, O itse, "Ke na le matla a ho beha bophelo ba Ka fatše. Ke na le matla a ho bo phahamisa hape." Joale, ho ne ho se letho le leketlang ka taba eo. "Ke na le oona." Ha se "Ke tla ba le oona." Empa, "Ke na le oona, joale. Ke na le matla a ho beha bophelo ba Ka fatše. Ke na le matla a ho bo phahamisa hape." Ke hantle.

³⁴⁸ Maretha, hoba a lahleheloe ke khaitseli ea hae, Lazaro, o Mo utloile a re, "Ke tla ea mo tsosa." Ho re, "Le mo patile kae?" Joale Eèna . . .

³⁴⁹ Eaba o laetsa, a re, "Jesu, tloo folise khaitseli ea ka. O a kula." Jesu a e ikhakanya eona; a tsoela pele. A boela a laetsa, eèna le Maria. 'Me ba tsoelapele, A iphapanya eona.

³⁵⁰ Eaba, ha morao, Lazaro o a shoaa, ba mo epela lebitleng. O ne a nkha, a se a robetse mono matsatsi a mane. Nko e se e hohlometse; libokoanantsi li mo kene, ntho e 'ngoe le e 'ngoe, a thathetsoe ka liaparo le ka lintho. Lebitla le pitloloe ka lefika, ka temalo ea ho pata bafu bochabatsatsi. U epa mokoti, u nt oo o ribeha ka lejoe. E ne e le lebitla leo; e le sekoahelo feela.

³⁵¹ Ntho ea pele ua tseba, ha thoe, "Jesu o a tla." Eaba Maretha o apara tjalenyan ea hae, a theoha ka seterata, ngoanana e mocha enoa, e motle. A mathela tlase mono. A re, "Morena." Le shebe katamelo eo. O ne a utloile Molomo, tsatsi le leng, 'me O ntse o tsitsitse. O tsebile taba e le teng ka Eèna. O itse . . .

³⁵² Joale hola a tloha a re, "Re hlobohile bolumeli ba rōna kahobane U rerile khahlano le bona. 'Me tsena tsohle re li entse kahobane U entse *hore-le-hore*. 'Me esale re lumetse ho Uena. Joale re—re sebjoa motseng mona. Bohle ba re, 'Moalosi oa lōna oa mohalaleli-mothethehi o kae joale? Ua bona? Tlhoko e teng. O kae? O balehile. Ua bona? U kae? Ba ile kae baphekoli bao ba Khalalelo?"

³⁵³ U sa hopola ho itsoalo ka uena, Moena Wright, tlase mane, ke bareri ba hao ba Church of Christ le bao. E, mongali.

³⁵⁴ "Ba kae? Kae? Sena sohle se bolela'ng? Ho thoeng ka eona joale, ua bona?"

³⁵⁵ Ka mora nakoana, a bonahala a loketse ho Mo tšolela maqa le ho 'Molella ntho, ho re, "Ua sitoa ke'ng ho tla ha ke laelitse?" Empa, ua bona, Molimo ha o atameloe joalo.

³⁵⁶ U se botse potso. Tseba Molomo o tsitsitseng. Ho nyoloha hantle, ho re, "E, Morena."

³⁵⁷ "Morena, ha—ha ba mpeha matsoho, ke tseba ka'ng ha ke tla fola?" Ha e batle uena. Ua bona?

³⁵⁸ U ka etsa ho le hong feela, ke ho tseba Molumo o tsitsitseng oo, ha ho thoe, "Molimo o boletse." E lumele 'me u tsoelepele. Molimo o e boletse. Ua bona? E, monghali. Ke Lentsoe la Molimo.

³⁵⁹ Joale, he, ntho ea pele lea tseba, be, mothoana eo Marethoa oa khale a tsoa a matha. A re, "Morena." Oh, ke rata seo! Ua bona, a Mo tlotla ka thaetlele ea Hae. Ho eèna E ne e le... "Morena, holane Ua ba mona, khaitseli ea ka a ka be a sa shoa." Ua bona? Ho re, "Esita le joale, sohle seo U se kòpang Molimo, Molimo o tla U nea sona." Ha ho letho le leketlang tabeng eo. Che. Ua bona? Ua bona?

³⁶⁰ Ke mohla liposetifi tse peli li holehanang. Ua bona? Ke mohla ho holehanang matla a mabeli a bokhoni-bohle. Ua bona? Mohlang oo, o ne a kakatletse matla a mang a bokhoni-bohle, a kakatletse tumelo e phethehileng ea bokhoni-bohle ho Kreste; 'me Kreste a le bokhoni-bohle. Ua bona? A kakatletse tumelo e phethehileng, e leng hoo Kreste e sa felle, hore E ne e le Morena; le ho tseba, hoba sohle seo A se kòpileng Molimo, Molimo o tla Mo nea sona. Ka mantsoe a mang, o itse, "Bua Lentsoe feela, ke phetho seo U tlamehang ho se etsa. Sohle seo U se kòpang Molimo, Molimo o tla U nea sona."

Eo ke om-... Taba eo—eo e matlaohle, e boholo-bohle, hobane O boletse joalo feela. Ua bona? Ho lokile, 'me O ne a le boholo-bohle. Ke mohla matla a mabeli, matla a mabeli a matlaohle, ha a holehana. Kholehano e moo.

³⁶¹ Haeba molapo mona o *tšoere* livolto tse lekholo le mashome a mahlano, le *ona* o *tšoere* livolto tse lekholo le mashome a mahlano; ha e holehana, o qhanehile livolto tse lekholo le mashome a mahlano, maqala a mabeli. Ua bona?

³⁶² 'Me ha u ruile Matla a phahameng. Mohla Jesu a neng a re, "Beang bakuli matsoho, ba tla fola," 'me o ruile tumelo e tlalehang hoo e le 'Nete; u hloka Molimo o phahamileng o hlabileng pallo e phahamileng, 'me ho tla hlahisoa liphetho tse phahamileng. Amen. Ke eona. Ua bona?

³⁶³ Joale mo shebeng. O tlide, a re, "Morena, holane Ua ba mona, khaitseli ea ka a ka be a sa shoa. Empa esita le joale, sohle seo U se kòpang Molimo, Molimo o tla U nea sona."

O itse, "Khaitseli ea hao o tla tsoha hape."

³⁶⁴ A re, "Ke 'nete, Morena, o tla tsoha matsatsing a ho qetela—a ho qetela." Hobaneng? O ne a utloile Lentsoe leo. A le tseba e le Molumo o tsitsitseng. "Ehlile, Morena, o tla tsoha matsatsing a qetelo. E ne e le moshanyana ea lokileng. O tla hlaha tsohong ea bohle, letsatsing la bofelo."

³⁶⁵ Jesu a re, "Ke Teng." Ha ho letho le leketlang ka taba eo. "Ke 'Na, tsoho le Bophelo 'moho." Huh! Shuu! "Ke tsoho le Bophelo. Ea lumelang ho 'Na, leha a shoele, o tla phela. Ea phelang a

lumela ho 'Na, a ke ke a shoa le ka mohla." Ha ho letho le leketlang ka taba eo. "Na u lumela see?"

³⁶⁶ A re, "E-ea, Morena. Ke lumela U le seo U ipoletseng U le sona. U Mora Molimo ea tlileng lefatšeng, ho pholosa rōna. 'Me kea lumela sohle seo U se etsang, leha e le ho se bua, se phethahetse feela. Ha ho letho le leketlang ka Uena, ho hang."

"Le 'meile kae? Ke tla ea mo tsosa."

³⁶⁷ Joale, ha se—ha se, "Ke tla ea bona haeba nka khona, Ke sa tla ea leka, Ke tla sa tla ea bona seo 'Nka se etsang ka eona." Che, ha ho letho le leketlang. "Ke tla ea mo tsosa."

³⁶⁸ Hobaneng? Ntate a se Mo boleletse, 'me O ne a tšoere pallo ea Molimo, e neng e tiile. O ne a tšoere pallo ea Molimo. Hobane, O boletse, ho Johanne 5:19, ha ho thoe, "Mora o sitoa ho etsa letho a 'Notši, haese seo A bonang Ntate a se etsa." A se a bone pono ea seo Molimo o eang ho se etsa, ka hona A khotsoe. Ha ho un-...

³⁶⁹ "Nke ke ka leka. Ke tla ea e etsa." Amen, amen, amen. Oh, ea ka nka E tšoara, joaloka sepako sa botlolo, ka E sothella botebong ba motho e mong le e mong. Uh-hum. Ua bona, ha se "Ke tla ea leka, ke tla ea bona haeba nka khona." "Ke tla ea. Ke tla ea mo tsosa. Nke ke ka leka. Ke tla ea e etsa. Ke tla ea mo tsosa," 'me O e entse. Oh, banna! Ha ho letho le leketlang. Che, che. "Nke ke ka leka. Ke tšoere pallo."

³⁷⁰ 'Me—'me—'me ha A tloha joale, ha A ka a re siea a re, "Be, Ke tla le bolella taba. E-eang bohle ka lefatše lohle le hlophise mekhatlo e meholo. 'Me, oh, le tla thea makholo a 'maloa a eona, feela e tla be e itoketse." Joale, taba eo e ka leketla. Ke se entsoeng ke motho.

³⁷¹ Empa O buile tjena pele A falla, ho kholiseha re sa tl'o thetsoa. O itse, "Ho se ho se hokae, 'me lefatše ha le sa tla Mpona. Bao ke bomosalumele, batho bao bohle ba katiloe ke ho se lumele, ha ba sa tla Mpona le ka mohla. Ha e le lōna le tla Mpona, hoba Ke, Ke, Ke tla ba le lōna, le ka ho lōna, ho isa bofelong ba lefatše."

³⁷² Johanne 14:12, O itse, "Le mesebetsi eo Ke e etsang le lōna le tla e etsa, le tla etsa e meholo ho ena, e mengata." Lentsoe leo mono, ruri, le shebe se-Gerike, se re, "Le etsa e mengata." Hobane hobaneng? Eèna, ke Molimo, o ne a le ho Monna a le mong feela. Joale, Molimo o ka ho Kereke ea Oona eohle. Ua bona? Molimo o be o le ka ho Monna a le mong mohlang oo; batho bohle ba tlang ho lumela ho Eèna joale. "Le tla etsa e mengata ho ena, hobane Ke ea ho Ntate oa Ka. Ke tla khutlela Leseling leo Ke beng Ke le lona, le eteletseng bana ba Israele feelleng. Ke tla fetoha hoo hape. 'Me ho se ho se hokae, 'me Ke tla khutla hape." Ua bona? Johanne 14:12, "Mesebetsi eo Ke e etsang, le tla e etsa le lōna," 'me joale O itse, "le e mengata ho feta ena."

³⁷³ Ho Mareka 16, mohla A fallang, O itse, “E-eang ka lefatše lohle, le bolele babopua bohole Evangeli. Ea lumelang a kolobetsoa o tla bolokeha; ea sa lumeleng o tla tsuoa. ‘Me mehlolo ena e tla...’” Mohlomong? Che. “E tla!” Ke taba e tiileng.

³⁷⁴ “Be, ua tseba, re lumela Taba eo, empa, ehlide, re phela letsatsing le leng,” mokhatlo oa bolumeli o rialo. Taba eo e a leketla.

³⁷⁵ Empa Jesu o itse, “E tla ba joalo, e tla etsoa ruri, e latele ba lumelang.” Ba tla etsa’ng? “Ba tla leleka bademona; ba bue maleme a macha; ba behe bakuli matsoho, ‘me ba tla fola.’” Oh, moena!

³⁷⁶ Ha se, “Bao, mohlomong ba tla etsa sena. Ba—ba ka tšoha ba e fetola ba bopa mokhatlo oa bolumeli ka eona.” Che, che. “Pontšo ena, be, e tla ’ne e be balumeli.” Oh, che. Che, che.

³⁷⁷ “Mehlolo ena e tla, ruri, e tla ba latela.” Esale Molimo o tšoanang. Ha A shoa. Tlaleho ea Mokreste e ka rialo joang ha thoe O tsohile bafung, ebe O latoloa ho ba eèna maobane, kajeno, le ka mehla?

³⁷⁸ Joale ho Mattheu 17. Bohle le batla ho le ngola fatše, Mattheu 17, Mattheu 17:2. Mono lea fumana, holim’ a phetolelo. Joale, haeba u fumana, ha u tšoere lexicon ea se-Gerike, e shebe mono, holim’ a phetolelo. Ho itsoe, “Eaba O a fetoloa.” Ke lumela e le... Ha ke bone haeba ke e tšoere hantle feela, joale, Mattheu 17. Kea tšoere ’ohle ka mona.

’Me matsatsi a tšeletseng ha a fetile Jesu a nka Petrose, Jakobo, le Johanne ngoanabo, ’me a ea le bona kathoko thabeng e telele...

’Me a fetoha pontšeng ho bona:...

³⁷⁹ Joale, na le tseba seo se-Gerike se tlalehileng A se entse? Ho “phetolo” pontšeng ho bona, “O fetotse mokhoa oa Hae.”

³⁸⁰ Oh, re na le nako e kae? [Moena Neville o re, “Letsatsi lohle.” Phutheho e re, “Amen. Letsatsi lohle.”—Mohl.] Mamellang feela—feelaa nakoana e itseng—e itseng—e itseng hanyenyane. Ke tlameha ho kenya sena. Ntho e sa tsoa nkhahlola ka thata, eo ke tlamehang ho e bua feela. Le ntšoarele. Joale, e—e tinara, linaoa li ke ke tsa tlaboha. Le mpe—le mpe le lumelle feela. Ho lokile.

³⁸¹ E sa ntse e le Eèna. Ha A eso fetohe. E sa ntse e le Eèna. Baheberu 13:12 le 13, ho itsoe, “Jesu Kreste eèna maobane, kajeno, le ka mehla.” Joale shebang. Haeba re lumela A tsohile, e tla ba ha A shoa. Ha A lebitleng. O a phela. E sa le Eèna maobane, kajeno, le ka mehla. Le lumela seo, ha ke re? [Phutheho e re, “Amen.”—Mohl.]

³⁸² Be, mona O entse’ng mohla A fetoloang? Se-Gerike se re, “O fetotse mokhoa oa Hae.” Oh, shebang! Shebang tatelano ea

tsoho. Ke sona se nkhahlola nakong eo. Lemohang. Ho hlahile hofe pele? O . . .

³⁸³ Morao mona khaolong e hlahlamang, khaolo ea 16, O ba boleletse, "Ba bang ba teng ho ba emeng mona ba ke keng ba utloa ho shoa ba e-so ho bone 'Muso oa Molimo o e-tla ka Matla.' Ka mantsoe a mang, ba tla etsa'ng? Ba tla bona ponelopele ea 'Muso oa Molimo. Ba tla tseba hlahlamano ea tsoho le ho Tla ha Molimo. Ua bona, khaolong ea 16.

³⁸⁴ Joale mona O nyolohela mono, 'me Eèna, ha etsahala'ng, mokhoa oa Hae oa fetoha. Ka mantsoe a mang, A senoloa ka mokhoa o mong. Lea ntšoara na? [Phutheho e re, "Amen."—Mohl.]

³⁸⁵ Re fumana tšenolo e ne e le eng, bosiu bo bong, koana ho apokalipse, apokalipse e bolelang? 'Metlatšoantšo, se ne se epetsoe tlase mona, a etsa ho hong; 'me seo a se etsang, o mpa a phetla lesira, ho thoe, "Ke seo he."

³⁸⁶ Mona O ne a boela a etsang? O ne a Itšenola ka mokhoa o mong. O ne a le ka ho eng? Maemo a tlotsitsuoeng, a fetotsoeng; Ho Khutla ha Hae, kamoo A tlang ho tla, Kreste ea tlotsitsuoeng, ea fetotsoeng. Ponahalo ea Hae ea phatsima joaloka letsatsi. Banna! Oh! A eme har'a leru; 'me O tla ka maru a khanya. Ho khurumetsoa ke leru; ha se sealuma se se nyenyane se sesoue holimo koana. Empa leru leo A tlang ka lona ke leru la khanya, mangeloi a Hae oohle a na le Eèna. Alleluia! Banna! O tla joalo, ho tla ka leru la khanya.

³⁸⁷ Joale, lemohang, eareha ba 'Mona a eme mono. Le pele ho moo, ho hlahile ho Eèna, Moshe le Elia. Shebang nyee . . .

³⁸⁸ Seo, Moshe o ne a lekanya'ng? Moshe, eèna, o ne a emetse ba shoeleng 'me ba robetse lebitleng, hoba Moshe o shoele a ba a patoа. Ha ho ea tsebang moo a patiloeng teng. Empa o emetse ba neng ba ithobaletse, ho tleng ha Hae.

³⁸⁹ 'Me Elia o emetse ba fetotsoeng ba sa tlameha ho shoa. Ua bona? Ke eona he. Ua bona?

³⁹⁰ 'Me Petrose, Jakobo, le Johanne; ba emela masala ao a Iseraele a emeng mono a ntse a re, "Bonang, ke eo Molimo oa rôna oo re lumetseng ho Oona." Bao ke likete tse lekholo le mashome a mane a metso e mene. (U kae, Moena Wood? Ke eona.) Ua bona? Ke moo he. Petrose, Jakobo, le Johanne; ba bararõ, ke paki, ea mohla A tlang ho khutla.

³⁹¹ Ntho ea pele e ne e le efe? Tsoho, Moshe le (lekopanyi) Elia ba Mo hlahela. Ua bona? Tsoho ea bafu, le bao ba sa tlamehang ho shoa, ba fetoloa, 'me ba eme mono ka pel'a Sefahleho sa Hae. Oh, banna! 'Me O ne a eme mono, a tlotsitsoee.

³⁹² 'Me ho le Petrose, Jakobo, le Johanne; masala a ba-Juda, a shebileng, a re, "Ke Eèna. Ke Eèna." Ke eona hlahlamano ea ho

Khutla ha Morena. Lea bona? Ke eo, tsoho. E ne e le bao. Oh, na ha e babatsehe? [Phutheho e arabela, “Amen.”—Mohl.]

³⁹³ Joale lemohang, seo A se entseng feela, O tlositse maseke oa Hae oa botho le ho kena boemong ba tlotsiso. Ua bona? A fetola mokhoa oa Hae.

³⁹⁴ Joale, ha se—ha se batho ba bararō, kamoo ba lekang ho bolela kajeno, mekhatlo ea malumeli. Oh, moena! Ha se batho ba bararō, ha ba bararō. Phethoho! Ha se batho ba bararō, empa liphethoho tse tharō tsa Motho a le mong. Oh, banna! Jo ’na! Ka mohla o mong, O hlahile e le Ntate; A hlobola maseke, E ne e le Mora; joale O hlobola maseke oa nama, ’me Ke Moea o Halalelang. Ha se melimo e merarō; liphethoho tse tharō tsa Molimo o le mong. Oh, ho bokoe Lebitso la Morena! Liphethoho tse tharō tsa Motho a le mong. Ua bona?

³⁹⁵ Joale, mehleng ea Hae lefatšeng, E ne e le Topallo ea Mollo, e eteletseng bana ba Israele. Na e lokile? [Phutheho e re, “Amen.”—Mohl.] Eaba O etsoa nama, ho Mora oa Molimo, ho latsoa lefu bakeng sa morabe oohle oa motho, ho hlahisa phekolo. Na le lumela seo? [“Amen.”] Joale kajeno Ke eng? Eèna Jesu eo. Eèna (eng?) maobane, lekhatheng la Ntate; eèna lekhatheng la Mora; eèna ka sebopeho sa Moea o Halalelang, lona Leseli leo.

³⁹⁶ Pauluse, tseleng ea hae ea Damaseka, o otliroe ke Leseli. ’Me ha thoe, “U Mang, Morena?”

Ha thoe, “Ke ’na Jesu.” Uh-huh. Ke hantle.

³⁹⁷ Ke eng? O hlobotse maseke oa Hae hararō.

³⁹⁸ Ho hlobola maseke oa Hae, ho tsoa ho Topallo ea Mollo, le ho fetoha (eng?) Monna, ho tlosa sebe.

³⁹⁹ Eaba O hlobola maseke oa Hae, joaloka Monna, le ho khutlela hape ho ba Moea, o bitsoang Moea o Halalelang; Seriti sa Monna, ho khutla le ho lula holim’ a hao, le ka ho uena, le ka eona mesebetsi eo. Hum! Na lea e bona, kereke? [Phutheho e re, “Amen.”—Mohl.] Ha ho letho le leketlang ka taba eo. “Mesebetsi eo Kee etsang, le lôna le tla e etsa. Hoba Ke tla ba le lôna, le ka ho lôna, ho isa pheletsong . . . ? . . . bofelo ba lefatše, bofelo ba nako, bofelo ba lintho tsohle. Ke tla ba lôna hantle, ho etsa mesebetsi e tšoanang.” Joale, ha ho letho le leketlang ka hoo.

⁴⁰⁰ Empa u utloa motho a re, “Be, u tlameha ho ba Presbeteriene. U tlameha ho ba Methodise. U . . . Rôna ma-Baptise re na le Eona. Rôna ma-Pentekosta re na le Oona.” E fosahetse kaofela. Ke mashano ao. E a leketla. Ma-Pentekosta a ka ba le Oona joang, mokhatlo oa bolumeli ba Pentekosta, athe mekhatlo ea bona e fapane e ka ba mashome a mararō? Ebe Ke ofe? Ma-Methodise a ka ba le Oona joang, athe ho fumanoa ea Sekhaleng, le Free Methodise, le ma-Methodise atisa ka ma-Methodise atisa ka ma-Methodise? Le mashome a tšeletseng le manamane, kea kholoa,

a mekhatlo e fapaneng ea mekhatlo ea ma-Baptise, le mekhatlo e mengata hakale e fapaneng ea ma-Katolike, le joalo. Bohle ba kae? Ebe Oona ke ofe? Ke molumo o sa khethoeng oo.

⁴⁰¹ Empa ha u Mo utloa, “Ke ’na maobane, kajeno, le ka mehla,” oo ke Molumo o tiileng.

⁴⁰² Ha ho le joalo ke mang ea ka tsebang ho itokisa ha terompeta e hlahisa molumo o sa khethoeng? Ke eng? Khonahalo e kae, ba ka khona joang? A ka e khona joang, athe mekhatlo e fapanne e le makholo a robong? Ho likile. U ke ke ua khona.

⁴⁰³ Mohla A ne a bolela ho Liketso 2:38, “Bakang, e mong le e mong oa lōna, le kolobeletsoe ka Lebitso la Jesu Kreste tšoarelong ea libe tsa lōna,” ha ho letho le leketlang ka Hoo, “le tla fuoa neo ea Moea o Halalelang.” Ha se “mohlomong le tla fuoa; ekaba le tlamehile.” Empa, “Le tla etsoa joalo.” Neng? Mohla le bakileng. Joale, u ka kena teng u sa baka, ’me u ke ke ua O fumana. Empa ha u baka ka botlalo ’me u lumela ho Morena Jesu Kreste, u tla O fumana. Ha ho letho le leketlang. “Le tla fuoa neo ea Moea o Halalelang.” Na ho joalo? [Phutheho e re, “Amen.”—Mohl.]

⁴⁰⁴ Mohla A neng a re, “Ha ba bea bakuli matsoho, ba tla fola. Sohle eo le se kōpang ka Lebitso la Ka, Ke tla se etsa.” Ha ho letho le leketlang. Le tpile. Mehlo ena, “Ke tla ba le lōna.”

⁴⁰⁵ Joale u re, “Be, kereke ea rōna ha e lumele lintho tse joalo.” Be, ke molumo o leketlang feela.

⁴⁰⁶ Bibele e rialo. O boletse, ka Sebele, “Ke tla ba le lōna. ’Me mesebetsi eo Nkileng ka e etsa, Ke tla e etsa ka mehla ka ho lōna; ’me ke be le lōna, ho fihlisa koana bofelong ba lefatše. ’Me ba lumelang ho ’Na, etlare ha ba ba bea matsoho, ha ba kula, ba tla fola. Ba tla e etsa.” Ha se “mohlomong ba tla e etsa.”

⁴⁰⁷ “Jones o khonne, empa Johnson ha a khona.” Ha e amane le eona ka letho. Efèla ha Johnson a lumetse joaloka Jones, a ka be a folile, le eëna. Na e joalo? [Phutheho e re, “Amen.”—Mohl.]

⁴⁰⁸ Ha ho letho le leketlang. Ha ho letho le leketlang. “Ea tlang ho ’Na, Nke ke ka mo lahlela kantle.” Ha ho letho le leketlang.

⁴⁰⁹ “Be, joale, A ka tšoha a sa nkamohèle.” Oh, uena mofutsana tooe ea thetsitsoeng!

⁴¹⁰ Mamela. E re ke u bolelle, joaloka mohlanka oa Hae. Ha ho ea ka tlang ho Eëna A sa mo amohele. “Leha libe tsa lōna li ka ba khubelu joaloka sekarelata, li tla soeufala joaloka lehloa.” Ha ho letho le leketlang, “Ke tla tšoarela karolo ea tsona, haeba u entse sena; ’me u entse sane, Ke tla u balla sona.” “Li tla soeufala joaloka lehloa.”

⁴¹¹ “Be, A ke ke a ntšoarela seo ke se entseng monna oa ka, seo ke se entseng mohatsa ka, seo ke se entseng khaitseli ea ka, seo ke se entseng moena oa ka, seo ke se entseng.”

⁴¹² Ha ke tsotelle seo u se entseng. Ha ho letho le leketlang. O tla tšoarela sohle. “Leha li le khubelu joaloka krimsons, li tla soeufala joaloka boea.” Ha ho letho le leketlang.

⁴¹³ “Bakang, le kolobetsoe, e mong le e mong oa lōna, ka Lebitso la Jesu Kreste, tšoareleng ea libe, le tla amohela neo ea Moea o Halalelang. Pallo e etselitsoe lōna, bana ba lōna, ba leng hole kaofela,” joale shebang joale, shebang, lōna batriniti ba hlah, “esita le bao Morena Molimo oa rōna a tla ba bitsa.” Lengolo lona lena la ngaka, le tla sebetsa ho o mong le o mong gen- . . .

⁴¹⁴ Ha se, “E ka etsa joalo. E tla—e tla fetoha, ka mora nakoana, e be ‘Ntate, Mora, le Moea o Halalelang.’” Uena moruti oa mofutsana ea thetsitsoeng.

⁴¹⁵ Molimo a ke ke a fetoha. O hloka pheletso. Lengolo la ngaka le sebetsa nako tsohle, u tlameha ho Le sebelisa ka tšoanelo. E, monghali! Joale, “Bakang, le kolobeletsoe ka Lebitso la Jesu Kreste tšoareleng ea libe tsa lōna, le tla amohela Moea o Halalelang. Hobane O . . .”

Eng? Lengolo lena la ngaka, kolobetso ena, kolobetso ea sebopeho sena, Moea o Halalelang ona, Matla ona ana! Ha se ho tsukutla matsoho feela, ho re, “Ke tla phetla lehlaku le lecha ke phele hantle ho feta.” Che, monghali! “Le tla fuoa neo ea Moea o Halalelang. ’Me Matla a Molimo a theohelang holim’ a hao, a fetola litsela tsa hao, a bua ka lipuo, ho beha bakuli matsoho, ho leleka batemona, ho etsa joaloka bao.”

Bakeng sa ba bakae? Nako e kae?

⁴¹⁶ “Ho fihla pheletsong ea barutuoa.” U moporofeta oa bohata ha u rialo. U mosuoe oa bohata ha u rialo.

⁴¹⁷ Hoba, “Jesu Kreste,” Bibebe e a re ruta, “Ke eēna maobane, kajeno, le ka mehla.” ’Me baapostola ba buile mona, ha thoe, “Pallo e etselitsoe lōna, le bana ba lōna, le ho ba leng hole kaofela ha lōna, esita . . .” E pheteng le ’na ’moho. [Moena Branham le phutheho ba qetella Liketso 2:39 ba le ntsoe leng—Mohl.] “. . . esita le bao Morena Molimo oa rōna a tlang ho ba bitsa.” Ba bakae? Mongoaha o mong le o mong, moloko o mong le o mong, ’mala o mong le o mong, tumeloana e ’ngoe le e ’ngoe, ntho efe le efe e leng teng, bao Molimo a tlang ho ba bitsa. ’Me ha Molimo a u bitsa, A u laela ho kolobetsoa ka Lebitso la Jesu Kreste, le ho amohela Moea o Halalelang, ke moo Kreste ka Seqo a phelang ka ho uena. ’Me ha ho molumo o leketlang, ha ho letho le leketang ho Eona. U tšoere Bibebe. Oh, u eme holim’ a Eona. U ka pela ka Eona. U ka shoa ka Eona. U tla tsoha ka Eona. Thoriso! Ke Lentsoe la Molimo. Shuu! Banna!

⁴¹⁸ Joaloka Rebeka ea tšelletseng kamele, eona kamele eo a e tšelletseng, o e palame, ho mo khahlanyetsa, monyaluo. Oona Molimo oo re o bolelang, lona Lentsoe leo e leng Molimo, oona Molimo o Lentsoeng, o tla re tsosa tsatsi le leng, ka kolobetso ea Moea o Halalelang. ’Me basomi ba rōna ba tla bolaoa ke

oon Matla a u isang Khanyeng. Oh, banna! Le phahame 'me le A kalle.

Lōna batho ba kulang, le se ke la belaela Molimo.

⁴¹⁹ Na ebe Leo le bao... Ha ke tsebe haeba... Na ebe u abile litlankana life tsa thapelo? Na ho abiloe litlankana life tsa thapelo? Billy ha a fihla hoseng hona. O—o ile a tšoaroa ke sefuba, maobane. 'Me o—o... Ho lokile. Joale ke'ng? Re—re ke ke ra se hloka. Ha re se hloke. Mamelang.

⁴²⁰ Na le lumela seo ke se rerileng e le 'Nete? [Phutheho e re, "Amen."—Mohl.] Na le lumela ka pelō eohle ea lōna? ["Amen."] Na ke Molumo o tsitsitseng ho lōna? ["Amen."]

⁴²¹ Taba ena e utloahala joang? Thomo ea pele eo Jesu a e neileng, Mattheu 10, Kereke ea Hae, "E-eang ke hona, 'me ena..." 'Me ke ntse ke sa E bale. Ke E qotsa feela, Mattheu 10. Nka E fumana mona. "Eare ha A bileyitse baapostola ba Hae ba leshome le metso e 'meli 'moho, a ba nea matla a ho hlōla mee a e litšila, ho e lahlela ntle, ho folisa ba kulang, le ho tsosa bafu, le ho lahlela bademonia ntle, le ho phekola lepera." Na ho joalo? [Phutheho e re, "Amen."—Mohl.] Ho etsa hore batho ba e lumele, le ho ba Bea matsoho. Ho etsa hore batho ba e lumele, ho ba Bea matsoho. Na ebe e ne e le thomo ea Hae mohla A romang ba Hae ba mashome a supileng? ["Amen."]

⁴²² Thomo ea Hae ho qetela ke efe? Mareka 16, Mantsoe a ho qetela a oeleng melomong ea Morena oa rōna, mohla A romang Kereke ea Hae. "E-eang ka lefatše lohle, le boelle 'mopuo a e mong le e mong Evangelii. Ea lumelang a kolobetsoa o tla bolokeha. Ea sa lumeleng o tla tsuoa."

⁴²³ Joale le hopole, "A ka tšoha a tsuoa? A ka tšoha a fuoa monyetla?" A ke ke a fuoa monyetla ofe oa lefatše. Ha ho molumo oa letho o leketlang ka Taba eo. Haeba a sa lumele, o tla tsuoa.

⁴²⁴ Joale ba tla saloa morao ke lipontšo tsa mofuta mong? Mehlolo ena, "Be, e tla latela ba bang; e ka tšoha e ba latela; mohlomong e tla ba latela?" Mehlolo ena e tla ba latela. Ba tla lumela pholiso. Ba tla lumela ho lelekla bademonia. Ba tla lumela ho bua ka puo. Oh, ba tla lumela mesebetsi eohle ea Molimo e ka holim'a tlholeho, Jesu ea tsohileng o tla sebetsa le bona. Na ebe ke 'Nete? [Phutheho e re, "Amen."—Mohl] Na ebe leo ke Lentsoe la Molimo la ho qetela? ["Amen."] Ka hona ho rohakoe mang le mang ea lekang ho le ekeletska, kapa ho fokotsa ho lōna. Le lutse ka mokhoa oa Lona feela, ka mokhoa oa Lona.

⁴²⁵ Na Kereke ea pentekosta e ne e le Kereke e lerata, morao qalang mohla Moea o Halalelang o tšolohang la ho qala? [Phutheho e re, "Amen."—Mohl.] Movirigo Maria, ea ka re o tahiloe, a reketla tlas'a Matla a Molimo, le bao bohe ka mokhoa oo. 'Me batho ba itse, "Ba khotše veine e tsoai." Kereke e ne e tlotsoe joalo. Kereke e 'ngoe le e 'ngoe e tlotsoa joalo. Nako le

nako ha Molimo o fumana Kereke, e tla ba Kereke ea mofuta oo hobane ha E a tšoara molumo oa letho o leketlang.

“Be! Be, bishopo oa rōna o itse . . .”

⁴²⁶ Ha ke tsotelle seo bishopo a se buang. Seo Lentsoe le se buileng! Ua bona? Bishopo o tšoere molumo o leketlang. Ha molumo oa hae o lla joaloka Oona, o itoketse. ’Me ha kereke e sa itšoare joaloka ha e entse, ka mokhoa oo, o fosahetse. Ha u ipolela u O fumane, feela u sa itšoara ka mokhoa oo, e tla ba phoso e teng ka uena. Hobane, ke seo E se buileng hantle, “E mong le e mong.” Sheba, holim’ a . . . Ka morao, o theohetse tlung . . .

⁴²⁷ Filipi o ne a theohe, ho ea bolella Basamaria. A ba bea matsoho, Pauluse a theoha kapa . . . Petrose a theoha, a ba bea matsoho. Ba amohela Moea o Halalelang, ho etsa tseo ba li entseng qalong.

⁴²⁸ Ho nyolohela, tlung ha Kornele, teng ho phuthehile ba-Lichaba ba mefuta mone, ba-Gerike, le ba joalo. Ho ba bea matsoho, eaba ba amohela Moea o Halalelang joalo ka bao qalong.

⁴²⁹ Ha nke ke le bolelle taba. ’Na ke mishinari, ua tseba, joalo ka . . . Joale, ke lumela mishinari e le motho ea tlohang ’me a khutla. Ke mishinari eo. Haeba u ea teng ho lula, ba e bitsa mishinari; empa ke oa-hae, u mpa u fetotse lehae la hao feela. Ua bona? Eo ha se mishinari. Mishinari, ke . . . Pauluse e ne e le mishinari; o ne a sa lule. U lutse a falla, a falla, a falla, mishinari. A sa fetole leaho; ho lula a falla, a mishinari.

⁴³⁰ Joale, tšimong ea mishinari, ke tla le bolella, ha u kena tlase e—e mabatooeng a hare a Afrika, tlase ho fihla ho moroa e monyenyanee oa khale. Ba sa tsebe haeba e le batho kapa che, ka nako e telele. ’Muso oa Borithani, mohla ba hapang Afrika Boroa, ha u kena likhoeng ’me teng ho be . . . U bona lihlahla, “burrr,” ho tsukutleha e ka sehlopha sa limanki; ha u ho qamaka, ha ho letho. Ha u re pha, ntho e bitoha tlas’ a lehlabathe, u bona hlohoana e ntšo e ntse e thalatsa. Ua bona? O ne a ipatite tlas’ a lehlabathe, o ile a matla a ikhatumetsa ka lehlabathe, ka potlako. Ba ne ba sa mo nke e le . . . Ba ne ba mo nka e le liphoofofo, ka nako e telele. Empa lea tseba ba ba fumane e le—e le batho? Ba ruile lintja. ’Me ntja ha e phele le letho le sele haese motho. Ua bona? ’Me ba ba fumane e le batho.

⁴³¹ Ha u nka e mong oa mathaka ao, ua nka e mong oa—oa Basotho, Machangana, Maqhsa, le morabe ofe ho eo, ha ba tsebe ho khetha letsoho le letona ho le letše hali, ka mehla ke ntho e ’ngoe, “blaw, blaw, blu,” ua tseba, ba bua joalo. Le basali ba tsotseng, banna, le bohle. Kea tla u bolella seo u se etsang. E re Moea o Halalelang o tšolehele holim’ a hae, ’me u tla itšoara joaloka lōna mona ha Moea o Halalelang o tšolohela holim’ a lōna. Ha ho molumo oa letho o leketang ka Eona. Ha a eso utloe

ntho e kang ho bua ka lipuo, bophelong ba hae, 'me, sheba, ke enoa o bua le uena ka lipuo.

⁴³² Empa mofetoleli o eme mona, thaka lena le eme mono le re, "Blaw? (Na u batla ho pholosoa?)"

"Blaw-luh. (Yaa.)"

"Ana motho o teng holimō mono . . . (Ah-blaw, blaw, blaw?)"

"Phahamisa matsoho a hao u E amohele. (Ah-blaw.)"

⁴³³ Be, be, oh, banna! Ke enoa a tloha, a bua ka lipuo; a eso utloele ka Eona, a sa tsebe letho ka Eona. Ha ho molumo o leketlang ka taba eo. Eo ke Jesu Kreste maobane, kajeno, le ka mehla. Mo behe leihlo. O tla kena hantle merabeng 'me a rapelle bakuli. Ha u a tlameha ho 'molella.

⁴³⁴ 'Me rōna basali ba ma-Amerika, lōna litho tsa kereke. Ha ke bue hakaalo, ka lōna mona. Taba ena e a hatisoa, lea tseba. Lōna litho tsa kereke, le tenneng lishotso ntle mono, le itšoere ka mokhoa oa lōna. Selemo le selemo le khaola lethoana, joale tena lishotso, e nto ba lishotso tsa shotso, 'me e ntano ba lishotso tsa shotso ka lishotso tsa shotso, le tsohle ka mokhoa oo. Be, uena setho se thetsitsoeng sa kereke, u mobe ho feta bao koana Afrika; mohla basali bao ba neng ba eme mono mohlang oo, mohla likete tse mashome a mararō li amohela Kreste joalo Mopholosi oa bona, hang ka nako. 'Me lōna le bina lik'hoaereng, le tena lishotso ka jareteng, le hela joang, le kena setsing sa toropo. Le babe ho ba feta. Le tla . . . Ba tla ema ka Letsatsi la Kahlolo ba le hlabise lihlong.

⁴³⁵ Ke bone basali ba eme mono, ba hlobotse, ba sa apara letho haese sefaha ka pel'a bona joalo. Le holimō lithong tsa bona mona, litho tsa bona—tsa bona tsa matsoele, ho letho ho hang. Ho tlanngoe leratsoana, le ka etsang li-inchi tse hlano kapa tse tšeletseng, e—e nthoana e lethekeng la bona joalo, e leketlile ka pel'a bona. 'Me banna, le bona, ba eme mono ba le posho. Ba sa tsebe letsoho le letona ho le letšeħali. 'Me hang ha Matla a Moea o Halalelang a fihla, basali bao ba phutha liphaka tsa bona; 'me ho se letho ho sira sefuba sa bona; ba phutha liphaka tsa bona, ka lihlong, me ba tloha ba tsamaea. 'Me tsatsi le hlahlamang ba apere liaparo. Alleluia! Ha ho—ha ho—ha ho letho le leketlang tabeng eo.

⁴³⁶ Moea o Halalelang o a u apesa liaparo. U tla . . . Ho u thusa ho itšoara ka boitlhopho. Ha ho letho le leketlang mono. Na ha le batle Eēna? Na le ke ke la batla ho Mo sebeletsa joalo, Morena Jesu? Ho suthela hole le melumo ena e leketlang.

⁴³⁷ Oh, u nthoana e tummeng, yaa, u itokisitse ka hohle, le ntho eohle. U nahana hore u tumme. Empa, moratuaoa, u a shoa. U nahana hore u a phela, athe u a shoa. Bibele e boletse, "Mosali ea phelang menyakeng, o shoele leha a phela." Bibele e itsalo. Oo

ha se molumo o leketlang. Ha thoe, “O shoele.” Ke hantle. Ha ho molumo o leketlang ka Eona. E tiile, moena.

⁴³⁸ Molimo ke Molimo o halalelang. ’Me motho ha a tsoetsoe ke Moea o Halalelang, ke—ke nkhetheng. Ha se hoo feela, empa ke khosi, ke khosana. O tsoa Sechabeng se seng. ’Muso oa hae o Holimō. O tletse Matla a Molimo, Boteng ba Molimo. Mosali ea etsang joalo, o apara liaparo. Monna o phela ka boitlhompho le ka ho tšepeha ho mohats’ae. Mosali o phela ka ho tšepeha le ka boitlhompho ho mohats’ae. Ha ba batle letho la lefatše. Litabatabelo tsa bona li theiloe linthong tsa Holimō. Ba qetile ka lintho tsa lefatše. Ke libopuaoa tse ncha ho Kreste. ’Me ba halalela, ba phela eona; ha se bona ba halalelang, empa ba busoa ke Moea o Halalelang. Ha ba sebelise mohopolo oa bona. Ba susumetsoa ke Moea o Halalelang. Lebaka leo ba itšoarang bohlanya, nq’ a batho ba lefatše, hobane ba susumetsoa ke—ke Moea oa ’Muso o mong.

⁴³⁹ Oh, ke e tseba e le joalo, motsoalle. Ke na be ke lahlehile, joale ke fumanoe. Ke foufetse nq’ a lintho tseo, joale kea bona. Mohau o rutile pelō ea ka tšabo. Mohau o imolotse matsoalo a ka. Mohau o theko-thata mohlang ke lumetseng, mohla ke tlang ho Kreste!

⁴⁴⁰ Joale ho koaleng. Molemong oa pholoso le pholiso ’moho, ha ke bue mantsoe ana motsotso feelsa.

⁴⁴¹ Paul Rader e ne e le motsoalle oa ka. Ke mo tsebile nakoana feelsa. Ke le moshanyana feelsa, ea lutseng maotong a hae; e le moreri oa senatla ea shoeleng nakoana e fetileng mona California. ’Me mohla ho shoa ha hae... A tšeroe ke mofetše, a shoela ntle mona California. Ke tabernakele eo joale O. L. Jaggers a e tšoereng, o ne a e hlomme holimō mono. Ntho ea khale... Feela, ke lebala lebitso la eona la mohlang oo, empa hona joale ke World church. Tabernakele ea khale ea Paul Rader, e le holimō koana thoko le Eldorado Street, ha u nyoloha o e toba, o tšeleta tempeleng ea McPherson, ka nq’ ane ho setša sa paka mona. Joale, ’me mehleng ea boalosi ba Paul Rader mono, ba ile ba tsoela teng, ’me eare ha a...

⁴⁴² Pele a eshoa, a bea matsoho a hae holim’ a lehetla la moena, eèna ke mo tseba hantle haholo, ke motsoalle oa Ern Baxter, le ho re, “Hola ka nka molaetsa oa ka oa mohau ka u rekisetsa ma-Pentekosta a chesang tlere, sebakeng sa ho ithara le sehlopha sa lōna ma-Baptise, nka be ke phela kajeno. Empa,” a re, “le ntoutisitse ho toutes, ’me ke katlehile, ke hlamehtsoe lefito, ebile joale kea shoa.”

⁴⁴³ Eare a sa robetse phaposing mono, ba koala e—e masira le lintho, ba eme mono, ba bina, *Haufi Molimo Oa Ka, Haufi, Le Uena*. E le motho oa ho qabola tjena. A re, “Ho shoa mang, ’na kapa lōna? Ekare ho shoa lōna ho feta ’na,” a re. A re, “Le se ke la etsa joalo. Mpineleng lifela tse mahlahahlaha, tsa Evangel.”

Eaba k'hotete e tsoang Moody Bible Institute e phokola *Moloki Oa Ka O Shoetse Tlase Sefapanong*. A re, “Seo se betere. Ho bokoe Molimo!”

⁴⁴⁴ Ho re, “Luka o kae?” ’Me Luka le Paul ba ne ba khomarelane, joalo ka ’na le Billy, mora oa ka. E ne e le baena, ’me ba khomarelane. Ho re, “Luka o kae?” ’Feela Luka a sa batle ho bona moena oa hae a shoa, a le phaposing e latelang mono kokelong. A re, “Mo lateng, le re a tle koano.”

⁴⁴⁵ Eitse ha a fihla pel’ a Paul, Paul a mo nanabela a mo tšoara ka letsoho. ’Me Luka a leka ho sokolla hlooho ea hae. A re, “Luka, re fetile lintoa tse ngata tse thata ’moho. Ha ke re, moena?”

⁴⁴⁶ Ho re, “E, re entse joalo. Lilemong tsena tsohle, re ile ra semella, moena. Ke hantle, lintoa li le ngata li le boima.”

⁴⁴⁷ Empa a re, “Luka, ak’o e nahane. Metsotsong e mehlano ho tloha joale, ke tla be ke eme ka pel’ a Sefahleho sa Jesu Kreste, ke apere ho loka ha Hae.” A tiisa letsoho la moena oa hae, eaba o a shoa. Ha ho letho le leketlang mono. O tsebile mokhoa oa hae oa ho falla. O tsebile. O ne a kolobelitsoe ka Moea o Halalelang, Matla a Molimo a ahile bophelong ba hae.

⁴⁴⁸ E ne e le ralikoqo, a rema lifate le lintho.

Le ho re . . .

⁴⁴⁹ E ne e boetse, e le misinari, joalo ka ’na ha ke parola maoatle. ’Me eëna le Luka, le bao, ba le tlase koana sehlekehlekeng, eaba ba tšoasetsoa ke feberu ea blackwater. Mang feela ea e tsebang, ke lefu la ho panya ha leihlo. Ehlide e a nyarosa. Ka hona, a tšoasetsoa ke feberu ea blackwater. E le motšeо koana likhoeng, mono ha ho letho. Eëna le mohats’ae ea ratehang mono. Le tseba kamoo a itseng . . . Ke le thetetse pale, kamoo a buileng, “Khetlo la ho qetela, o ne a kentse maikutlo ho eona, mohla a mo akang a mo tsamaisa hantle.” ’Me ka hona ba le motšeо koo. ’Me ha etsahala, ha eketsa ho fifala, le ho eketsa ho fifala ka phaposing, a re o tsebile hobane o a tsamaea, kapa a hopotse joalo.

⁴⁵⁰ A bolella mohats’ae, ho re, “Moratuoа, ho eketsa ho fifala ka mona.” Ho re, “Kea shoa.”

⁴⁵¹ ’Me a re, “Oh, Paul. Paul.” ’Me a itiha ka sefahleho a qala a lla.

⁴⁵² Ho re, “Moratuoа, ’n’o lle. E re ke . . . ’N’o lle ho Molimo, e re ke utloе lentsoe la hao. E re motho e mong a rapele. Ha ke sa khona ho rapela hape.” Ho re, “E re ke sa shoa, ke batla ho e utloа.”

⁴⁵³ ’Me a lula a lla ho Molimo, “Oho Molimo, se mo lese a shoa. Mosebetsi oa hae ha o e-so fele. E re . . .” Ho lla, “Oho Molimo, se lese Paul a shoa hle.” A robetse holim’ a hae, ka mokhoa oo.

⁴⁵⁴ Ha eketsa ha fifala le ho eketsa ho fifala. Ho re, “Lerato la ka, ho ntse ho fifala ho feta le ho fifala ho feta, le ho fifala ho feta le ho fifala ho feta.”

⁴⁵⁵ Qetellong, a khaoha. A re, “Eare ha ke khaoha, ka lora ke boetse ke le mohlankana.” Ho re, “Ke ne ke le holimō morung,” holimō koana Oregon moo a tsoang teng. Ho re, “Ke ne ke remme sefate. Mong’ a a buile, a ntaetse, ‘Nyoloha leralla, Paul, ke batla u nremele sefate se itseng, le tse kana, re tlameha ho ratha patsi e itseng.”

⁴⁵⁶ ’Me a re o itse, “Ho lokile, mong’ a ka.” ’Me o itse a ka li fofonela, monko o mocha oo; a thabile haholo. A re o ne a matha har’ a moru joalo. ’Me a tšoara selepe sa hae, a re o utlolile ha selepe seo sa khale se loma phaene e bonolo eo ea khale, lea tseba, phaene eo ea Oregon. Le ho re, eitse ha se kena ka mono . . . Lea tseba, tlase Boroa, ba tšoere sefate sona seo, se thata haholo. Ha u nyolohela, holimō Leboea, u eketsa mohatsela, patsi e eketsa ho nolofala. A re a khona ho fumana . . . A re eaba o tšoara selepe sa hae, a parola, ka biti eo e mahlakore a mabeli, a se khorola makala ’ohle. A re a sunya selepe mono, ho re, “Be, ke tla lepela leralla ka sona.”

⁴⁵⁷ A se qotsa, o ipoletse a sitiloe ho se phahamisa. Ha a khona ho se phahamisa feela. A re o lekile a ba a leka. A re a hopola hobane mesifa e khabane ea monna e mokokotlong oa hae. A re eaba o notlela mangole ’moho, a tle a se fafohe, eaba o inamoloha a se qotsa. A notlela mangole a hae, litšika tse ka morao ho meomo, holimō mona, letšufu la moomo, liphaka tsa hae, ka mokokotlong, a ikeka ka mosifa ’ohle oa hae. ’Me a re o hutse, a ba a hula, feela a sa e khone. A re a hula ka falese feela, ho fihlela a leka a bile a leka. Ho re, “Ke tlameha ho theolela sekoqo sena mane. Ke tlamehile feela. Mong’ a ka o se laetse tlase mane. Ke tlameha ho se fihlisa mono. Khele,” ho re, “ka tloaelo . . . ha ke tsebe moo matla a ka ’ohle a monyetseng teng. Ka hona, ka tloaelo nka se hloesa lehetleng ka tsamaea le sona,” ho re, “empa ha ke khone ho se qotsa feela.” Le ho leka, ’me a leka, ’me a leka. A re a mpa a hloloa feela. A mpa a iqeta matla.

⁴⁵⁸ O re a oela fatše pel’ a sefate. A re. “Huh, huh, huh! Ka sehlela ka ba ka sehlela. Ka sehlela ka ba ka sehlela, ho fihlela ke sa khone ho tsoela pejana. ’Me ke . . . Ke tlameha ho theolela sekoqo seo mane, feela ha ke tsebe joang. Ha ke khone ho se phahamisa.” Ho re, o ne a lutse mono feela, eaba o re, “Ha ke tsebe feela seo nka se etsang.”

⁴⁵⁹ A re o utloile Kolu ea Hae, ea Mong’ a hae, a re, “Paul,” o e tlalehile e le Kolu e mosa ho fetisa a kileng a e utloa.

⁴⁶⁰ Le ho re, “Ha ke retoloha ho sheba,” ho re, “ke ha e se mong’ a ka, empa e le Mong’ a ka oa sebele.” Ho re, “E ne e le Jesu.”

⁴⁶¹ A re, “U hulelang ka falese hakana, Paul?” Ha thoe, “Na u bona molapo o phallang tlase mane?” Ha thoe, “Molapo oo o phalla o feta pel’ a liahelo hantle.” Ha thoe, “Hobane’ng u sa se thethele ka metsing oa se kalla, ua theoha?”

⁴⁶² A re eaba o qotsa sekoqo a se thethela ka metsing, a se kalla; 'me a tšela maqhubunyana ao, a hooelelitse 'me a hlabile litlatse, ha thoe, "Ke se kaletse. Ke se kaletse."

⁴⁶³ 'Me ha thoe, ha a re pha, ka phaposing, mohats'ae o ne a robetse holim'a hae, a rapela; a qhomela bohareng ba mokato, a hooelelitse, "Ke se kaletse. Ke se kaletse."

⁴⁶⁴ Moena, e re ke u bolela taba hoseng hona. U se ke ua e sebeletsa ka thata. Ha ke leke ho e sebeletsa ka thata. Se tla u khathatsa matla, morao le pele. "Na ke mo-Methodise? Ke mo-Baptise? Na ke sena." Ke amohetse Jesu feela. Ke nkile pallo ea Hae, ka mohau. O tlie ho 'na, 'me ke E kalletse. Ha ke tsotelle se hlhang, kapa se fallang, ke makhetlo a makae re bitsoa "lehlanya, kapa sethoto."

⁴⁶⁵ Mabapi le pholiso ea hao hoseng hona, ha re rapeletsoe. Ha re sa tla fumana nako joale, e nanarela hora ea pele, bakeng sa mola oa temoho ea moea. Re tlil'o rapella ba kulang, le ho fumana . . . le-le ho rapella e mong le e mong mona. Jesu o boletse, "Mehlololo e tla tsamaea le ba lumelang ke eona ena." Na ho joalo? [Phutheho e re, "Amen." —Mohl.] "Ekare ha ba be aba kulang matsoho, ba tla fola." Na ho joalo? ["Amen."] Ke e kaletse. Na u ikemiselitse ho E kalla? ["Amen."]

Ha re inamiseng lihlooho tsa rōna nakoana feela.

⁴⁶⁶ Molimo oa mehauhelio. Oh, matsatsi ana a ho qetela, mohla lihora li fifalang, kereke e ikhari le ho pota Lentsoe. Ba ile le methati ea mekhatlo ea malumeli. 'Me ba e tseba e sa loka, Morena. Ba mpe khaotse ho Le sotha. Ho ka ba le batho mona, hoseng hona, ba tlohileng kerekeng ho ea kerekeng. Khetlo le leng ba le ka ho Methodise, ea eba Baptise, ea eba Pentekosta, ea eba Church of God, ea eba Nazarene. Oho Molimo, ba ke ba khaotse ho etsa joalo.

⁴⁶⁷ Ba mpe ba tle feela, ba kalle tšepiso hoseng hona, Morena; ho phomola feela, ho nka Molimo pallong ea Oona, mohlang oo O itse, "Ha le baka, le kolobeletsoa ka Lebitso la Jesu Kreste tšoareleng ea libe tsa lōna, le tla amohela neo ea Moea o Halalelang." Molimo, ba abele ho kalla tšepiso eo feela, hoseng hona, ho itihela leoatleng la ho loka ha Oona feela, mafafatsane a Bophelo ba ka mehla, Metsi a Moea. Aba sena, Morena.

⁴⁶⁸ E re Moea o Halalelang, o mathang, o phalla, o le mocha, hantle pel'a monyako oa bona joale, ba ke ba kene Molapong, tšepisong Molimo, le ho re, "Morena, ke E kalletse. Ke 'na enoa kea tla. Ke E kalletse."

⁴⁶⁹ Ba kulang le ba jeoang ke maloetse, ba kulang joale 'me ba sa tsebe seo ba ka se etsang; lingaka li ba tetse. Ba loanne, ho tloha kokelong ho ea kokelong, ho tloha monyako ho ea monyako, ho tloha tulong ho ea tulong. Ha ba tsebe seo ba ka se etsang, Morena. Empa Molapo oa Bophelo o phalla o feta pel'a bona, hoseng hona. Ba ke ba nke Lengolo leo, Mareka 16, "Ha ba bea

bakuli matsoho, ba tla fola.” Balumeli ba tla fola ha ba beoa matsoho.

⁴⁷⁰ Morena, ba ke ba hopole taba eo hoseng hona, ho palama holim'a Eona, le ho re, “Morena, ke 'na enoa. Ha ke tsebe na ke tla tsamaea joang, empa ke hloella holim'a Eona. Ke theoha hantle ka Melapo, ke nyakaletse, ke kha Metsi a Bophelo ka matsoho a ka, ke a tšela moeeng oa ka, le holim'a hlooho ea ka, 'me ke itolisa ka molemo oa Hao, 'me ke tloha ke thabile, ke kalletse pallo ea Hao moo U boletseng, ‘Ba tla fola.’ Aba sena, Ntate.

Joale ka lihlooho tsa rōna tse inamisitsoeng.

⁴⁷¹ Kea ipotsa haeba motho a le teng ka mohahong ona, hoseng hona? Ba bakae ka mohahong ona, hoseng hona, ba sa tsebeng Kreste joalo ka Mopholosi oa lōna, 'me le lumela hore Molapo oa Bophelo o tlisitsoe ho lōna? Le utloile melumo e leketlang ea mefuta eohle. La haha ntlu ea lōna holim'a lintho tseo e leng lehlabathe le tebang. Lea elelloa hore tsatsi le leng le tla shoa. Le tla tsoa lefatšeng lena. 'Me le batla joalo, ruri le batla ho utloa Molomo o tiileng, 'me le lumela hobane le O utloile hoseng hona, hore Kreste o sa ntse a le rata. Ha ke tsotelle na u tletse sebe hakae, O sa ntse a u rata. 'Me u rata ha nka u hopola thapelang?

⁴⁷² 'Me hantle moo u emeng teng. Re ke ke ra khona ho le memela aletareng mona. Ha ho aletare, hobane e tletse bana, le ba joalo. Empa u ka rata, u lumela u batla ho amohela Kreste hona joale e le Mopholosi oa hao, 'me u batla ha nka u hopola polelong ea thapelo? Na u ka phahamisa letsoho la hao. U re, “‘Na joale...’ Molimo a u sitse. Molimo a u sitse. Molimo a u sitse. Molimo a u sitse. Molimo a u sitse, motšeо koana, motšeо koana. Molimo a u sitse, holimō mona mahareng. Tlase lehlakoreng *lena*, Molimo a u sitse. “Joale ke amohela Kreste joalo ka Mopholosi oa ka. Ke batla hore A loke ho 'na.” Molimo a u sitse, motšeо koana ka morao. Motšeо koana lipakeng tsa litulo, kea u bona morao mono. Molimo a u sitse. Na e mong a ka ba teng? Phahamisa letsoho la hao, ho sa tsotelehe moo u leng teng. Lihlooho li inamisitsoe. Molimo a u sitse, leleiti le lecha. Molimo a u sitse morao mono, khaitseli. Molimo a u sitse morao mono, khaitseli. Ha ke...

⁴⁷³ U ne u sa phahamisa letsoho la hao. Feela ke ile ka chakela monna oa hao maobane bosiu, a le koana kokelong, a le sithabetse haholo; ho tsoa holimō mono kerekeng ea moena. U se ke ua tšoenyeha. O tla itokela. Morena o mo amme hantle mono maobane bosiu. Ke bone bothata ba hae. Lingaka li lekile ka matsatsi a mane, ho bo fumana, empa ha lia fumana letho ka ekeserei. Empa Moea o Halalelang o teba ho feta ekeserei. Ka baka leo o na le... Ho itoketse. O tla—o tla khutlela hae hosane joale. Mohlomong a ka fihla hae kajeno. Ho lokile.

⁴⁷⁴ Motho e mong? Ho na le... Motšeо koana morao, Molimo a u sitse. “Ke batla ho amohela Kreste joalo ka Mopholosi. Ke

batla ho itokisa, ke hona. Ke tseba ho hloka botsitso ha lelapa la ka. Ke tseba ho hloka botsitso ha mosebetsi oa ka. Ke tseba ho hloka botsitso ha bophelo ba ka. Ha ke tsebe mohla ke tla shoa. Nka shoa kajeno. Ha ke tsebe. Ke taba e sa tsitsang. Empa ke batla Molumo o tsitsitseng. Kea lumela ke o utloile kajeno ka Evangel, hore Jesu Kreste o a nthata. 'Me ke batla ho Mo amohela joaloka Mopholosi oa ka.' Motho ea sa phahamisang matsoho a hae, 'me a batla joalo? Molimo a u sitse. Molimo a u sitse. Ho lokile. Motho e mong phahamisa matsoho a hao, ea neng a sa le phahamisa pele. Phahamisa letsoho la hao, u re, "Nkhopole, Moena Branham, thapelong." Molimo a u sitse. Ho lokile.

⁴⁷⁵ Ntate ea Maholimōng, batho bana ba utloile Molumo o tsitsitseng. Bongata ba bona mona, bonneteng ba bangata, ba U amohetseng joaloka ka Mopholosi oa bona hoseng hona. Joale, Ntate, ke tseba e le moetlo ho tlisa batho aletareng, ho rapela; empa ha e Mangolong, hobane Lengolo le itse, "Ba lumetseng ho Èèna, ba ne ba kolobetsoa." Ka hona kea rapela, Ntate, hore bana ba lumetseng ho Uena, U Itšenoletsa bona, ka Molumo oo oa Puo e tsitsitseng, baa tseba hore ke Uena. 'Me ba U batla u be Mopholosi. Ba phahamisitse letsoho la bona, ke tle ke ba hopole polelong ea thapelo.

⁴⁷⁶ Oho Molimo, rea tseba lihora lia koaloa, mabone a tima joale. Leseli la tsoelopele le a tima. Leseli la Amerika le a tima. Leseli la—la lichaba le a tima, hobane ho kena Leseli la lefatše. Kea rapela, Molimo, U tle u ba lumelle ho amohela Leseli le leholo lena. Re elelloa ho se lefifi le ka phirimang Leseli le le teng. Leseli le matla haholo ho feta lefifi.

⁴⁷⁷ 'Me ba tsebe hobane ho batla ho le fif- . . . lihora tse ka bang leshome tse fetileng, moaho ona o ne o fifetse phifalo, u sa bone setulo. Ho le lefifi la khitla ea bosiu ka moahong, lihora tse leshome tse fetileng. Empa, letsatsi la chaba. Ebe lefifi leo le ile kae? Mphumanele lona. Ha ba khone ho le fumana. Ebe—ebe k'hemistri ea lōna e kae? Ho etsahetse'ng ka lona? Ha le fumanoe. Le nyametse.

⁴⁷⁸ Ho joalo le ka libe tsa bona joale. Moo, metsotso e mashome a mabeli a fetileng, lefifi le ne le aparetse moea oa hae; empa ba U amohetse joalo ka Mopholosi oa bona joale, 'me lefifi lohle le lelekiloe. "Libe tsa lōna, tse ngata, li hlakotsoe, 'me joale li soefetse joalo ka lehloa." Ha u sa li fumana le ka mohla. Li hlakotsoe Bukeng. Li hlakotsoe rekotong. Mali a Jesu Kreste a tšoarela libe tsa bona. E re bona, ha ba arabela, ba eme 'me ba kolobetsoe bosiusing bona ka Lebitso la Jesu Kreste, ba ntse ba bitsa Lebitso la Morena, le ho amohela Moea o Halalelang. Aba sena, Ntate. Ke ba neela Uena e le likhau tsa Molaetsa oa hoseng hona, ka Lebitso la Jesu Kreste, Mora oa Hao.

Joale ka lihlooho tsa lōna tse inamisitsoeng.

⁴⁷⁹ E mong le e mong oa lōna o phahamisitse letsoho la hao, haeba o e-so kolobetsoe ka Lebitso la Jesu Kreste, kereke e tla be e... ho tla tšoaroa litšebeletso bosiung bona. 'Me le itokise joale, moalosi a ngole lebitso la hao fatše joale, hoseng hona. Ha o na kolobetso, hoseng hona, ha ke re, moena? [Moena Neville o re, "Ho tla kolobetsoa hoseng hona, hape."—Mohl.] Yaa. Ho a kolobetsoa, hoseng hona; hang ka mora tšebeletso ena, kolobetso. Le ka nyoloha hantle feela. Re hlaphisitse liaparo tseo le kolobetsoang ka tsona ka Lebitso la Jesu Kreste.

⁴⁸⁰ U Mokreste joale. Leseli la Molimo le kene pelōng ea hao. U hopola kamoo e leng monate kateng. Jesu o itse, "Ha ho ea ka tlang ho 'Na a sa huloe ke Ntate oa Ka." Hobaneng u ile ua phahamisa letsoho la hao? Hobane Ntho e u laetse hona. Eèna Ea u boleletseng hona, o entse tšepiso. "Ea utloang Mantsoe a ka 'me a lumela ho Ea Nthomileng, o na le Bophelo ba ka mehla." Ha ho letho le leketlang mono. U na le Bophelo ba ka mehla joale. Haeba u e lumela ka pelō eohle ea hao, hona joale u tlohile lefung ho kena Bophelong. Ú phela ka ho sa eeng kae.

⁴⁸¹ Joale amohelang Moea oa Hae o Halalelang, Matla a Molimo, a tlang ho sebetsa bophelong ba lōna 'me a tla u khontša ho Mo sebeletsa. A le keng le O amohele hoseng hona, ha le kolobetsoa ka Lebitso la Jesu Kreste.

⁴⁸² Ho bao ba kulang 'me ba batla ho rapelloa, ke batla ho bona nomoro, ke tle ke bone haeba re... Phahamisa letsoho la hao. Ho bona bongata, haeba ho ka tšoaroa mola oa temoho kapa... Ba bangata haholo. Re tla tlameha ho ba rapella feela. Ba bangata haholo. Ho na le batho ba lekholo le mashome a mahlano, ba makholo a mabeli, ho rapelloa. Ho lokile.

⁴⁸³ Ba kileng ba bona temoho ea moea ba bakae, phahamisa letsoho la hao. Ho lokile, kaofela ha lōna. Ke hantle, le tseba seo e leng sona. Joale na lea lumela, hoseng hona, hore le utloile Kolu ea Molimo?

⁴⁸⁴ Joale ke tla kōpa Moena Wood, Moena Fred Sothmann, le diteraseti tse ling, ho tla koano nakoana feela. Bang ba lōna baena ba diteraseti, kapa batikone, kapa eng feela, tloong koano nakoana feela. Joale mona ho tla batla ho hatellana, me ke batla thuso ea lōna. Joale ho lōna, lōna batho ba ka mona, letsohong le letona la ka, ba tlang ho rapelloa, ke batla le tle ka lehlakoreng *lena*. 'Me moena, Moena Collins, a eme hantle hare mono, ha u rata. 'Me o theohele mona hantle, ba tle ba fete 'me ba rapelloe.

⁴⁸⁵ Ke tlil'o kōpa lōna bana ka lehlakoreng *lena* la aletare, haeba le ka fetela ka lehlakoreng *lena* metsotso e 'maloa feela, bakeng sa Moena Branham; ha se bakeng sa ka, empa bakeng sa Morena Jesu.

⁴⁸⁶ Joale lōna baena le eme mona hore batho ba tle ba fete hantle, 'me ebe—ebe re nka lehlakore le leng *lena* lohle. Joale ho qala ka mola ona oa pele hantle mona. Moena Charlie, kea ipotsa haeba

lōna baena, David le uena, haeba le batla ho nyolohela mona, kapa le batla ho fallela nq'a motšeо? Ho lokile. Joale ba pele moleng *ona*, emang ka mokhoa oo feela; qalang ka lehlakoreng lane feela, koana pel'a lebota, ha re rapela, joale, ha re itokisetsa ho qala. Joale, e seng hona joale. Lehlakore lena ka mona, re tla le fallisetsa bohole morao ka nq'a *ena*; 'me hape, 'me re ntano qala ka lehlakoreng *lane*, le ho theoha. Joale diteraseti le bao ba tla le bea malulong a lokileng.

⁴⁸⁷ Joale, haeba leleiti leo le holofetse a sa khone ho ema, le joaloka ngoanana e monyenyane mona setulong, joale le lule moo le leng teng hantle. Ke tla tla ho lōna hantle. Ua bona? 'Me ke tseba Edith e monyenyane, o morao mona, 'me re tla mo nyollela mona hantle. Ba sa khoneng ho ema, ke tla tla ho lōna.

⁴⁸⁸ Joale ho ema mona re bua ho tla re thusa ka'ng, ho tla re thusa ka'ng ho rera Lentsoe lena la Molimo, haeba u sa Le utloe? Ua bona? "Ea utloang 'me a lumela. Ea utloang!"

Na le itokisitse, na e mong le e mong oa lōna o itokisetsa ho tšepa Molimo, le ho re, "Leo ke Lentsoe la Molimo. 'Me ha ke tsotelle maemo a ka, ka mora ho rapelloa, ke folile leha ho le joalo"? Na le tla e lumela? [Phutheho e re, "Amen."—Mohl.]

⁴⁸⁹ Joale batho ba bangata ba batlana le ho hong, ua tseba. Joaloka haeba . . . Mosali eane, eitseha ke mo rapella ka morao ho litepisi mane, ke ile ka mo sheba, eaba seo se a etsahala. Ho ka thoeng haeba a itse, "Be, ho fetile khoeli ea pele, ke mpa feela . . . ke ntse ke hola ho feta ka linako tsohle"? Ua bona? Che, che, e seng eèna. O ne a utloile Kolu, 'me Kolu eo e 'moleletse. 'Me o E lumetse ka pelō ea hae eohle. 'Me lethopa, ka morao ho nakoana, la kokobela hantle. 'Me joale o boetse setloaeling o phetse.

⁴⁹⁰ Leo, u ho kae? Na o teng mona nq'a e 'ngoe? Ke lebala lebitso la leleiti leo. Motho e mong a ka le hopola. Ke tsoere aterese ea hae. Ke tla tla le eona kerekeng. Uena, eng, u sa hopola lebitso la hae? [Moena Leo o re, "Pearl, Pearl . . ."—Mohl.] Na ke Red- . . . Redford, kapa Redfort? Re tsoere lebitso la hae le aterese, haeba le batla ho ngola.

⁴⁹¹ O folisitsoe hantle mona, lethopa, la boima ba dipondo tse fetang mashome a mararō. Ha ho mongoapo ho eèna, oa thipa. Foto ea hae ke eo, mehleng ea lethopa la hae. Ke enoa joale, ha a na le mongoapo hohle. Molimo o mo folisitse, ho e tlosa ho eèna. Litamente tsa ngaka ke tseo, o ne a mo teletse, "Ho bolaoa, ke mofetše o jang liphieo tsa hae o li qeta." 'Me joale o setloaeling 'me o phetse, ha a na bothata bofe ba phieo.

⁴⁹² Ke e mong har'a ba mashome a likete. Ke eng? Ha se molumo o sa khethoeng. Empa taba e leng teng, motsoalle, na u ka O mamela?

⁴⁹³ Joale ekare ha terompeta e letsa molumo o sa khethoeng, ho thoe, "Be, ba bang ba a fola athe ba bang che." Ke molumo o sa khethoeng oo. Ua bona? Le se ke la lumela seo.

⁴⁹⁴ Jesu o itse, “Mang le mang.” Taba eo e tiile. “Mehlolo ena e tla tsamaea le ba lumelang. E tla re ha ba beoa matsoho, ba tla fola.” Na le lumela seo joale? [Phutheho e re, “Amen.”—Mohl.] Ka pelō eohle ea lōna, le a e lumela.

⁴⁹⁵ ’Me ke tla kōpa moalosi, joale re tla... Joale re na le tšebeletso ea kolobetso e latelang mona. Ka hona, ua bona, re ke ke ra ba le nako e ngata haholo.

⁴⁹⁶ Empa ke tla rapella phutheho, motho e mong le e mong ea kulang ka mona. ’Me e tla re ha ba feta, ke tla... Na lea lumela ke mohlanka oa Hae? [Phutheho e re, “Amen.”—Mohl.] Khele haeba u e lumela, tlolo ea Moea o Halalelang e tla kena holim’ a hao hantle. Ua bona? E tlamehile, motsoalle. Ha ke bolele... Ha se letho, ’na. Ke mpa feela... Ke moena oa lōna.

⁴⁹⁷ Ke e monyenyane har’ a lōna, empa seo ke tlamehang ho ba sona. “E monyenyane har’ a lōna, e reng—e reng—e reng...” E reng ke be mosebeletsi oa lōna kaofela. Ua bona? Ke seo ke batlang ho ba sona. Ke mohlanka oa lōna. Uena u ngoana Molimo. ’Na, ke mohlanka oa Hae feela. Ke leka ho le sebeletsa, lea bona. Ke e monyenyane ka ho fetisisa. Ha ho letho ho ’na, empa, ua bona, motho e mong o tlameha ho le bea matsoho. ’Me haeba A ntumeletse ho tlisa Lentsoe, ’me, le lumela hobane Lentsoe le tla ho ’na. Bongata ba lōna le mpitsa molumeli, ’me Lentsoe le tla ho ’Na, le ikahlolele e le lōna haeba Le lokile kapa che. Ua bona? Molimo o ahlole, ka Lentsoe la Oona. Be, haeba E le joalo, e tla ba tsepiso e ’ngoe le e ’ngoe e joalo. E tlamehile joalo. Ua bona?

⁴⁹⁸ Nohe, a ’na a haha areka. Ba itse, “Ke lehlanya. Ha ho letho holimō mane. U tla e fumana joang?”

⁴⁹⁹ “Ha e etse phapang ea letho. Molimo o ka e rathola holimō mane,” eaba o tsoelapele a batolaka. Ho ea ka’ng—ho ea ka’ng...

⁵⁰⁰ E mong, e ne e le mang, eo ke buileng ka eēna? Moshe, ebe Moshe o tla theohela jang mono, ho hapa lebotho leo? Ebe o tla hapa Egepeta eohle joang? A ka e khona joang, e le leqheku le le leng la monna, la lilemo tse mashome a robeli, mohats’ae le ngoana? Ebe o tla e khona joang?

⁵⁰¹ “Ha se taba ea ka eo. Molimo o itse, ‘Theoha u e hape,’ ’me kea theoha.” U tla ba loela joang matsohong a Faro? “Na, Ke tla ba le uena.” Ha se molumo oa letho o sa khethoeng.

⁵⁰² “Mehlolo ena e tla tsamaea le ba lumelang.” Ha ho letho le leketlang. Haeba u e lumela, o beiloe matsoho, u tlameha ho fola. Na le lumela ka pelō ea lōna eohle? [Phutheho e re, “Amen.”—Mohl.]

⁵⁰³ Joale, ke batla motho mang le mang ka mona, ea ka rapelang, ke batla le inamise lihlooho tsa lōna. Ke batla le rapele ka khutso.

Ke tlil'o rapella masela ana a robetseng mona, hobane ke utloa Boteng ba Moea o Halalelang.

⁵⁰⁴ Ntate oa Leholimō, re itokisetsa ho koala tšebeletso e 'ngoe ho kena ho e 'ngoe. Ba bangata ba U amohetse, Morena, hoseng hona. Matsoho a mangata a phahame. Ba tlohile lefung ho kena Bophelong, nakoana e iketlileng eo e sa tsoa feta, Leseli le le nyenyane le fetile pel'a bona. 'Me pitlahano e nyenyane ea arubetsa letsoalo la bona. E ne e le eng? Ba ne ba eshoa, 'me tlohile lefung nakong eoho kena Bophelong.

⁵⁰⁵ Joalo ka hlaku ea mabele ha e oela mobung. Ntho ea pele, e a pitlahana; e a shoa, e a bola. Ho ntano hlaha motsonyana oa bophelo ho eona, 'me e hlahisa mabele a mang.

⁵⁰⁶ Joale, Morena, hoseng hona, bohashana ba pitlahano ea lefu bo fetile holim'a bona. 'Me ha e entse, ba phaphama, nakoaneng e seng kae feela ha ba phahamisa matsoho a bona. Ba ikutloile ba pitlahantsoe, ke Lentsoe la Molimo, Ntho e a bua, "U ahlotsoe. U moetsalibe. U tla shoa u ee liheleng. U tla timela. Ha u sa tla tsoha," lefu leo le ne le theohela holim'a bona. Qetellong ba ile ba shoela hona lethebeng leo, 'me ba utloa Kolu e reng, "Empa Ke Mopholosi oa hao. Tloo ho 'Na, lōna ba khathetseng ba imetsoeng."

⁵⁰⁷ 'Me ba phahamisa matsoho a bona, "Ke batla ho Mo amohela joaloka Mopholosi oa ka," eaba motso oa Bophelo o kena moeeng oa bona. Ba boela ba rarloha, ho hlahisa Mokreste e mong.

⁵⁰⁸ Molimo, ba ee metsing joale, ka pel'a letšoelie, ho kolobetsoa ka Lebitso la Jesu Kreste, tšoarelong ea sebe sa bona; batho ba tle ba bone hobane ba rekisitsoe nq'a—nq'a lintho tsa lefatše, 'me ba tla sebeletsa Kreste ho qala joale ho tsoella. Hoba ba shoele 'me ba patiloe le Eèna kolobetsong, ho tsohela Bophelong bo bocha, ho tsamaea ka bophelo bo bocha.

⁵⁰⁹ Mona matsohong a ka ke tšoere lisakatuku tse ngata, Morena. Le emetse batho ba kulang.

⁵¹⁰ Joale, ka Bibeleng, ka mohla o mong, ke buile khafetsa tjena. E ne re Iseraele a tsamaea tseleng ea kutlo, a tšeletele lefatšeng la pallo, eaba Leoatle le Lefubelu le ba eta pele. Molimo oa nyarela marung ao, ka mahlo a befileng, ka Topallo ea Mollo. 'Me Leoatle le Lefubelu la haroha letsoalo, hobane Molimo o n'o entse tšepiso. Ha se molumo o sa khethoeng. Leoatle le tsebile Lentsoe la Molimo le sa fanye. Ba le tsebile e tile. Iseraele e ne e habile lefatšeng la pallo. Ho se letho le ka ba etang pele, hobane Molimo o no o boletse joalo. Ka hona, leoatle la haroha letsoalo la checha, la hleka tsekwa e omileng mahareng a lona. 'Me ba tsetse mobung o omileng.

⁵¹¹ Joale ho na le Bakreste ba bangata ba kulang, Morena. Lisakatuku tsa bona ke tsena. Ba re, ka Bibeleng, ho itsoe, "Ba nkile 'meleng oa Pauluse, lisakatuku, kapa aporone." Re itseba re se Santa Pauluse. Empa rea U tseba u sa le Molimo o tšoanang,

ka Lentsoe le tšoanang le ka tšepiso e tšoanang. Ha ke romela lisakatuku tsena ho bakuli le ba maloetseng, diabolosi eo, ea ba tlamileng, a harohe letsoalo 'me a cheche ka santhao. Bana ba Molimo ba tsoe ba kene pallong ea 'mele o koenneng hamonate. Aba sena, Morena.

⁵¹² Joale bongata ba bona bo ka phaposing ena. Moalosi oa Hao ke enoa, hoseng hona, moena oa ka, Neville. Batikone ba Hao le diteraseti ke bana ba eme mona, banna ba tlotsitsoeng ba kereke ena, bao U ba sitsang ka mohau hakana, leha re se na tokelo, Morena. Empa re bona moea oa Hao o haola har'a rōna, 'me re thabetse hona haholo; tsoselsetso e bonahala e tsoha khetlo la ho qetela. Oho Molimo, re rekisitse, ho Egepeta, joale re leetong la rōna ho ea Lefatšeng la pallo. Ke leeto la matsatsi a 'maloa feela joale 'me re tla be re tšela Jordane.

⁵¹³ 'Me joale, Ntate Molimo, re U rapela ho phikolosa kutu ka 'ngoe tseleng ea rōna. Bongata ba batho bana ha ba maemong a ho hoanta. Ba mona hobane ba kula 'me ba le maloetse. Ho kula hoo ho ka thibela batho bao joang? Maloetse ao a ka ba hatella ba holofetse joang, ba le setulong sa bakuli, athe ba tseleng ea bona ea Lefatše la pallo? Alleluia! Molimo, e tle re ha re bea 'mele oa bona matsoho a rōna, diabolosi a harohe letsoalo 'me a cheche. Ba ke ba kene maemong a ho hoanta.

⁵¹⁴ Ke U leboha ka mosali eo esale ke bua ka eèna hoseng hohle, ha ke khone ho mo suthisa mohopolong oa ka. Ho bona mosali eo, ea sa khoneng le ho ema, ka baka la lethopahali leo; lingaka li mo soma. Empa, o ne a utloile Kolu, E ne e sa leketle. E ne e le Molumo o tiileng, 'me o O lumetse.

⁵¹⁵ Joale, Morena, motho e mong le e mong ea kulang ka mona a bone e... a utloe Molumo ona oo, hoseng hona; 'me a kene maemong a ho hoanta, ho falla, Morena, ho kena leetong. Aba sena, Morena. Hona joale re phahletse ntho e 'ngoe le e 'ngoe joale. Oh! Re itokiselitse ho hoanta, Morena. Re itokiselitse lefeella, le ho tšela Jordane koana. Ke leeto la matsatsi a 'maloa feela 'me re tla be re fihlile. Molimo, re lumelle ho kena ka Matla a Moea o Halalelang. Re be teng kamehla mohla re bonang Leseli leo le chabile koana, Morena, le eteletse tselo, Kreste ea tsohileng eo a khantšitse ho isa Letsatsing le phethehileng leo. Aba sena, Ntate. Joale re sa . . .

⁵¹⁶ Tlotsa matsoho a rōna, re tlotsa, hore Moea o Halalelang, o leng ka ho rōna joale, o chabe. Leseli la k'hosmiki, le ka nq'ané ho cos-... Leseli la Molimo le khantše bakuli bao, mebele e tetemang, 'me e mong le e mong oa bona a folisoe.

⁵¹⁷ Re tsoela kapele, Morena, ho khahlana le diabolosi. Re tsoela kapele ho khahlana le Leoatle le Lefubelu. Hore, joaloka ha e ne e le Leoatle le Lefubelu, hoo ke, leoatle la maloetse le thibileng batho bana ho hoanta. Re tsoela kapele ka Moea o Halalelang o phatsimang ka pel'a rōna, ho khahlana le diabolosi,

ka Lebitso la Jesu Kreste. Maloetse ao a tla tlameha ho sutha, hobane O nyaretse ka Matla a Lentsoe la Hao. 'Me ba tlamehile ho hlaphoheloa. Re tla ka Lebitso la Jesu, ho khahlana le sera. Amen.



MOLUMO O SA KHETHOENG SST60-1218
(The Uncertain Sound)

Molaetsa wona, ka Moena William Marrion Branham, o rerilwe sethatong ka Senyesemane a Sontaha hoseng, Tšitoe 18, 1960, Branham Tabernakel, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org